


北京圖書館 編

北京圖書館藏珍本
年譜
叢刊

第 134 冊

DUXIU.COM

北京圖書館出版社




□ 北京圖書館 編

北京圖書館藏珍本
年譜叢刊

北京圖書館出版社

第 134 册




第一三四冊目錄

馮旭林先生年譜	一
方儀衛先生年譜	一五一
先文端公自訂年譜	一八九
太鶴山人年譜	二二七
荷屋府君年譜	二七五
顯考尊君府君年譜	三九三
徐侶樵先生年譜	四四七
俞理初先生年譜	五一三

叙

稱人而稱其文必其行之無足
重者也稱人而稱其官必其德
之無足述者也獨余同年

東昌太守旭林馮公文擅紅綾
之晏而不炫其文官膺皂蓋之
榮而不矜其官蓋其得於性分



者具足故其得於人事者人與
已胥忘之也公之先世世居江
西明季兵燹相仍譜牒散失名
諱數世無考後由江右徙居於
光以公七世祖伯舉公為始祖
代有隱德至公
封翁樸庵公尤好施予年終度親

鄰之歎者而酌予之待以舉火者不一而足適歲饑捐粟煮粥全活甚衆鄉人德之稱為馮善人家咸曰其後不大是無天也生公公初就外傳甚聰穎日誦數千言年十七補博士弟子員數歲由鄉試捷春闈筮仕山左

名
歷有政聲口碑可采余丁丑落
第過聖水詢之里人悉云龔黃
召杜不是過也至於歷任升遷
加級

誥封三代具炳齋王先生所叙年
譜不煩更贅余獨怪初晤公之
為人也美秀而文謙謙儒士耳

意其為官未必能遇事立解也
乃決大疑定大策除暴安良拯
飢救溺捕逆匪而獲其醜翦土
豪而殲其魁不動聲色立辦盤
錯此豈尋章摘句內鄙祿蠹之
所能為者乎余於丙戌會試後
得承乏弋陽司諭是時公在任

所音問尚疎及公癸巳致仕旋
里花晨月夕彼此過從得細聆
其言論皆立身致行切要不譚
時政不言宦境公固有行有德
而不徒以文與官顯也所憾者
方期與公多聚數歲匡我謬戾
而哲人遽萎不能無焉託之悲

耳公卒後其長子俞堂孝廉以
年譜徵叙於余夙欽公之行與
德也亦不敢以不文辭是為叙

時

道光十六年歲次丙申十有一
月睢州年愚弟唐永清頓首拜
叙於弋陽學署

余



四

年譜

弋陽王心照炳齋甫著

歲在壬辰乾隆三十七年十二月初四日子
時 公生于河南光州北城龍門街東祖宅
諱春暉字麗天號旭林先世自江西徙居光
州兵燹之餘譜牒失考惟溯至伯舉公爲始
祖洵歷七世代有隱德 墓在州之距城十
里 高曾祖考妣咸以 公貴立石馬石羊
石虎石望柱各二事神道碑在八里橋右

癸巳乾隆三十八年 公二歲

甲午乾隆三十九年 公三歲

公兄煦之性敏慧好學是年二十歲冀入
庠矣不幸遘疾遂卒

乙未乾隆四十年 公四歲

丙申乾隆四十一年 公五歲

丁酉乾隆四十二年 公六歲

戊戌乾隆四十三年 公七歲

始入塾

己亥乾隆四十四年 公八歲

庚子乾隆四十五年 公九歲

辛丑乾隆四十六年 公十歲

壬寅乾隆四十七年 公十一歲

癸卯乾隆四十八年 公十二歲

始爲文

甲辰乾隆四十九年 公十三歲

乙巳乾隆五十年 公十四歲

初應童子試

丙午乾隆五十一年 公十五歲

丁未乾隆五十二年 公十六歲

補博士弟子員

戊申乾隆五十三年 公十七歲

己酉乾隆五十四年 公十八歲

封翁樸庵舅氏爲 公授業即心照胞妹也

補增廣生員

庚戌乾隆五十五年 公十九歲

辛亥乾隆五十六年 公二十歲

盧南石相國視學中州置 公優等食廩
餼尤以詩賦受知曰瓊島玉堂虛左待君
矣

壬子乾隆五十七年 公二十一歲

癸丑乾隆五十八年 公二十二歲

甲寅乾隆五十九年 公二十三歲

乙卯乾隆六十年 公二十四歲

公父諱昌後公以三月卒 公母王氏以
二月卒喪祭如禮 公少年失怙恃債積

如蠟而能節儉日用濟以脩脯不數年間
以次清釐

丙辰嘉慶元年 公二十五歲

梁又曾名鞏世業農 公一見才之召來
學不索束脩後以道光壬午登甲榜現任
湖南嘉禾縣知縣

丁巳嘉慶二年 公二十六歲

戊午嘉慶三年 公二十七歲

應本省鄉試中式舉人○長甥生不育

己未嘉慶四年 公二十八歲

庚申嘉慶五年 公二十九歲

甥喜賡生

辛酉嘉慶六年 公三十歲

壬戌嘉慶七年 公三十一歲

公試南宮不第遂留 京邸時商城縣程

鶴樵先生官侍講欵 公其家教其子家

督字小鶴家顯字小槐後小鶴以乙丑進

士改庶常歷清班遂任廣西右江道小槐

旋登賢書現任湖南思南府知府○是年

秋苦久霖 公館于其廳之南室室甚堅

好忽欲移書別院主人方笑止之 公已

率弟子出矣甫出而棟折榱崩人人稱奇

癸亥嘉慶八年 公三十二歲

甲子嘉慶九年 公三十三歲

乙丑嘉慶十年 公三十四歲

成進士

殿試二甲 授知縣分發山東甫謁各憲即

委審案件判斷明允咸以爲老吏不是過也

丙寅嘉慶十一年 公三十五歲

九月補濟南府濟陽縣知縣未履任即聞有不靖之民 公易服先至濟者再吏民莫知方走迎于康衢而 公已入城矣故

一經接印奸宄名姓皆在夾袋人以爲神

○邑無書院 公捐廉重建之延師課讀

文風日盛○城東有大清河每春季魚船

雲集動以千百計無業之民賴以生活者
數邑皆然向有魚稅官吏藉飽囊橐而蠹
胥奸殺百端詭索販魚之賈視爲畏途船
至日少則抽分愈重人益苦之公廉得
其情悉與豁免刊示河干永以爲訓濰縣
膠州一帶民人歌頌不絕○縣俗有試刑
者惡習也官初莅任必遣無賴子故犯其
鋒不知者畧與薄懲則以爲此官刑輕後
將無所忌公未至即知之視事甫十日

值告期或故以無情之詞進詰之益狡
公默計曰此其即試刑者耶筮之果若
不知也者遂重加撈掠直揭其隱始斥去
之故 公在濟五年莫敢撻者○是年上
憲卽有聞 公賢者擬調首縣未果而適
他遷矣

丁卯嘉慶十二年 公三十六歲任濟陽縣
與本省分校○民健訟婦人尤甚 公作
戒訟文示之諭以廉恥董以刑威民風頓

改○公初仕人或意其可以利動也適富
室某有獄介公恒接見之紳士而啗以
金公驟怒即于客座詞跪數其罪而逐
之立升堂審判定讞

戊辰嘉慶十三年公三十七歲任濟陽縣
再與本省鄉試分校○富紳某以夤緣故
幾中式矣公廉得之批抹其第三藝遂
不獲與選一時衆議沸騰公曰

朝廷取士自有公道豈容鑽營者濫廁其間耶

况十年攻苦不敵一寸紙條不令寒儒灰心短氣乎

己巳嘉慶十四年 公三十八歲任濟陽縣
大計卓異請咨引

見奉

旨準其卓異加一級回任候陞恭逢

皇上大慶以

覃恩請

封如其官

制曰考績報循良之最用獎臣勞推恩溯積累之
遺載揚祖澤爾馮善慶乃山東濟南府濟陽縣
知縣馮春暉之祖父錫光有慶樹德務滋嗣清
白之芳聲澤留再世衍弓裘之令緒帖篤一堂
茲以覃恩馳贈爾爲文林郎山東濟南府濟陽
縣知縣錫之勅命於戲聿修念祖膺茂典而益
勵新猷有穀貽孫發幽光而不彰潛德

制曰冊府酬庸聿著人臣之懋績德門輯慶式昭
大母之芳徽爾陳氏乃山東濟南府濟陽縣知

縣馮春暉之祖母箴誠揚芬珩璜表德職勤內
助宜家久著其賢聲澤裕後昆錫類式承平嘉
命茲以覃恩貤贈爾爲孺人於戲播徽音於彤
管壹範彌光膺異數於紫泥天庥允劬

制曰求治在親民之吏端重循良教忠勵賢敬之
忱聿隆褒獎爾馮昌後乃山東濟南府濟陽縣
知縣之父禔躬淳厚垂訓端嚴業可開先式穀
乃宣猷之本澤堪啟後詒謀裕作牧之方茲以
覃恩贈爾爲文林郎山東濟南府濟陽縣知縣

錫之勅命於戲克承清白之風嘉茲報政用慰
顯揚之志昭乃遺謨

制曰朝廷重民社之司功推循吏臣子凜冰淵之
操教本慈幙爾王氏乃山東濟南府濟陽縣知
縣之母淑慎其儀柔嘉維則宣訓詞于朝夕不
忘育子之勤集慶澤于門閭幸被自天之寵茲
以覃恩贈爾爲孺人於戲仰酬顧復之恩勉思
撫字載煥絲綸之色允賁幽潛

庚午嘉慶十五年 公三十九歲

五月調任萊州府掖縣知縣○夏苦旱

公按春秋繁露法禱于南郊甘霖立沛冬
祈雪亦立應○高麗國知府佟某奉其國
命運紅糖數千筒赴某部求售中途遇風
一日夜飄至掖境抵岸蓋去某部不可以
道里計矣貨用乏絕 公稟明各憲請卽
于內地銷售俾得置歸裝奏奉

俞旨時大寒爲高麗所無 公爲製裘衣之曰奉
大皇帝旨爲遠臣衣舟中尤寒 公授之館曰奉

△言
大皇帝旨爲遠臣館渠皆北面謝

恩後紅糖盡售如數付直則曰

大皇帝有旨念遠臣遭值風浪不能歸已將攜帶
貨物倍與之息其勿久滯並道揚

天朝德意宣揚

大皇帝恩威莫不歡忭悚惶尅期解纜而去○公
之將去濟也濟之民遮道攀轅咸思借寇
公諭止之紳士耆老獻詩數百首名濟

北頌言

辛未嘉慶十六年 公四十歲任掖縣

歲大禱 公又用春秋繁露法禱雨夜大

風盡拔其旗 公步禱于黑龍潭往返七

十里並自製祭文罪己而兼責神自五月

至六月下澣始雨雖極滂沛而農已失時

道有飢民 公開常平倉以賑之或曰是

當請于上台委驗確實而後可行 公曰

展轉行查必須一月一月之中增數千百

餓殍矣達官即罪予當不至死處分不過

鑄級以一人鑄級易數千百生命尚何恤
焉遂先賑一時當道頗以是重 公 公
又設粥廠三俱慎選紳耆經理胥役莫能
染指 公間日抽查以期實惠及民○掖
縣城垣自康熙某年某令脩葺之後將百
年矣頗有缺損 公乘飢以工助賑自七
月開工至十月完竣折修者若干丈尺補
繕者若干丈尺雉堞麗譙言言乞乞而饑
民之得免溝壑者無筭○時張船山先生

由侍御出守東萊能詩 公與唱和幾無

虛日文采風流至今人艷稱之○邑有道

士谷桃花最盛春夏間望如列錦又有蠡

勺亭去海八里登眺之餘則芙蓉島小石

島皆在雲物變城中誠鉅觀也 公每攜

酒邀賓遊詠其際

壬申嘉慶十七年 公四十一歲任掖縣

歲又旱蝗蝻大作 公用秉畀炎火法掘

大坑夜置火其中蝗盡撲入隨燒隨埋不

旬日而盡淨矣○濱海產天鹽曬鹽之家
惡大雨有龍潭去城七十里禱之雨立應
曬鹽人墳其上于是莫敢掘時憂旱甚急
太守張船山先生知其弊戒從人曰土山
有龍潭將往禱焉諏吉往 公以相驗故
未從比至土山鄉民之荷鍤待者以千計
太守量其廣輪規其左右而得其地果有
古墳問爲誰氏之墓莫應者以詢父老皆
不能指實也集鄉保而訊之均以不知對

遂命挖墓見白骨忽有自稠人中號哭而出者斥罵太守率人破其祖墳一招呼間持械者響應而前太守被圍飛騎來報公甫自屍場歸排衙未畢也聞信大駭或告公會營偕往或曰是當閉城而固守之公皆笑却只點壯丁四十人人與火把二未刻出城去土山十餘里即燃之數十騎風馳而去土山之衆望若大軍木屬烏合且疲矣紛紛然鳥獸散當獲數十人

出太守于圍並轡而回後爲首者擬絞軍
流若而人初率衆出城時有巨紳家僕策
馬而過公命遞還問將安往初諱不言
命鞭之始曰吾主母命往某親家假房屋
將移眷避難耳公叱曰官紳與城同存
亡顧先去爲民望耶城內有一人逃出吾
先按軍法斬汝僕抱頭竄歸民以安帖

癸酉嘉慶十八年 公四十二歲

攝沂州府通判篆九月以白蓮教牛亮臣

作亂陷定陶曹縣同撫軍興親赴曹郡督
師由八百里飛檄調 公辦理軍需總局
○某縣佐解餉逾限一日懼甚求救于

公 公爲倒填收貯之期得免罪或曰威
克厥愛軍令也此舉其類狗庇歟 公曰
現仕糧餉頗足支發某以途次阻水逾限
又止一日可原也一經搨出大中丞以軍
令持法罪將不測我諱之無損于軍政後
倘發覺我任其咎○夜巡火藥局遙見火

星趨視之蓋守局人方喫烟也命縛送大營或哀之 公曰此等重地苟不戒于火勢必延燒即幸可撲滅一時何從購補萬一火發之頃賊兵掩至尚可問乎立按軍法巡火藥局例不得執燭故守兵不見

公也○大兵駐曹州府遣某副將率偏師圍定陶久不克將命萊州營參將馬建級往助之 公曰定陶久在圍中賊困矣可以計取也劉運司清棧警有急智可令助

攻定陶今悍賊皆在曹縣可令馬參將將
生力軍取之中丞從之不旬日而恢復二
城如拉朽然兩城旣復羽黨盡淨馳報捷
音

皇上命保舉出力人員 公于薦章內自削其名
單騎回省寓絕口不譚軍事○公歸時輦
書數千卷交甥慎守若全唐詩若玉海若
淵鑑類函皆以大軍之後書肆草草賤售
得之

甲戌嘉慶十九年 公四十三歲

調補濟南府歷城縣知縣○或奏山東州
縣虧空動累鉅萬疆臣莫肯舉發

皇上命章相國煦隨帶司員馳驛察辦 公辦總
局前令有虧項一萬八千兩議分六任代
繳每任解銀三千兩 公以爲此有著之
項遂與出結孰知後任莫肯墊解至道光
元年而事發

乙亥嘉慶二十年 公四十四歲

升任濟南府德州知州○喜膺補博士弟
子員○州爲九省通衢五方雜處最稱難
治 公安良鋤莠句稽嚴明萬民安堵頌
聲大作公顏于大堂曰樂只君子○聖廟
久圯繁露書院在城西南隅僅餘基址而
已 公倡首脩復規模宏麗書院增十餘
楹來學者日衆 公延請名進士高霞曉
先生寧院南面設講席月二課悉加批改
講書之日生童分左右侍立啓迪多方士

風大起

丙子嘉慶二十一年 公四十五歲任德州
決科舉賓興爲前此所無後此每屆秋試
輒一舉

丁丑嘉慶二十二年 公四十六歲任德州
德平縣與州境接壤有巨盜盤踞匪伊朝
夕矣 公奉密札夙夜率壯丁圍其居舍
賊首張九拒捕自寅至午張九知不敵始
自戕被獲醫之不死卒實於法兩邑之民

甚德之

戊寅嘉慶二十三年 公四十七歲任德州

秋七月運河水漲溢于張秋鎮程鶴樵中

丞檄 公督辦總局糜

帑十餘萬三月而竣事 公以與中丞有舊

又不受薦中丞心甚歉終以催趲糧艘出

境迅速

奏請儘先升用

己卯嘉慶二十四年 公四十八歲任德州

喚咭喇國距京師幾十萬里是年航海
來

朝由內地迈其國六月舟由運河入州境連
檣數十先有

旨命沿路妥爲支應公先期訓練丁壯脩補兵
仗密札直隸令其船必近昏始抵泊處夾
岸護衛步伍整齊旗幟鮮明每一人登岸
則以五人伴之國人甚慄悍鬣黑而長衣
袴如一舉止若猿生噉牛羊音如鴉鳥性

鷲不馴誅求無度 公酌量抑裁力持

國體維舟後 公乘輿盛陳侍從登舟與正

副

貢使修賓主禮其國以酒禮賓案上常陳玻璃

壺盞客至酌以酒色如琥珀醕則復酌必

俟杯有餘瀝而後止 公連進三盞與通

事官稱

大皇帝恩威皆悅服斂戢而過

庚辰嘉慶二十五年 公四十九歲任德州

次甥載賡生○城東鐵佛寺有僧曰智崙
身長八尺負兼人之勇門前石獅子重八
百餘斤能以一臂挾之而走寺中沙彌雞
姦殆徧咸畏之莫敢誰何一沙彌獨不從
僧以鐵禪杖斷其一足逼令坐棺募化其
家不敢愬並不敢入寺一探訊也家皆怒
莫與同力 公偵知之慎密不洩適東鄉
有相驗之役密戒從役並健僕吳成過寺
啜茗僧衣大衲被髮金勒懷度牒臂拜佛

方祿布襪衲鞋迎于門詢知爲天台度僧
兩受戒於大相國寺一受戒於少林眉宇
之間含殺氣坐頃命小沙彌邀人役等咸
入寺休息於是民壯若而人釋兵負曝簷
下又少選公將出執車轡執械森立僧
尾從甫離禪堂公一擲手中烟袋而六
七抓鈞已在僧肩公至山門矣僧撥去
三四竿無如衲厚抓固且不作隄備遂傾
跌吳成躍而騎其腰短刀數十攢其身縛

而械之雙其桎梏昇而歸衲重百四十斤
袖二鉛丸重七斤蓋弄物也戒刀長三尺
有七寸禪杖二皆重三十斤有奇毀棺而
出沙彌足已不可復續赴愬者踵相接箠
之呼佛于是擬充邊遠軍僧甚狡再解而
再翻供瘐死于臬司獄中

辛巳道光元年 公五十歲任德州

嘉慶中本省

恩科鄉試副車 公充外收掌恭逢

皇上御極覃恩加級請三品

封

制曰嘉謨垂奕葉允昭世德之求殊寵錫公朝
益展曾孫之孝祇承新渥用報曩徽爾馮錫
印乃現任山東濟甯府德州知州加五級馮
春暉之曾祖父敦修無斁聖教有方種德開
先堂構益恢于來緒詒謀裕後箕裘克紹于
前休懿矩攸彰恩施遂逮茲以爾曾孫克襄
王事貶贈爾爲通議大夫錫之誥命於戲四

世其昌文聚德星之慶九原可作允承褒命
之榮國典洵膺家風益振

制曰綏柔佐治寵旣被于外僚貞順垂休恩聿
推于內德特敷惠澤用播徽音爾懿氏乃現
任山東濟南府德州知州加五級馮春暉之
曾祖母肅雝可範令美堪模樹慈訓于後昆
爰著鍾祥之慶傳素風于奕葉式昭貽穀之
謀允作母儀膺昭國典茲以爾曾孫克襄王
事貽贈爾爲淑人於戲九重錫慶洵邀丹詔

之褒四世承恩益煥朱幘之色勤宣令問用

闡幽光

制曰考績報循良之最用獎臣勞推恩滂積累
之遺載揚祖澤爾馮善慶乃現任山東濟南
府德州知州加五級馮春暉之祖父錫光有
慶樹德務滋嗣清白之芳聲澤留再世衍箕
裘之令緒祐篤一堂茲以爾孫克襄王事贈
爾爲通議大夫錫之誥命於戲聿修念祖膺
茂典而益勵新猷有穀貽孫發幽光而不彰

前德

制曰冊府酬庸聿著人臣之懋績德門輯慶式
昭大母之芳徽爾陳氏乃現任山東濟南府
德州知州加五級馮春暉之祖母箴誠揚芬
珩璜表德職勤內助宜家久著其賢聲澤裕
後昆錫類式承乎嘉命茲以爾孫克襄土事
贈爾爲淑人於戲播徽音于彤管壺範彌光
膺異數于紫泥天麻允劬

制曰求治在親民之吏端重循良教忠勵資敬

之忱聿隆褒獎爾馮昌後乃現任山東濟南
府德州知州加五級馮春暉之父禔躬淳厚
垂訓端巖業可開先式穀乃宣猷之本澤堪
啟後詒謀裕作牧之方茲以爾子克襄王事
贈爾爲通議大夫錫之誥命於戲克承清白
之風嘉茲報政用慰顯揚之志昭乃遺謨
制曰朝廷里民社之司功推循吏臣子凜冰淵
之操教本慈帟爾王氏乃現任山東濟南府
德州知州加五級馮春暉之母淑慎其儀柔

嘉維則宣訓詞于朝夕不忘育子之勤集慶
澤于門閭式被自天之寵茲以爾子克襄王
事贈爾爲淑人於戲仰酬顧復之恩勉思撫
宇載煥絲綸之色允賁幽潛

制曰作牧重于專城遂委一州之任親民莫如
長吏遠逾百里之榮爾山東濟南府德州知
州馮春暉才具夙優精勤尤著釐剔吏胥之
弊人憚嚴明句稽案牘之煩政無畱滯茲以
覃恩授爾爲奉直大夫錫之誥命於戲飭乃

官方旣効能以奏績勞于王事宜寵錫以酬庸

制曰良臣宣力于外効厥勤勞賢媛襄職于中膺茲寵錫爾山東濟南府德州知州馮春暉之妻王氏終溫且惠旣靜而專綦縞從夫克贊素絲之節蘋蘩主饋爰流彤管之輝茲以覃恩封爾爲宜人於戲敬爾有官著肅雍而並美職思其內尚黽勉以同心

公以清查案解任拮据解清九月回任○

當在寤鄉同年顏公廷彥舊欠銀千兩時
任甘肅某縣聞之由甘餉之便寄還此項
得紆燃眉人重其義 公謂喜賡曰顏年
伯敦古誼非近代所有其識之勿忘

壬午道光二年 公五十一歲任德州

正月 公因公在省衛河之水盛漲溢于
老虎倉老虎倉最據上游此隄一潰其灌
北門也如高屋之建頡然于是州之北門
小西門西門皆屯土築塞僅通人行 公

聞信駭異星夜馳馬而回鳩衆庀材塔築
穩固○公兄煦之早逝無嗣因以次甥載
廩出繼曰例不絕大宗我將以喜贖嗣之
者久矣向忍而未發今幸又獲一子如再
遷延何以見我兄于地下耶且曰我家三
世單傳幸我有兄我兄雖早卒然已成丁
例得立繼使後世知我父實有二子也○
旋遣人歸定 宗祠章程入祭田若干頃
于 祠呈明州刺史備案

癸未道光三年 公五十二歲

八月升任臨清直隸州知州○六月衛河水又大漲王家莊菜市小錫市報險者羽檄飛馳是時秋稼如雲可期大有儻此隄不守不惟保固限內 功令森嚴而數萬生靈亦即感飽魚腹 公相度地勢惟王家莊爲尤要于是分遣所屬嚴守各險口而自與委員督撻王家莊止衝晝夜隄上惟一蓋而已如是者十有七日浪不隄固

積勞成疾琦中丞聞之飛章保

奏請升補臨清直隸州知州七月奉

俞旨八月履任臨清正當運河水溢之後賑務

方殷 公身抱沈疴力疾視事泛舟載餅

卽入圍水小村而食之真不啻起死人而

肉白骨也十月杪 公病始起○直隸清

河縣妖人馬進忠傳習邪教煽動兩省愚

民盈千累萬奔走燒香于其家馬逆自稱

聖人以爲夏禹之後身也尊其父馬萬良

爲明天教主僞立年號曰天心順並僞封
三宮六院以爲九女星下界又僞大將軍
一人僞軍師二人僞尙書六人別立名目
爲才官者七十二人將以十二月十五日
先攻臨清州次攻恩縣次年二月初二日
糾衆直取 京都本年十二月初七日出
清河適山東東昌府館陶縣之辛集其姑
丈劉允中家册立僞后劉氏馬逆竟披黃
袍頭以朱帛結雙丫髻與僞后劉氏同車

白旗前導鋤犁隨其後渡運河河上人無
不愕然堡頭某來稟 公會同都閩夤夜
輿師圍辛集擒劉允中等十餘人訊稱馬
逆已赴吊馬橋驗視困糧先遣人將已獲
各犯縛解入城旋馳至吊馬橋僞軍師郭
浩德僞大將軍樊合及逆父馬萬良率衆
拒捕自四更接圍至日出一律就禽搜獲
經卷神像旗幟並從逆人犯名單 公初
意不過斂錢惑衆極之漁色而止故初報

絕無謀逆字樣乃從逆各犯招認不諱案情愈審愈重迨起獲黃袍供出年號封號而其勢不可遏矣是時中丞飭令臬司先赴臨清督辦東昌高唐節制追而付之遂即中途調取高唐守兵帶往臨清彈壓守禦然而風聲日熾妖言四起聚衆演戲詐稱劫獄者甚多故城門晝閉盤查出入不數日中丞親臨大概情節皆就緒矣惟距起事前後六七日耳絕無兵器難以定讞

反復研鞫始據郭浩德供稱我輩造反不
消兵艱詰之曰臨清協鎮署在城外擬于
十四日夜潛至其署放火城內文武官必
一時出救遂劫其武庫掩殺入城昏夜之
中誰能敵我自得此供大獄遂定中丞以
分別首從未易出入謀之 公 公曰馬
進忠封官俱有紙包面書名書管領某陣
第幾隊中藏小符包凡三色曰黃曰紅曰
白白者捨莊村罪最輕皆可生紅者隳城

池則較重生者半死者半黃者取 京都
則盡置大辟更於其中分入教之久暫官
職之大小與謀否助餉否招集徒眾否陵
遲處死者十八人斬梟者若干絞決者若
干共一百七人其餘軍流徒杖者又五百
餘人直至道光四年二月始蕝厥事初
公之搜其室也得小合扇不可啟 公遽
焚之後聞皆避從人姓名尚餘數紙在外
拆緘視之人一張語類鼓詞合內不減數

千紙儻不即焚緝拏有已時乎况無辜者
多半爲馬逆所愚耳即此一舉造福何極
公以新痊之身辦此巨案心力交瘁自
是以後精神日以不振直至壽終皆胚胎
于此

甲申道光四年 公五十三歲任臨清州

二月結案入

奏奉

旨辦理迅速可嘉著賞加知府銜十二月初四

日 公誕辰也客臘宴賓驟聞逆案徑搗
巢穴擒王而歸乃初九日仍折柬邀賓友
再聚人咸謂民心搖惑衆議沸騰應罷宴
公弗聽後聞州人聞有反期皆思棄家
逃避旋知署中方設飲也頓止不去 公
又曉諭四鄉言首逆已獲脅從者早出自
新槩不究問人心遂大定非 公智勇深
沉則後此之風聲鶴唳亦足使安業之氓
流離轉徙也民感再造之恩皆曰乾隆甲

申王倫稱亂去此適六十年當時無賢刺
史遂致大闕糜餉殃民今先事發覺不動
聲色閭閻不擾而凶逆授首我輩獲再生
皆我州侯惠也將醴金爲立德政碑 公
以專干例禁再三諭止乃于十二月初四
日雙壽之辰公卜區額稱祝書院肄業生
童一日修文偃武紳耆一日惠洽吏民士
民一日保我黎民後道光十二年喜賡奉
母南旋舟次清源磚閘猶聞州之人歌思

不絕且以 公歸爲東人情也○臨關權
稅歲有虧缺 公前兩任一降七級一降
八級 公委任得人興利除弊抉摘隱微
條陳八事請中丞入

奏一曰糧船挾帶私貨最于

國課有損請

旨令南糧未開以前勾定喫水尺寸一面移會山
東巡撫飭下東昌府于出閘時勾水核對
如有不敷據實稟揭即將糧道總運領運

千總等

奏請議處奉

旨準行至今東昌府有兼理漕河事務銜自此始也一封僱民剝例用空船而胥役舞弊每遇貨船必勒索使費少不遂其欲即掀卸封貼是以糧船通行之時貨船逃匿以致納稅者少倘由臨清一手辦理安肯封帖貨船致悞

國課請

旨將封僱協濟民剝應領銀兩盡發臨清州所
有德州恩縣武城夏津等處應用民剝俱
由臨清州應付奉

旨準行其最著者○州有惡俗曰鬪花棉花一
熟卽有貧家子婦百十成羣入地掇拾縱
橫十畝頃刻可盡主人來阻動致鬪毆然
其民習以爲常地主苦之而無如何貧民
例爲之亦不自知其非也 公聞之曰是
何異白晝行劫乎有來愬者必重懲其人

出示嚴禁漸就移易民感之醵金鑄其示
于石豎大門內積有餘貲大門外演劇數
日

乙酉道光五年 公五十四歲任臨清州

丙戌道光六年 公五十五歲

七月引

見奉

旨准其升補臨清直隸州知州十五日黎明于

圓明園

勤政殿

召見

旨似是那一州奏山東臨清直隸州知州

旨你是怎麼外用的奏榜下即用

旨你見武隆阿不曾奏正月間因公進省見過

旨你來時見武隆阿不曾奏武隆阿現奉

旨授為

欽差大臣從征張格爾臣進省請咨武隆阿先

已起身所以不曾見

旨你一路來年景如何民情如何奏今年夏季

山東直隸麥收歉薄蒙

皇上賞給口糧莫不歡忭入秋以來雨暘時若

民情安帖

旨你的知府銜就是馬進忠一案加的麼素是

旨琦善辦的好不然又成巨案奏臣托

皇上洪福得以先事拿獲又蒙

皇上天恩賞加知府銜臣雖捐糜頂踵無以仰

酬萬一

旨你年富力彊正是做官的時候你是個讀書人做官的道理是知道的詩云靡不有初鮮克有終爲臣者不可始勤終怠你回任好好做官去遂趨出先是四品以上方有

召見例 公以直隸州

召見乃曠典也故

奏事門外候 公出藉瞻顏色者蓋不啻數
十百人後此州縣引

見每有

召見之

旨實自 公始○是年冬歷署兖州府武定府
篆武定濱海爲鹽梟之藪積重難返歷任
皆冀倖苟安 公方力圖整頓而已解篆
去矣

丁亥道光七年 公五十六歲

四月升任曹州府知府○夏苦旱 公禱
雨於城隍廟每雲興則有大風隨其後風
止而雲散矣 公爲文祭風神而詰責之

以帛封其目三日不風雨遂優渥于是復祭而啟其帛

戊子道光八年 公五十七歲任曹州府

五月某村民呈報麥秀雙歧取驗屬實皆

曰此

太平嘉瑞太守之德至矣請即通稟可以入奏 公不可同人之以詩古文詞頌者成帙

東山酬唱中祇存崖畧耳○秋 公以失察所屬范縣越獄並督催下忙錢糧不足

分數

奏參擄去頂戴奉

旨降三級調用旋即懸賞購線限內全數弋獲

各屬感 公舊德強半墊解亦一律清款

中丞專摺保

奏奉

旨開復原官降調無開復例此

特恩也

己丑道光九年 公五十八歲

三月補東昌府知府

庚寅道光十年 公五十九歲任東昌府

夏衛河水淺糧船阻滯 公極力疏濬並

禱于

大王廟水驟長○糧船停泊草竊衆多 公

飭首縣約束申戒有犯必懲民獲安堵

辛卯道光十一年 公六十歲任東昌府

喜廢舉于鄉○公充鄉試內監試官○公

壽辰作自壽詩寓告歸意

壬辰道光十二年 公六十一歲任東昌府
公偵得有剗假印者其居去府署不數里
也忽命騎出請所之但云惟馬首是瞻而
已直入其室抄之得硯石刻字其上幸雕
成未久惟偽發一二察小錢禁燒錫通札
期詐得車價耳

癸巳道光十三年 公六十一歲

謝病歸里舟車屢易秋雨積潦備極艱辛

甲午道光十四年 公六十三歲

公邀諸鄉先生爲九老會月一聚賦詩飲
酒盡歡而散○十月修墓畢遵

大清會典照三品

封立白壁柱石虎石羊石馬各二神道碑用大

祿碑并首輓趺又爲臥碑三述歷代積德

以示子孫諱吉祭告焚

黃墓頂不期而會者二百餘人

乙未道光十五年 公六十四歲

公以捐攤各款尚累鉅萬咨追之檄頓至

謂甥等曰吾負

皇上冀喜膺遠博一官可扣廉作抵喜膺久不
第吾家居不安其再出乎不攜眷少用從
人東昌雖瘠苦節省之每年可解四五千
金不五六年間宿負可清然後歸養泉石
卽爾輩不仕團聚可喜且寤寐亦安也但
願天加我數年壽耳甥哽咽不能言親朋
莫能諫阻遂以六月長行受暑病泄洩至
周家口而增重臥病數日勢難前進始返

九月喜賡往禱于金剛臺

藥王廟入冬跣日腫氣體日虛羸遂綿延以

至不起

丙申道光十六年 公六十五歲

正月 公病似有起色將命喜賡應春官

腹腫漸消送醫者段雪亭先生北歸已能

親爲舉觴高歌竟夕乃自此之後飲食銳

減肌膚消瘦遷延至三月十四日丑刻卒

于北城後街新宅遺命云我壽逾六旬官

至四品死可無憾所不適然者兒輩不知
儉約耳爾母相我于艱難困苦中者四十
年矣爾善事之爾弟未成人但教之使博
一青巾便佳女及兩孫女未嫁是我未了
事爾率爾弟勉支門戶我可以瞑目矣爾
壽異日償得仕毋躁進毋爲家人生產計
一將以朴誠期上無負

國下無負民而已且曰家貧毋厚葬況汝祖
父母卒時我不能脩禮階下椎牛何裨焉

果厚莖我我亦不安于窀穸也

公卒時心照在鄧不及一握手訣別至今
以爲恨九月杪三東歸兩甥泣請爲公
敘年譜予與公累代至戚總角相依及
公筮仕後予喜詢其行政之實公亦
樂與予言故知公者莫予若也予衰老
不能文公固有實事可紀亦不事文也
因述之如右

三餘堂石賡賜鐫字

皇清誥授朝議大夫山東東昌府知府致仕顯考

旭林府君行述

嗚呼 府君竟棄 不孝等而長逝耶 府君

善攝生氣體豐腴雖歷任繁劇昕夕勞心而

從無疾病道光癸巳夏秋之交在東昌府任

偶以小恙引歸 不孝稔知 府君久有退志

且冀後此林泉安養正可以優游之樂登期

頤之壽乃以乙未伏日受暑病瀉泄瀉止而

跗腫延至丙申三月而逝昊天不弔呼籲無

從不孝等侍奉無狀百死何贖惟念 府君
生平嘉言懿行固自表表而志之所未遂意
之所未宜以及細行之矜家訓之密或有人
所不及知者用敢苟延餘息揮淚吮毫畧述
于左以俟

當代名公鉅卿大人先生採擇焉

府君姓馮氏諱春暉字麗天號旭林別號梅
嶼以乾隆壬辰十二月初四日子時生先世
自江西瓦西壩遷光 先高祖燦實公生

三子 先曾祖居次單傳以至 府君

先祖考 先祖妣棄世 府君甫二十

四歲 先高祖樂善好施喜放生終身力

行不倦 先曾祖 先祖遞承家教亦

慈祥豈弟至今人稱馮善人家州乘並有傳

故 府君生而仁孝岐嶷之年有聲里黨

府君無兄弟女兄女弟各二人伯姑適胡氏

仲姑適劉氏叔姑適唐氏季姑適余氏始皆

中貲後漸零落 府君撫恤孤甥始終無間

府君穎悟過人少承庭訓握髮時即能爲詩
古文詞旋奉 先祖考命受業于王炳齋

舅氏者數年尤以詩賦擅名年十六補博士

弟子員逾年食廩餼後屢躋秋闈至戊午始

膺鄉薦而 先祖考妣已先卽世 府君

每與不孝等 言之輒以爲憾吾家本寒素

北上公車艱于貲斧壬戌下第後遂留 京

邸設帳程鶴樵先生宅每日館課畢成試帖

一首復拈四書題一必脫稿而後就寢累以

乙丑成進士後不孝喜廣應戊子科順天鄉
試府君猶以此法諄諄提命府君工詩
賦受知于前學使予告大學士盧南石
先生當其拔府君居高等時即以翰苑許
及

殿試分二甲乃以

朝考未經入選改知縣掣籤得山東非府君
初志也座主原任協辦大學士英煦齋先生
謂府君曰吾知子志在清班然此文人學

士之淵藪裕經濟才者仍司土也子勉爲之
牧令爲親民之官子其慎守一篇循吏傳我
將側耳以聽頌聲也秋八月 府君至東丙

寅六月補濟陽縣知縣時不孝喜廢甫五歲

侍 母王恭人由家抵濟濟陽民刁健好訟
府君作戒訟文以諭之不從者董之以威

三年之間澆風丕變士樂于庠農安于野惟
時大吏卽擬調繁首邑不果調掖縣將去濟
濟之民攀卧遮留獻濟北頌言一冊得詩若

干首無一溢美詞恭逢

覃恩爲

先曾祖考妣

先祖考妣請

封如其官掖縣爲萊州府附郭邑政頗繁且濱海

夷船往來私梟出沒動煩句稽 府君擘畫

裕如時張船山先生守萊州工詩 府君聽

政之暇每從遊于道士谷蠡勺亭等勝一觴

一詠至今人艷禱之值歲祲 府君先開常

平倉平糶而後通稟復以修城助賑濟之不

及民得免于溝壑者不可勝紀旋以

大計卓異署理沂州府通判未履任而白蓮教
滋事陷定陶同中丞親赴曹州府督師剿捕
由六百里檄調 府君管理軍營總局札至
幾二鼓矣卽有城守營派護送兵至 府君
慨慷誓衆星夜馳赴曹郡辦理軍務頗與機
密調度有方支領不匱以至臧事不求上
聞調歷城縣歷城縣本爲兼三要缺加以一年
之內自中丞以下皆易新任

欽差辦理清察駐省者數月 府君戴星課農秉

燭藹案不孝音廣年漸長曾親見之然而遊
大明湖登北極閣之詩猶有存者則從容之
度可想也升任德州知州州九省之通衢也
水陸交衝五方雜處每糧艘過境連檣雲集
催趲彈壓在在緊要而且爲入東首站冠蓋
接踵幾無虛日公餘酬應之煩亦絕無僅有
之區也 府君且修

聖廟建書院舉賓興決科名每月課生童自定
甲乙進肄業之才者而親教之臘底一課以

等第分獎賞實藉駟寒峻也而貧儒之不憂
卒歲者多矣延名師主講黜華崇實而士風
蒸蒸日上變矣寬嚴並用宵小斂跡而閭閻無
警矣乃以前在歷城清察案叅解任時道光
元年也先是以

今上御極覃恩加級請

封

先曾祖考

先祖考爲通議大夫

封

先曾祖妣

先祖妣爲淑人

賜封

先高祖考爲通議大夫

先高祖妣

爲淑人 府君被劾後三月入省前臬憲琦
敬亭先生委審各案仍無少暇每於燈下課
不孝喜廣夜讀時不孝載廣已二歲不孝喜

廣生子二 府君初解繁劇頗極家人之樂
猶記寄炳齋舅氏書有云出聞讀書聲入聞
小兒啼笑聲十餘年來未有之樂此真宦囊
也而 府君恬退之志亦可概見九月應解
項解訖回德州任次年壬午正月衛河水溢
直至城下于是小西門北門皆運土築塞

府君鳩工庀材不踰月而隄埵如故癸未六月水又漲王家莊菜市小錫市皆報險 府君率衆堵築晝夜隄上不孝喜賈聞 府君不食者三日矣親帶火食船至王家莊是日始獲一飽隄上挾畚揭者皆曰吾長官今日割小鮮遠勝大烹也蓋火食船方隨委員泊于菜市日送兩餐至王家莊出菜市之王家莊須逆流而上羹飯半冷啜也在堤上者十餘日隄幸無虞方伯朱幹臣先生以民情愛

戴首薦 府君遂

題升臨清直隸州知州然官階雖晉而臨清大水之後災民轉徙流離賑務方殷一難也臨清關稅連年不敷罰賠之外仍嚴予處分必須整飭方能上裕

國課下免吏議二難也 府君八月屨任力疾

查災懲冒賑者數人夜則與幕友袁青甸沈念名兩先生議定關榷章程以八條具稟中

丞

奏奉

俞旨準行兼之用人得宜前後司大關者呂筠莊
夫子黃碩亭九伯也司德關者金治亭表兄
也司南水關者陳則亭先生也有治法有治
人積疲之後竟獲羸餘先是 府君接篆未
百日日以賑飢民商鈔關爲事忽聞直隸清
河縣民馬進忠妖言惑衆親率多人張旗幟
渡衛河直赴辛集劉允中家聚飲 府君點
壯丁若而人會同營汛寅夜追至辛集而馬

進忠已先去矣復追之擒之于吊馬橋初稟
以爲斂錢燒香也而馬逆之父馬萬良以明
天教主稱矣繼稟以爲創立邪教也乃天心
順之年號棉衣內之黃袍三宮六院之封四
相六部將軍軍師才官之職均直言不諱矣
于是以謀逆論而督審之大憲踵至檄調高
唐東昌營守兵俱屯臨清城門晝閉盤察行
人是時風聲鶴唳草木皆兵人心皇皇半思
逃匿 府君出示曉諭始各安堵除夕以研

鞠爲守歲上元燈火惟見沿街帳篷懸燭而
已甲申正月下旬案始大定一案之犯或由
本屬挈獲或由鄰境解送除杖枷輕罪隨即
開釋外禁押尙六百餘人囹圄不能容置之
班館班館不能容置之舊倉大廟自二月初
每日起解五十名赴省直至如數點訖最後
府君押解首逆起行始敢信無私逃人犯
也獄成入

奏奉

旨賞加知府銜士民感戴再生公上匾額而府君之病日深矣丙戌秋日入

覲引

見之後蒙

特恩召見於

勤政殿

天顏溫霽

訓示周詳先是州縣無

召見例故府君出

二宮門時關心者爭先詢問咸艷稱之回任後
歷攝交州府武定府篆丁亥六月中丞專摺
奏請升補曹州府知府曹州本係請

旨缺由外

奏補竟得

允准實出

皇上特恩戊子九月以失察范縣越獄並催征下

忙錢糧不足分數掛名彈章幸懇賞購線不
數月而全數弋獲又親赴各縣督催亦俱如

數清解中丞入

奏或以同知直隸州用或送部引

見或即開復原官奉

旨著即開復原官無庸送部引

見遇有相當缺出再行奏補己丑三月補東昌府

知府東昌亦水陸之總滙也有河道隄埝之

責有糧船向水之繁所轄九縣一州兩衛地

極寥廓然較之歷城德州則天壤矣故 府

君卧治裕如而恩信交孚罔不悅豫然自知

勞瘁之身沉疴日積決意告歸壬辰秋八月
去東昌府自率輜重由陸路南卜命不孝喜

唐奉 母攜眷泛舟由衛河至道口易車馬

抵家仍令不孝喜唐習舉子業故綜理家政

不辭勞勩米鹽瑣屑必躬必親 府君宦山

東幾三十年故交零落殆盡然猶邀親朋自

六十以上者爲九老會月一聚詩酒言歡與

鄉人居談笑竟日出則杖履逍遙非道道不

倩軟輿也蓋自忘勢位而人亦莫知其勢位

有如是者 府君雖生性疏財歷任之累鉅
萬然俱彌補盡淨惟捐攤各款未完冀不孝
喜賡早博一官庶可扣廉作抵而壬辰癸巳
乙未三番落第 府君焦急無計仍擬赴東
坐補乃甫至周家口而病作勢難前進復歸
滲洩無度不孝喜賡與醫議進藥餌殊無效
晝夜洞下六七十次于是一夜連進訶子散
三劑至八月而愈不孝喜賡以 府君大病
初瘳擬更以滋腎健脾之品佐甘旨而調之

府君體素健不喜服藥遂中止月將盡矣召

不孝喜慶使視足曰吾跗小腫不孝喜慶詢

腫自何時益因循不言者幾半月矣于是又

延醫日服參朮或驗或不驗九月下旬腹漸

臃脹不孝喜慶始大懼醫必卜藥必嘗精

求于靈素禱祀于鬼神十二月腫至四肢而

臍腹日減醫者頗以為佳朕 府君亦喜將

命不孝喜慶卜 北上期乙未正二月之交

亦似少有起色不意延至三月十三日脉象

忽變竟于十四日丑刻棄養嗚呼痛哉初
府君寢疾夢鞫案青衣者數促去不知所之
歷十八日始肩輿而歸猶聞銀鐺聲連縣于
數里之外也入門始知人事蓋半月以來昏
然而臥僅餘一息耳及將終屢問丑正否如
期而逝嗚呼痛哉殆所謂其來有自其去有
歸者乎 府君承累代遺訓性慈祥髫齡時
即不視殺鷄豚及其仕也首先教養詳慎用
刑務使民共遊於寬仁之宇初視之若不甚

整飭者久之漸漬者深與之俱化不自知其
幡然改靡然從也有以立威之說進者 府
君曰教之不改而後可誅殺之不怨而後可
殺吾立政非不尚猛也方今

大化翔洽民風丕變正所刑治國用輕典也仁風
所被輒釀休和前後禱雨惟嘉慶十七年宰
掖縣時聽少遲耳餘冬朝設壇而暮滂沛即
如馬進忠一案方 府君率衆追剿之始或
露刃相向 府君曰是拒捕耳稱馬逆爲聖

人又自稱禹王降生。府君曰是愚妄耳。歲時釀飲于馬逆家，動數百人，念經拜佛。府君曰是斂錢燒香妖言惑衆耳。至聞其僭立年號，僞封官職，秘製黃袍，約訂起事之期，謀逆之情畢吐，始大駭異。此案服上刑者百有餘，皆不死，誠哀其愚也。府君之造福已多，而猶非。府君初意先是有密信求。府君代稟請分臨清審案者。府君笑曰：此非糧臺也。爭來効力賠錢而已，婉却之亦可知。

府君之不願重辦矣乃教中人承招甚易殊不諱也 府君求生不得恒密商幕友中夜徘徊此不孝喜賈所親見後上蒙

天子優敘下遂傳爲歌謠士民感戴二天口碑藉藉皆出 府君意外也其他好生之德類如是 府君理繁治劇觸手卽有條理然不尚察察獨持大體有告密者訖弗納故有時塵牘山積 府君竭力清釐而不尚佻巧雖或遲以時日然迂拙之所全不少也一遇刁健

之民形踪詭秘則又明察如神鑑及毫髮照見肝膽展轉無所施其技也以是所莅之地民無不畏而懷之至若歷城之事上接下德州之送往迎來臨清之權稅趨運曹州之警頑懲刁才苟不給有竭蹶而已而 府君退食之暇不廢吟咏遺詩兩卷其梗概也然而府君殊不尚詞章之學雖握管以後出語輒驚長老試輒冠軍及檢點遺草則詩稿零落殆盡八比律賦無一存者惟餘說經說史

二百餘則蓋振浮式靡意如揭也 府君心

懷坦白言語行事皆期于爽朗與人交推心
置腹能化嶮巖爲平易化深艱爲清快惟其
心無頗側故宦游亦無風波平居之言婉而
多諷雖以教子弟從未嘗疾言厲色而遇事
侃侃持正不少曲徇焉聞者或密戒 府君

府君曰邦有道危言危行七君子生逢

盛世所以酬當代之知者如此而已義之所在
安可唯唯耶所以自僚屬以迄幕下賓客

府君莫不與之傾吐談笑之中時寓規諫惟以正言規人故人亦以正言告羣策羣力爭獻其技而府君棄短取長虛懷容納隱惡揚善雅度春和常語人曰吾生平得友益最多蓋其招徠有自也周官六計尚廉府君豐膺上考皆以清畏人知而人無不知故歷宦之區從無敢干以私者府君慷慨仗義方家居食貧時即未嘗錙銖齷齪筮仕後所歷多名缺顧殊不蓋藏未嘗爲田舍計或曰

若子孫何 府君曰子孫賢無所求于我也
子孫不肖而多遺之金豈良策哉人在窮鄉
不難赴湯蹈火以救之代人受累者不可僕
以指甘結一出而倍蓰之累在身矣慈心一
動而萬千之贈脫手矣故前事者之虧缺無
不爲之彌縫而挾巨貲以出人于囹圄者比
比然也且並不以市恩事過無德色歷任州
縣二十年賠累之項豈可數計姑紀其甚者
嘉慶十七年辦土山案一也十八年曹郡軍

務二也廿三年張秋河工三也廿四年護送

啖咕喇

貢船四也道光元年因賠款解任五也三年查
辦馬進忠一案六也或案有重情或事關大
體或初議分認而間有負約或已准均攤而
不能終辦人皆知 府君之揮霍而 府君
亦以揮霍自命于是無不周方之事遂無復
有厚積之資矣其他如振孤恤貧解衣推食
多準是然而自奉極儉衣服飲食一如寒素

本不爲用園計謝病後日用殊不裕常訓不

孝喜慶

曰汝在官衙不知節省我慮汝之不

能保家也至其竭忠以事上正己以率下則

尤表表可見 府君實心任事興利剔弊嘗

曰州縣官去

天子遠祇期多行一二便民事以無負

特簡守土之命而已

天高聽卑不患無

特達知也後以辨結大案

召見一次非其驗歟以是歷任上憲亦罔不罷重
治濟一年卽有調繁首縣之議掖縣之廣斥
歷城德州之衝繁臨清之關樞漕運曹郡之
獷悍刁健莫不以循聲早著特昇 府君而
牛亮臣之軍需張秋鎮之河工其卓卓者又
若朱中丞旬宣山東甫經莅任卽以民情愛
戴首登薦牘琦節相巡撫山東以不激不隨
有爲有守列之

奏章似此知遇亦難枚舉蓋任州縣時同寮卽

仰望丰采莫不首屈一指及牧臨清攝兗州
武定守曹州東昌激濁揚清左提右攜能令
所屬數十員水乳交融披瀝相見其中有絀
于才者有馳騁其才者有意見不同者但能
無害于地方悉包容之倘有當更正之事當
懲戒之過甚或教之不政亦必躬行示表期
在成全故十餘年來除

計典之外未嘗特勅一人人以姑息竊議者紛
紛而 府君槩若不聞也者一切干謁之心

夤緣之術聞 府君至不敢設是想久亦遂
不設是想也所以挾一長者爭効馳驅卽守
其拙者亦思振作而 府君因得于其間施
陶鑄之方收指臂之力一麾所指百廢俱興
及其致政而歸也泣送河干者至數百里不
去又 不孝喜慶等 所目睹者矣 府君博學
好文于書無所不讀今所刊說經說史若干
則其一斑也及登仕籍取士必得丁卯戊辰
兩充同考官所拔皆一時知名某縣某砭砭

窮經具有根柢名甚噪 京師皆重之于是
得山左試差者皆願收列門下兢兢焉懼被
遺珠之誚分校者亦相戒曰須高著眼孔準
備若人也然屢試輒不售丁卯科榜發無某
名而落卷適在 府君房人爭來誚讓 府
君檢其十四藝以示同事始釋然蓋某以畸
人自命以不售市其名闈中之文乃實無倫
次也辛巳充收掌官辛卯充內監試官均能
弊絕風清中外肅然小試之卷強半親閱拔

其尤者資之膏火或置之書院或邀入官解
俾不考書唐等得良友焉在德州時得美材
將與首列而忌之者爲蜚語以詆之且曰長
案出某果第一我等當碎之或以告 府君
曰我所憑者文也我心無他何畏人言以是
抑之正墮忌之者計中矣卒與案首發案時
府君親坐大堂俟人散乃退亦無敢倡言
滋事者歷任書院多隳廢甚或無師或有師
而不足爲多士式 府君捐廉修復增脩脯

延聘名儒猶記高曉霞年伯主講德州時累
數百卷一例刪改約期講書南面坐講堂生
童侍立聳聽者數十人德之人士皆以爲前
此所無也又膏火之數少者亦捐廉增之親
課之日諄諄訓誨罔不悅服 府君瞻識過
人以文士裕將才任掖縣時捕土山亂民出
張太守于圍中僅壯丁四十許人奉檄辦費
鄆軍務單騎而進晝夜兼行籌畫合機宜功
成不受賞曹之人至今猶以爲有輕裘緩帶

風也在德州挑平原賊窠乘夜搗其巢穴拒
捕至曙始就獲在臨清剿賊明天教逆匪拒
戰之賊紛然 府君指揮如意一舉擒王至
喀什噶爾逆回稱亂盧后山中丞甚重 府
君才猷

奏請帶赴甘肅而 府君以年衰辭矣未幾遂
引歸 府君恬退性成遂初之志久矣常曰
功名之心要熱仕進之心要冷故屢見詩歌
形於尺牘及決意引歸時不告之親戚不謀

之朋友由省寓徑發通票不孝音賡等在著

亦不與聞也初府君在歷城時德州濟寧

州均出缺方伯將惟府君所賦或曰濟寧

爲直隸州濟寧使府君曰我任歷城諸系

六七萬德州乃可爲之區節省之可數年清

釐也今得濟寧雖多首一階而償債無日矣

嗣是而進退餘裕皆定計于早之故府君

本寒儒故善持家曰嚴止府君經紀內政

井井有條頌笑必謹雖家人父子未嘗輕假

辭色曰勤 府君句稽簿正每事必親春耕
秋斂躬自履畝晨起恒秉燭 不孝喜廣等常
諫 府君曰兒輩亦年長矣此等事尚勞心
勞力耶 府君曰吾在官時操勞逾此百倍
吾已習爲之况年老好動或壽徵也曰儉家
屬抵里時房屋之敝漏者少加修葺不施丹
雘閤闕一仍其舊居恒間一二日一市肉喜
食粗麪曰吾愛其較飛羅爲爽脆也 府君
本善飲在家苦不得佳釀遂日減之有句云

酒價增高輒亦闕紀實事也遇蔬菜則曰少
施調和方見真味中外未嘗然燭二鼓以後
熄燈而寢裘敝屨易其表始以齒末遂以布
恐不孝喜廣等不能甘也故凡事皆以身帥
之而示之鵠曰謙 府君絕少尊輩而坐必
以齒有以官稱者力却之初至家每出必步
塗遇相知必殷殷立譚或至移晷然不恒出
或曰家居多暇胡不多與故舊接乎 府君
曰市人半識余余目眊儻不能與周旋慮其

譏予之傲也後以病足間乘肩輿然近在城內猶或緩步以當車焉曰篤親族先伯父

諱煦之年二十而卒府君以不孝載廣出

嗣謂不孝喜廣曰吾家丁單汝伯父成童冠

字早歿無子以汝弟嗣之是我無兄弟而有兄弟也餘無近支惟西鄉兩門敏姪一家令

其守

塋授之室護

塋之田悉與耕

種今子孫繁息益擴其居矣且歲有貲助勤姪一家初令其佃種田數畝議三年後始納

租乃地荒不治仍來索服食也收其田而別佃之以居居之分得佃之糧而食之訂言明年麥若干稻若干棉若干而此支之繡嫂暨姪三姪婦三均免飢寒又譜無可考者一支一業買善居積其兩子以文就正 府君必詳批教之或有舛訛則命不孝喜慶別作一藝以示之一無立錐惟餘姪孫姪曾孫二人府君參養於家未嘗課其勞逸也其他戚誼之困乏者皆以時賜恤 府君性本疏財

特以家少蓄積不能徧給心恆歉然曰振孤
貧歸來釐遭荒歉動有未一識面者溯其先
世有舊亦往往應其求有以什物易米者不
吝與之每歲除日普施乞丐必徧必均 府
君瀟灑工文矢口成短章以達意爲主從不
矜奇立異故作驚人閉戶無事尤耽吟詠甲
午秋日猶以依韻三十首壽炳齋舅氏及讀
除夕飲屠鱸酒詩非不精神勃勃孰意一二
年間竟棄不孝等如脫屣耶 府君教不孝

喜慶等

皆切己工夫嘗曰吾人用工不必精
言性命一言一動足規學養也又曰觀人者
當先從倫紀上著眼其所厚者薄而其所薄
者厚未之有也課舉子業得不高不低之訣
曰世有中而不讀書者未有讀書而不中者
況不讀書而倖中孰若讀書而不中者罔不
婉惜哉又教不孝等御下必寬曰我輩以裕
才智而博貴奴役若輩若輩才智出我下是
以爲我役苟適均焉已爲僭越倘出其下我

當聽伊驅使矣而我主彼僕可乎故願爾等
勿過苛不孝等不知持家之道 府君深憂
之至屬繼時遺命寥寥猶教不孝等以尚儉
也嗚呼痛哉 府君生子女凡八人今所存
二子一女長 不孝喜唐 現年三十七歲道光
辛巳

恩科副榜辛卯

恩科舉人候揀選知縣娶楊氏壬子科舉人現任
南陽府新野縣教諭名嗣勉公女次 不孝載

賡出繼長門現年十七歲聘張氏現任曹河

同知名士鈺公女女年十一歲未字 不孝喜

賡

誥封恭人王恭人出餘庶母李氏出 不孝喜 賡本

三子皆夭逝女二長十二歲未字次七歲字

胡門候選縣丞名鷓之子 不孝喜 賡甚塊迷

昏不復能文惟念 府君嘉言懿行或有人

所不能備悉者是不可不述至其詳則見于

炳齋舅氏所著年譜伏冀

當代大人先生賜之誄銘 不孝等 世世子孫感

且不朽

孤子馮喜廣泣血稽顙謹述

賜進士出身

授通議大夫翰林院侍讀學士甲午乙未科順

天鄉試同考官乙未科會試同考官年愚姪

倭仁頓首填諱

三餘堂石屏邊鐫字

李觀海盥雪

李學游郁洲

劉桂堂馥亭集字

劉錫恩湛園

黃銳文穎

男載賡校

附

誥授朝議大夫山東東昌府知府致仕旭林

馮公墓志銘

并序

君諱春暉號旭林字麗天先代自江右徙居光州
遂著籍焉七傳以來世有潛德 曾祖考其仁

公慈祥好施曾捐馬家湖田于弋陽書院施十里
堆田于朝陽寺其他善舉多類是 祖燦實公

承先志益好行其德值歲稔廬鳳飢民流入州境
公煮粥待餓全活無算州刺史章公旌其門曰澤

及流遺 父樸菴公心照猶及見之蓋持躬接
物一遵先訓遞傳至 君而積厚流光宜哉 君
敦厚清白博識宏瞻性子諒言行無圭角而剛毅
之氣凜然不可干舉孝廉成進士俱以英年受知
耆宿司土以來循名卓著所歷之區衣之食之諄
諄誨之裁之企之優游而漸漬之遇偏災隅告則
噢之咻之顧且復之 君勤于民事未嘗遺餘力
故勞民而民不怨以禮事上不激亦不隨任縣三
日濟陽曰掖曰歷城任州一日德任直隸州一日

臨清任府二曰曹州曰東昌三世皆以君貴

累贈通議大夫配

封淑人子二長喜

賡辛卯舉于鄉次載賡業儒女一未字銘曰

懿惟君子其德孔昭克敬以和令儀不佻卧閣出

治是則是傲何來泮水汨汨滔滔非龍蚺蠹騰蛇

辨糾殷殷其雷發發其颺民守捍土奔走甚驚惟

君神方寸障洪濤移山填海鎖猿斷鰲民奠攸

居云胡不瘳何來凶孽健矜魚休虔劉黔首如魅

如魑君聞之怒夜起赤燦我炬焮焮我士僮僮

力扼其吭園吊馬橋角脫狂兕綸觸飛鱗管從問
治各安爾農燒薙清夷弓弛劍韜民思安宅 君
營其巢民歌泮水 君集其鷦民播百穀 君耘
其苗野有良馬 君車其翹水不病涉 君造之
舟翕然從化碩德不踰瑞麥芄芄鳴鳳秋秋置臣
以 聞 天子所多日躋其職登沛其
膏巫陽下召 君行何遠絜 君之馬飲以蘭醪
寒 君之裳薦以申椒雲旗肺肺 君不可畱思
君德度使我心憂泐銘垂後道哉遙遙

勅封文林郎丙午科優貢原銓考城縣訓導愚表

兄王心照撰

The image shows a large, empty table with 10 vertical columns and a horizontal border. The table is oriented vertically on the page. The columns are of varying widths, with the first column on the left being the widest and the last column on the right being the narrowest. The table is completely blank, with no text or data inside.

誥授朝議大夫山東東昌府知府致仕旭林

馮公墓表

嗚呼此邦舉同年友旭林馮公之墓也 公會爲
其先世請三品 封遵例用石望柱二石虎

二石羊二石馬二神道碑龜趺天祿辟邪首面重
坂巨堰八里橋束東流之水西南闕土脈成臺方
數十武多植松楸茲卽兆于其右 公自卜也烏

乎舉舊與 公同事曹郡得仰 公之芳儀親見

公以德化民方冀 公壘晉崇階建牙開府庶

幾大爲蒼生造福當不獨我齊魯間歌召棠懷邵
黍也而今已矣 公以嘉慶戊午舉于鄉乙丑成
進士舉得附名榜末舉改教授而 公 授

知縣歷任衝繁舉部下民也側耳徯聲匪伊朝夕
恨捧襪無從耳道光戊子 公以剷除朋黨教匪
功 特恩升授曹郡太守舉適司府鐸 公

款敘年芳謙光下濟傾三十年之積愆一旦慰之
舉幸矣 公爲政不事煩擾雖案牘旁午而剔釐
裕如退食委蛇經史琴酒之歡未嘗廢也晤對之

際善氣迎人至定大計決大疑正色而譚大吏罔
不改容故多以艱鉅任 公迨移守東郡舉雖有
離別之感猶以爲當大庇二東也旋引疾南歸舉
曰東人有重賴於 公 公念吾民疾少間且再
出未幾公于專力來報以喪音於戲天何奪我
公之速耶修短自有數舉獨不能無惓惓者特以
公之志 公之才未展自一耳大丈夫生于世
或運籌帷幄或決勝兩陳或養或教有一于斯可
以不朽乃牛亮臣之陷定陶曹縣也 公發縱指

示動合機宜麾城擗邑不崇朝而與之磐石土山
勝之役以少勝衆則妙于用奇吊馬橋之役乘夜
追襲躬蹈危機將軍從天降不足喻其神遠也使
公鷹將帥之選竊謂羊杜范韓不能專美主動
農課桑通商惠賈閭閻饒富倉庾充盈則劉正字
之理財也漸靡仁義涵養詩書所歷之區絃歌揖
籥彈丸僻遠科弟聊綿置之循吏傳中迄無幾人
乃條而引歸倏而溢逝豈不惜哉豈不惜哉舉聞
公之將去東也有日者語 公曰君造可二品

勿遽行 公笑曰是何足憑果爾我且爲後人留
餘地矣然則 公之位不甚顯非 朝廷不

竟 公之用特自爲餘地計耳 公卒後公子喜
廣載履泣請舉表 公之舉舉不文請卽以親炙
于 公者書於石而尤以留餘地爲公子慶並爲
公子勗也

賜進士出身

勅授文林郎山東曹州府教授年愚弟馬邦舉謹
表

Table with 11 columns and 1 row. The table is mostly blank.

173

旭林先生吾鄉之望人也仕山左所歷之區鎮聲藉藉柱堂等或得一二見或未待見均景仰之非一日及解組歸里方喜得矜式乃三四年間遽捐館舍嗚呼惜哉先生長嗣俞堂孝廉出先生詩文各一卷將付剞劂氏先生家固仍寒素也艱於貲以商於桂堂等咸曰子藏有聚珍版盍集字乎我輩當助予俞堂以爲然於是冠以年譜綴以東山酬唱濟北頌言行述計六種麟次腋集始於八月二十日至十一月二十四日歲事爰書始

末而爲之記

馥亭桂堂謹識

總跋

先子仕山左幾三十年彼都人士輒形諸詠歌宣揚德意而先子判諾之餘或即景抒情或緣物見志閒及古文詞短簡長編未易覩縷以鞅掌簿書畧于收拾散佚良多喜賡讀禮之暇

足
與弟載賡檢點篋笥得詩文如
干首亦霧豹之一斑雲龍之一
爪而已附年譜行述識懿行也
附濟北頌言識民情也附東山
酬唱識風雅之選萃于一時且
歌頌功德多實政也舉以質之
中表王芸亭先生芸亭曰思深

哉樹欲靜而風不息子欲養而
親不待古今來人子之心未獲
曲盡于生前及中道見背哀慕
追思之不已惟取其手澤壽之
棗梨朝夕對之如親色笑其少
慰哉獨是音容已杳遺跡僅存
亦其形之影而已矣影本于形

無其形而影以漸滅形實生影
有其影而形固不啻如在也題
為椿影集可乎喜賡聞而泣泣
而應曰唯唯嗟乎喜賡之齒長
矣壯心未遂徒切肯堂幼弟無
知已將授室慨駒光之易過奈
蟻術之無期將何以慰先子

九京之心乎孟子云圖影失形
喜賡痛定又不無能懼也時
道光十有六年青龍次丙申十
二月朔旦不肖男喜賡涕泣稽
首謹跋

口



1

方儀衛先生年譜

同邑後學鄭福照輯

乾隆二十七年壬辰九月八日寅時先生生先生姓方氏諱東樹字植之晚年慕蘧伯玉五十知非衛武公耄而好學之意以儀衛名軒遂自號儀衛老人上世明洪武閒由婺源遷桐城魯禛代有潛德高祖諱駿好讀書延名儒以古學教子累世遂以學行顯曾祖諱澤字苧川晚自號待廬乾隆丁卯優貢生入旗官學教習候選知縣生平論學宗朱子文宗明艾千子詩似宋楊祕監門人姚郎中鼎銘其墓敘文行特詳事載安徽通志文苑傳詩文曾刊行於世曾祖母洪

氏祖諱訓字味書處士嘗讓產於兄而不居名祖母

胡氏父諱績字展卿縣學生著有經史札記屈子正音鶴鳴集學行載安徽通志文苑傳詩選入 國朝

正雅集桐舊集古桐鄉詩選母鄧氏處士諱林女繼

母姚氏國學生諱興易女繼母吳氏諱某字西園女

四十年乙未先生年四歲二月二十六日大父味書先生卒

四十七年壬寅先生年十一歲初學爲文效范雲作慎火樹詩鄉先輩咸歎異之

四十八年癸卯先生年十二歲八月十九日母鄧孺人卒 先生少體羸多疾喪母後依大母胡孺人以長

當鄧孺人沒時先生病瘥至不勝喪其後頻咯血怔
忡三十外始稍壯健

四十九年甲辰先生年十三歲繼母姚孺人來歸於展
卿先生

五十一年丙午先生年十五歲閏七月九日繼母姚孺
人卒展卿先生以孺人無出渴葬之松窠尖祖兆近
側

五十二年丁未先生年十六歲繼母吳孺人來歸於展
卿先生

五十四年己酉先生年十八歲先生自少喜爲古文辭
十八九時讀孟子書憮然悟學之更有其大者遠者

遂不肯輕易作文

五十八年癸丑先生年二十二歲在江甯同里姚姬傳

先生時主講鍾山書院姚故待廬先生門人展卿先

生及先生皆受業焉而先生隨侍講席最久與上元

梅伯言

曾亮

管異之

同

同里劉孟塗

開

並為姚先生所

最稱許世目為姚門四傑入縣學補弟子員踰數

年補增廣生先生自二十後多客四方生平僅一應

歲試其年學使為汪瑟庵尙書

廷珍

應鄉試十次道光

戊子後始不復應冬配孫孺人來歸乾隆癸未進

士諱顏孫女縣學生贈奉直大夫諱詹泰女先是

孺人叔父嘉慶辛酉進士起峘與展卿先生友善愛

先生詩文因繩於其兄嫂而以兄子妻焉

嘉慶元年丙辰先生年二十五歲

二年丁巳先生年二十六歲在江甯書院冬歸里

三年戊午先生年二十七歲授經江右新城陳石士侍

郎

用家按詩集中過丹徒及西湖諸詩皆由江甯赴江右途中作也

八月十三

日長子聞生

四年己未先生年二十八歲授經陳侍郎家 三月自

訂少作文名櫟社雜篇序之其畧曰周秦以來諸子
各以英資茂實獵道裂術散以爲文咸自久於世校
其畛域廣狹勝劣非一然莫不本於壹而出之後世
之士專欲工文章而不務本道術敝跬致役於文遊

心竄句紛紜於百氏之場於是其人與其言始離而
爲一既以離爲二則象而累之雖欲不雜焉不可得
矣今余自集其文不敢自欺而命之曰雜取別於古
之以壹出之者且毋俾後有作者見而笑余謂同處
於雜而惡以議人爲也又自記云時余年二十八歲
於後爲學始壹正其趨向雖未敢言能立本而其於
雜焉者亦庶免矣按是歲惜抱先生與胡雒君書云
學若果爾則爲今日第一等豪傑耳四月老子章義成序之其畧曰
老子之書不可謂無見於道特其用意之過感衰世
澆訛之俗發辭偏激遂若顯悖乎聖人然究其悖不
過曰無爲而無不爲使民無知無欲以相安於渾樸

無事而已魏晉清談寄心高遠而制行全與相戾豈
知老子者哉嗣其道者既尠善說其書者亦不可概
見朱子自言能得其義而不欲爲之則以其說之流
有害於道故靳之耳夫老子之言固易知也解之者
支離牽率是以其義晦今吾作解合儒佛之理而通
之其本義則竊取之朱子其分章則以吾所私見者
斷之老子曰吾言甚易知甚易行天下莫能知莫能
行凡求道者但於近而易知處求之則得所爲高遠
若於高遠求之則有迂其難而却阻者矣老子豈欺
我哉按先生少時曾著屠龍子又註陰符經均未刊
不詳爲何年老年作詩有發書陳篋汰陰符之
句蓋先生少時爲學無所
不通後則漸歸純粹耳

六年辛酉先生年三十歲授經同里汪稼門尚書志家

七年壬戌先生年三十一歲客阜陽王約齋大令署中

九年甲子先生年三十三歲閒居里中

十年乙丑先生年三十四歲授經六安

十二年丁卯先生年三十六歲在江甯書院姬傳先生

邀往課其長孫誦 三月一日次子戌生

十三年戊辰先生年三十七歲客池州按半字集齊山及池陽雜詩皆

是年作

十五年庚午先生年三十九歲在江甯書院

十六年辛未先生年四十歲江甯太守新安呂某修府

志延先生分纂

十七年壬申先生年四十一歲授經安徽巡撫胡果泉

侍郎

克

幕中按半字集和鄧中丞詩自注云余依果

序又云甲戌秋竹亭與余相遇於

池州太守署常是暫往閱試卷也

二十一年丙子先生年四十五歲閏六月四日父展卿

先生卒時先生隨胡中丞在江蘇不及視含斂

二十二年丁丑先生年四十六歲十一月十三日大母

胡孺人卒是歲先生旅困金陵賃居青溪祇樹僧舍

自春徂冬十一月赴揚州無所遇復返金陵聞大母

喪欲歸不得除夕典衾充寺僧賃值而不能具薪米

二十三年戊寅先生年四十七歲客宿州 著考正感

應篇暢隱其序畧曰嘉慶丁丑戊寅旅困金陵端憂

多暇時寓居青溪祇樹庵於僧徒几案偶見此書嫌

其亂雜無倫則亦仍置之夜思此書立意立名甚美

毋任其以出於道家見忽於世遂取為校正並為作

注未成旋於五月赴宿州乃攜之行笥而卒就之此

道光辛卯作因書糊棠於戊寅故敘於此自序又

云己卯七月復改為於廣東通志局始脫稟辛卯至

松滋書院重取詳訂刻而行之按先生是書發明天

道人事物埋極為詳盡又引經義史事及諸傳記以

證明之蓋借感應二字明聖賢正道而辨正俗說之

誣極有益於世教非如世俗善書可比也甲午夏終

敬堂方伯再刻於安慶丁酉

冬重訂增改三刻於粵東

灣楊柳樹之墟

二十四年己卯先生年四十八歲三月赴粵東時阮文

達元總督兩粵延先生修廣東通志先生初任分纂

於所應編纂者一月內告竣將辭去文達畱之因屬
以總纂事

二十五年庚辰先生年四十九歲在廣東通志局

道光元年辛巳先生年五十歲主粵東廉州海門書院

二年壬午先生年五十一歲四月歸里九月應羅月川

太守之聘復適粵

按先生與羅公書俱附刻羅所著嶺南集中

三年癸未先生年五十二歲主粵東韶州韶陽書院

四年甲申先生年五十三歲授經阮文達幕中 著漢

學商兌四卷大畧謂近世有爲漢學考證者著書以

闢宋儒攻朱子爲本首以言心言性言理爲厲禁海

內名卿鉅公高才碩學數十家遞相祖述所以標宗

旨峻門戶眾口一舌不出於訓詁小學名物制度棄
本貴末違戾詆誣於聖人躬行求仁修齊治平之教
一切抹撥名爲治經實足亂經名爲衛道實則畔道
某居恆感激思有以彌縫其失輒就知識所逮掇拾
辨論以啟其端俟後世有真儒出而大正焉又曰漢
學家所執爲宋儒之罪者有三一曰以其空言窮理
恐墮狂禪不知古今能辨儒禪之分毫釐利害之介
者莫如程朱豈慮守捉者反爲盜賊耶其一則以宋
人廢注疏空言窮理啟後學荒經蔑古之陋考朱子
教人諳諳於漢魏諸儒正音讀通訓詁考制度釋名
物以爲當求之注疏不可畧何嘗如今漢學家所詈

其一則曰以其講學標榜門戶分爭爲害於家國夫自古亡國以用小人近世議論專以亡國之禍歸之君子或謂之曰黨曰道學曰講學之家曰講學門戶若以比於佞人宦寺尤當戒者而不聞一人議曰某代之亡以用小人之過也可謂失其本矣或云洛蜀黨分而北宋亡道學派盛而南宋亡夫不咎蔡京童貫而咎洛蜀黨不咎韓侂胄而咎道學派不咎嚴魏而咎東林此果爲理實之言乎學不講則道不明道不明安必躬行之皆出於是耶自一身而至邦國自一物而至萬類何在非學何在不當講故曰學之不講是吾憂也孰謂不當講學耶又曰漢學家首以言

理爲厲禁是率天下而從於昏也傾敗正道簧鼓士
心疑誤來學馴至橫流奔放人皆失其本心學術之
差爲人心世道之憂所關至鉅非細故也又曰余生
平觀書不喜異說少時亦嘗汎濫百家惟於朱子之
言有獨契覺其言言當於人心無毫髮不合直與孔
曾思孟無二以觀他家則皆不能無疑滯焉故見後
人著書凡與朱子爲難者輒恚恨以爲人性何以若
是其蔽也故凡今之所辨惟在毒螫朱子悖義理誤
學術者至制度名物訓詁之異同是非自漢唐傳注
義疏所不能一無闕宏旨不强論焉時阮文達方輯
刻皇清經解以漢學導世先生以是書上之

按此書刊

於辛卯而勅藁實在粵東
文集上阮宮保書可證

八月作待定錄序先生

嘗曰余所著待定錄於身心性命之旨修己接物之

方體驗甚悉嘗自為之贊曰博學篤志切問近思求

仁之術西河是師追惟生平否之匪人維瘠思善有

獲必新理本大同心有先得削其雷同務絕勦說雖

知無文行而不遠惟布與菽其又可貶匪曰振德惟

以自薰知德君子庶鑒余勤按是書未梓行其藁咸

卯歲與姚石甫書曰先時為學亦頗泛濫老釋雜家

或為之撰述近反求之吾身所見似日益明有所獲

輒劄記之名曰待定錄歲月既多積成七十

餘卷据此則先生之學至適粵後益專精矣

擬作數首刻學海堂集中

幕中兼閱學海堂課文有

著書林揚解二卷其序

按先生

曰兩粵制府阮大司馬既勅建學海堂落成之明年
乙酉初春首以學者願著何書策堂中學徒余慨後
世著書太易而多殆於有孔子所謂不知而作者因
誦往哲遺言及臆見所及爲十有六論以諗同志知
者或有取於鄙言也其終篇有曰藏書滿家好而讀
之著書滿家刊而傳之誠爲學士之雅素然苟學不
知要做精耗神與之畢世驗之身心性命試之國計
民生無些子益處此祇謂之嗜好不可謂之學君子
之學崇德脩慝辨惑懲忿窒慾遷善改過修之於身
以齊家治國平天下窮則獨善達則兼善明體達用
以求至善之止而已不然雖著述等身而世不可欺

也按此書辛卯冬刊

六年丙戌先生年五十五歲自粵旋里旋往浙右

七年丁亥先生年五十六歲主廬州廬陽書院 七月

鄧嶰筠中丞廷楨校刊展卿先生屈子正音於皖城

冬歸里葬考妣於武嶺龍井灣先是先生家世貧困

曾王父母沒七十餘年大父沒五十餘年皆浮厝淹

久未葬嘗以為痛立意首葬曾王父母大父母次考

妣以為所以安先人之心者必如是而後為得也及

是從父鶴棲始為卜得一穴於武嶺龍井灣將葬曾

王父母而是歲考妣攢室生蟻易材改斂懼來歲蟻

復生於是從權而先葬考妣焉又逾數年從父敦化

又為卜得一穴於龍眠烏石巖下葬曾王父母及大

父味書先生其年月不可詳

八年戊子先生年五十七歲主亳州柳湖書院

九年己丑先生年五十八歲客宣城五月旋里

按半字集有宣

州試院呈張丈虎兒並諸同研詩是往宣城乃閩郡試卷也庚寅客宣城當亦是閩卷

十一

月三十日繼母吳孺人卒

十年庚寅先生年五十九歲客宣城五月著未能錄

序之曰閩縣孟瓶庵先生以損益二卦歸之復卦作

求復錄曰懲忿窒慾遷善改過凡四篇用意密切至

矣善矣然不逮戴山先生人譜六言為有始有卒余

參劑於劉孟二書為十言以自程曰謹獨衛生修內

慎動敬事燭幾盡倫執義安命積德以上十義昔賢
名理名言至精且詳不可勝舉今日惟在自家切身
檢點實踐而已不作言銓也此書未刊 八月二十四日
孫淵如生

十一年辛卯先生年六十歲主宿松松滋書院 五月
著進修譜錄序之畧曰進修者本易君子進德修業
欲及時之語以自勸勉也君子之學進德以事天修
業以事人舍是無所致其力夫百工技藝皆待規矩
繩墨法式模範以成其事獨至爲人自孩提至老任
情放意各以私智蕩性虛僞客慧忿慾偏惑苟妄行
之而無不予聖自狂焉天下所以少成德全才也卽

少有質美志學者不得其門又昧於所從事誤用聰
 明可哀可憫此吾譜之所以作也夫四子六經諸史
 小學近思錄皆人譜也吾曷為復作之此吾所私具
 也義理天下之公曷為有私吾所謂私者如人皆冠
 履視之則同然而吾所自具者合吾首適吾足必不
 同於人之所有也其譜之類凡八窮理一密察三實
 三巽宜四節五止六借所七恆八此書未刊校訂宿松
 朱字緣先生書文集並作序是歲桐城大水邑令
 楊大縉貪婪虐民民大噪令遂以民變愬大府將調
 兵先生適在巡撫鄧公幕急以身家保鄧公素敬信
 事得寢邑賴以安

十二年壬辰先生年六十一歲二月自編詩二卷名半
字集後同里胡曉東太守朔方爲刊於廣州癸巳年刊 四
月再適粵東訪按察使某公不遇旋歸八月望晨舟
過韶州曲江江口墮水有對月遣悶雜書絕句十四
首

十三年癸巳先生年六十二歲二月赴常州時同里姚
石甫廉訪瑩爲武進令延先生編校其曾祖薑塢先
生範援鶉堂筆記 同里蘇愔元來受業 七月二
十九日妻孫孺人卒

十四年甲午先生年六十三歲客姚公官廨中時姚爲

元和令

按考槃集有滄浪亭詩蓋是歲作

十五年乙未先生年六十四歲姚廉訪爲淮南監掣同知先生偕之往真州 八月三十日孫龍光生校援鶉堂筆記畢書其後曰古人校定書籍綜覽義旨軌示前則有大體有細意大體炳諸所裁細意隨時而發一出通賢之手卽爲凡例故曰自揚雄劉向方稱斯職歷覽古今若馬鄭賈服逮於陸元朗孔沖遠等之於經應孟如徐逮於顏師古胡身之等之於史類皆以英敏之資勤銳之志識明心專反覆討論鑒別精審意辭方雅採獲分散貫穿齊一周其藩籬窺乎區蓋脈絡次第曲得其指故每編校一書所費日力卽與自著一書等是以獨步邁俗無愧雄向準此

而論求之近人惟惠氏定宇何氏屺瞻盧氏抱經錢氏竹汀四家識精鑒密差足與於斯流顧三家書皆整雅惟獨何氏之書體例乖俗殊乏裁製前人以紙尾譏之良爲不虛閒取而衡之似遠遜後來錢盧二家條理淵密枝葉扶蘇精神煥發也推尋其故蓋由錢盧手自訂著何氏出後人竄次不得其措注之宜故也蓋傳其所僅傳而其不傳者與人俱亡矣是知書非自訂而託之後人多成增謗少成減謗尠不失其指者先生平日校勘羣籍本以糾繆正誤拾遺補闕爲旨趣使編其書者納於謬誤闕陋之途遺誦通識比於誣謗能無懼乎編審旣畢特發斯義以諭來

者笑古人之未工忘已事之已闕不敏之愧重爲口實矣

十六年丙申先生年六十五歲居里中命門人蘇愷元

重編張楊園先生年譜先生於近代真儒推陸清獻

公及楊園先生爲得洛閩正傳惜陳古民梓所訂楊

園年譜未盡善屬愷元重編之并啟告沈鼎甫侍郎

維宜奏請從祀且爲刊布遺書

十七年丁酉先生年六十六歲二月復赴粵東客總督

鄧嶰筠尙書幕中 六月編校展卿先生鶴鳴集同

里光律原方伯聰諧爲刊行

十八年戊戌先生年六十七歲閏四月二十四日孫濤

生 八月刻拔鵝堂筆記葉誤序之曰往歲癸巳甲午爲姚石甫撰其曾大父葺塢先生筆記寡昧不學多所繆盭浩裘已行不及削改中心思之如芒在背一己之遺譏通識其事小古義之疑誤來學則其害大矣故卽其所已悟者亟改正於此其未悟者則望之來哲 九月粵海關監督豫某延先生修粵海關志 漢學商兌書林楊觶刊行後先生檢其中尙有宜改正者後觀書時有所獲可以補入本條相發明者隨劄記於本書之上下方積久遂多取而彙輯之成刊誤補義二卷十月序而刊之 校勘管異之七經紀聞時鄧尙書任爲刊行先生於其致疑朱子者

附說於後以正其誤十二月序之 定族譜義例先是辛卯歲已作族譜序族譜後述至是寄從父敦化鶴棲及子聞書屬以譜事次年修成

十九年己亥先生年六十八歲在粵東 四月校刊同

里胡雒君 虔 柿葉軒筆記因撰其行歷並及同里先

輩與展卿先生尤厚者爲先友記 著昭昧詹言十

卷論詩學旨要大畧謂學古人詩當求之於義理蘊

蓄本領根源精神氣脈不可襲其形貌宜力守韓公

陳言務去之戒及山谷隨人作計終後人二語而又

以文從字順各識其職爲貴卷一通論二卷以下專

論五言古詩漢魏一卷阮陶謝鮑小謝杜韓黃各一

卷八月序之未刊

二十年庚子先生年六十九歲夏歸里文漢光戴鈞衡

及從弟宗誠俱受業於門 著大意尊聞以教諸孫

讀書行已制心處事之要道 據獵較正簿序及終制是書蓋成於辛丑前

二十一年辛丑先生年七十歲著續昭昧詹言專論七

言律詩六月朔序之未刊

二十二年壬寅先生年七十一歲五月著獵較正簿一

卷示諸孫其序畧曰科舉八比時文為仕進始基出

身起家之切用 功令所昭舉世奔命於此特其源

流得失求一卓然通達解了者率不易觀故今粗為

說之所謂叩兩端而語空空也俾汝曹他日不為歧

途惜闇不知而亂道者所誤云爾刊 作病榻罪言

先是十八年客粵時大臣請厲禁洋煙下督撫議先生著匡民正俗對陳所以禁之之道勸制軍鄧公覆奏不從英夷公司領事義律桀傲不受約居省城夷館先生勸制軍陳兵斬之制軍慮啟釁謝不敏然終反覆生變者義律也及是夷人犯順東南數省皆被禍大帥多退避先生時時痛心切齒因作此書極論制夷之策遣人上之浙江軍門時浙藩卞公士雲與先生相識是書因卞公上惜方議撫不能用 十月自定文集十二卷序之同治六年從弟宗誠爲選刻之

二十四年甲辰先生年七十三歲取古人格言去其膚

傳約其警切成一卷名曰山天衣聞以示三孫四月
序而刊之

二十五年乙巳先生年七十四歲九月同里方仲山大
令璋招集里中諸老七十以上凡九人爲九老會先
生以七十四與焉有詩紀之

二十六年丙午先生年七十五歲先生前因三世遺柩
未葬盡鬻生產買山有謀佔之者邑令史某忌先生
伉直置不爲理本有一山長講席以贍朝夕又與邑
紳某讒沮於當事遂被裁奪由是貧益甚

二十七年丁未先生年七十六歲合葬祖母胡孺人暨
繼母吳孺人於龍眠喻冲除日阡成作詩記之自注

云三世遺樞七今皆畢葬 著一得拳膺錄記

二十八年戊申先生年七十七歲七月作思適居鈴語

序是書取經史所載古今述傳而義未安者為之辨

論凡四卷僅刊首卷 先生晚年詩名考繁集隨時刊刻

起癸巳訖戊申五言古詩二卷七言律詩一卷

三十年庚戌先生年七十九歲修改大意尊聞述其悒

趣同治五年從弟宗誠校刊於郡城

咸豐元年辛亥先生年八十歲先是句容唐魯泉大令

治 宰桐城雅重先生及移任祁門延主東山書院以

二月初旬往門人文漢光甘紹盤從五月二十二日

感微疾與門人飲酒論學自若二十四日時加寅盥

洗更衣冠坐講堂顧席微斜命正之又命僕持簡辭
唐明府漢光曰先生心內受用否曰甚安時加申乃
卒咸豐二年春柩歸自祁門其冬葬於桐城西鄉挂
車山吳家觜祖墓側 先生貌清臞長身玉立神采
凝重少承家學又受文法於姚姬傳先生然好爲深
湛浩博之思不專專於文字故其文醕茂昌明言必
有本隨事闡發皆關世教詩則沈雄堅實深得於謝
杜韓黃之勝而卓然自成一家生平研精義理最契
朱子言勤於學問每日雞鳴起秉燭讀書至漏數下
始就寢嚴寒酷暑精進靡閒七十後猶不輟所著待
定錄凡百餘卷自天道治法物理人情修齊之教格

致之方省察存養之旨諸儒學術之同異得失以逮說經考史詩文小學無不探賾抉微析非審是嘗言立身爲學固以修德制行內全天理爲極而於人世事理亦必講明通貫以待用蓋天下無道外之物凡此皆吾性所應有也惟當知本末先後之次不可以徧物喪志勞心失其大者遠者耳旣著漢學商兌又慮漢學之變將爲空談性命不守孔子下學上達之序乃著辨道論跋南雷文定以砭姚江山陰牴牾朱子之誤老年尤服膺二程遺書日夕潛玩嘗論儒者學聖人之道徒正不及中中必純粹以精而純粹以精必在於明辨哲又曰士君子行己素位而道中庸

亦曰行乎理之所安而已使微有感激偏宕之意則
失中失中則失道失中失道君子不由也又曰人第
供當時驅役不能爲法後世恥也鑽故紙著書作文
冀傳後世而不足膺世之用亦恥也必也才當世用
卓乎實足濟世不幸不用而修身立言足爲天下後
世法古之君子未有不如此厲志力學者也少補縣
學生銳然有用世志凡禮樂兵刑河漕水利錢穀關
市大經大法皆嘗究心然卒困於諸生無所試性仁
孝十二歲喪母鄧孺人事祖母胡孺人繼母吳孺人
思慕終身言及輒零涕展卿先生卒時先生客江蘇
慟含斂未親誓宜沒於外以自罰將卒猶命門人必

薄斂先世七喪未葬先生內自疚親跋涉卜兆盡鬻
生產營葬畢而後安寢又修族譜立祠規以尊祖收
族族戚交遊門人中有疾病患難者驚惶憂懼至廢
寢食自奉極菲而遇人則厚凶歲更減食飲以周困
窮與人交遇事據理直陳或面折人非無所顧忌虛
衷好學時退然如不足然擔當世教辨論學術之純
駁則侃侃不撓尤廉介不務進取邑令以禮先者往
答後不輕造其室姚石甫廉訪左遷入蜀假數百金
奉先生爲治生計及聞廉訪使乍雅歸券於其家嘉
興沈鼎甫侍郎督學安徽告撫軍鄧公方伯佟公景文
欲選拔先生貢成均先生不就試道光三十年詔

舉孝廉方正姚廉訪首以先生行義告撫軍先生曰

吾耄矣尙堪世用耶何爲此虛名也生平所與交遊

皆一時宏才碩學如上元管異之梅伯言宜興吳仲

倫德陽湖陸祁孫繼寶山毛生甫嶽祁門洪巽甫嘉

建甯張亨父際同里朱歌堂雅馬元伯瑞徐六驥璩

姚石甫光律原劉孟塗馬公實樹諸公皆最爲縝密

阮文達公初與先生論學不合晚年乃致書稱先生

經術文章信今傳後又極贊所撰三年喪辨謂其解

中月而禪真解剏獲實前人所未及其言未出世莫

能知其言既出世莫能廢有功名教爲宇宙必不可


少之言沈鼎甫侍郎讀先生書始以不見爲憾既見

則自恨年老不能從學嘗以告於知先生者鄧懈筠
尚書與先生論學稱曰凡心有所疑未啟口而君已
先發之覺義理原委更加貫暢李申者大令推先生
負荷世教廓清翳障使程朱之道復明姚石甫廉訪
稱先生老而愈窮見道愈篤言義理粹密有遠過元
明諸儒者又謂先生理究天人貫穴古今博大精深
無所不學知者咸以爲無溢量之言自客遊四方主
講席及里居時凡以詩文就正者旣告以法必進以
古人務本之義尤重實行之士韶州譚麗亭同里許
玉峯閩修無知者先生推爲君子之儒教人作詩文
必曰精讀而出之勿易晚歲家居十一年專以成就

後進爲事從遊者如蘇愷元文漢光戴鈞衡江有蘭
甘紹盤馬起升暨從弟宗誠皆以學行知名於時子
二人聞成孫三人濤聞生淵如龍光成生皆能世其
家學云先生老年家居所著書尙有陶詩附考解招
魂向果微言述旨最後微言皆不知撰述年月今附
記之

福照年十六七時初學爲古今體詩得讀先生昭
昧詹言因畧辨塗轍歲庚戌以所作謁先生過蒙
獎譽遂獲時承講授辛亥春先生赴祁門臨行命
從往代課其幼孫濤讀書以家累不克應命逾數
月先生捐館遂不得復見至今常以爲恨焉先生

生平行歷具詳所著待定錄中今已燬於賊其餘
撰述已刊者亂後板片並不存未刊者藁亦多散
失每念先生之學醇正精博實近世諸儒所不逮
其行誼本末不可以不詳爰取方氏家譜及先生
詩文集雜著從弟宗誠行狀子聞行述並同時諸
公集與所聞於師友者述年譜一卷俾天下之士
得以洞悉其質行文章之實語皆有本不敢臆撰
一字以蹈誣妄之咎其四十以前遊歷事蹟多不
可考姑從闕如之義云同治六年春二月同里後
學鄭福照識



咸豐六年秋七月

雲泥鴻爪

門下晚學生孔憲彝謹書

先文端公自訂年譜稿本題曰雪泥鴻爪
字畫太小不可以作題簽爰倩 繡山中
翰用隸法書諸護頁以存稿本舊題云

男修恭識

先文端公自訂年譜

乾隆三十七年壬辰十一月壬子二十三日甲

寅辰時生 父 母年三十一歲係第五子

三十八年癸巳二歲

三十九年甲午三歲

四十年乙未四歲出天花險甚餘毒中於四腕
醫愈而腕不能直右足筋攣膝骨不鬪筍較短
小焉

四十一年丙申五歲

四十二年丁酉六歲

四十三年戊戌七歲就傳受業於陳眉山師

四十四年己亥八歲受業於任墨颿師

四十五年庚子九歲

四十六年辛丑十歲受業於王雲雙師

四十七年壬寅十一歲

四十八年癸卯十二歲

四十九年甲辰十三歲

五十年乙巳十四歲

五十一年丙午十五歲從王晚聞師學爲詩文

師庚子進士

五十二年丁未十六歲

五十三年戊申十七歲考古學受知於督學使者大興朱文正公珪時官侍郎取進第二名應

鄉試

五十四年己酉十八歲鄉試出房

五十五年庚戌十九歲娶來氏母舅之女同庚

五十六年辛亥二十歲科試督學使者諸城寶

東臬先生

光霽

取列一等食餼

五十七年壬子二十一歲辛卯孝廉楊涓泉師

開館於蔣宅往受業焉應鄉試

五十八年癸丑二十二歲讀書於晚聞師家小學樓

五十九年甲寅二十三歲讀書於家塾蒙養山房五月病傷寒發狂七月愈錄遺應

恩科鄉試受知於南匯吳白華師省欽時官侍郎大庾

戴可亭師均元時官御史取中第一名房師遂

昌令申培軒先生雲鵬雲南新興州人

六十年乙卯二十四歲會試薦而不中房師涇

縣朱靜齋先生理時官編修留京授徒於大馬

神廟張宅冬考

景山教習受知於河間紀文達公時官禮部尙

書長白那文毅公彥成仁和關晉軒先生槐時

並官閣學

嘉慶元年丙辰二十五歲下第南歸秋赴可亭
師招襄校於安徽學幕考廬鳳潁和滁泗等棚
歲試歲杪歸家

二年丁巳二十六歲春仍往安徽學幕閱廬鳳
等六府州科試卷秋未赴

三年戊午二十七歲七月長子寬生冬可亭師
招赴皖送眷進京寓橫街可亭師宅

四年己未二十八歲會試中式第二十五名座

師為大興相國朱文正公珪時官吏部尚書長

沙相國劉文恭公權之時官左都御史儀徵相

國阮文達公元時官戶部侍郎長白文遠皋先

生後改名幹時官閣學房師殿撰趙介山先生

文楷安徽太湖縣人

殿試第二甲第二名

賜進士出身

朝考第二名引

見改翰林院庶吉士恭遇

覃恩請

封父母

賜贈祖父母

賜封繼祖母戴並如例

五年庚申二十九歲遷居庶常館充

實錄館協修

六年辛酉三十歲移居庶常館之東四月散館

一等第二名

授職編修冬可亭師招至橫街宅中授徒補纂修

七年壬戌三十一歲十月間 祖母戴太夫人

訃請病假省親

八年癸亥三十二歲九月假滿進京仍授徒於
可亭師處分教庶吉士

九年甲子三十三歲熊大司寇謙山先生爲余

傲光明殿道觀課其孫

常鐸署

實錄館提調

十年乙丑三十四歲分教庶吉士

十一年丙寅三十五歲

十二年丁卯三十六歲充順天鄉試同考官

十三年戊辰三十七歲四月入直

上書房閏五月妻子到京旋聞 母來太夫人訃
挈眷回籍主講四明之月湖書院

十四年己巳三十八歲恭遇

覃恩以加三級 父 母請從五品

封

賜贈胞伯父辛陽府君為奉直大夫母宜人

十五年庚午三十九歲秋服闋進京寓於熊庶

常常錚宅充

皇清文穎館總纂分教庶吉士

十六年辛未四十歲移居西華門北池子五月

升侍講次子修生十二月放湖南學政

十七年壬申四十一歲

十八年癸酉四十二歲十二月任滿回京升祭

酒寓帽兒衚衕梓潼廟

十九年甲戌四十三歲五月升宮詹六月署

文淵閣直閣事充

日講起居注官稽查右翼宗學 月充考試學正

學錄閱卷官十二月升閣學遷居西華門北池

子朱文正師 賜第

二十年乙亥四十四歲妻子進京

二十一年丙子四十五歲四月入直

上書房七月放江南正考官留江蘇學政恭迎

父親來署京中妻子亦由水路至江陰

二十二年丁丑四十六歲三月補授禮部右侍

郎八月長子寬生子命名學任殤

二十三年戊寅四十七歲恭遇

覃恩以加級三代請從一品

封

贈胞伯祖繼亭府君爲榮祿大夫妣一品夫人

二十四年己卯四十八歲十二月任滿回京仍

在

上書房行走

二十五年庚辰四十九歲四月充覆試

殿試

朝考閱卷官七月

仁宗睿皇帝晏駕於熱河行宮奉

召赴

行在八月恭遇

覃恩以加級三代請正一品

封

賈恩贈外祖父母爲光祿大夫一品夫人九月調吏部左

侍郎十月恭遇

賈恩贈胞叔祖湘畦府君爲光祿大夫妣一品夫人

十二月充

經筵講官移居東單牌樓頭條衚衕恭遇

賈恩贈封胞兄西原先生爲光祿大夫嫂一品夫人是

年

登極恩詔賜廕一子金釗得正一品廕生以長子寬承

廕次年考試引

見以主事用籤分刑部

道光元年辛巳五十歲二月兼署戶部右侍郎

三月恭遇

覃恩本身妻室受

封五月兼署戶部右侍郎六月放江南正考官面奏揭

曉後乞假一月省親蒙

恩允准九月回家十一月抵京兼署戶部右侍郎

二年壬午五十一歲正月充

國史館副總裁三月充會試副總裁調戶部右侍郎兼管錢法堂事務兼署吏部右侍郎十一月恭遇

覃恩三代請

封如例

賜封胞兄樂全先生爲光祿大夫嫂一品夫人

三年癸未五十二歲四月充

朝考閱卷官八月偕英協揆和時官大司農往馬

蘭峪審案九月丁父憂回籍

四年甲申五十三歲八月長子寬生子命名學

淳

五年乙酉五十四歲冬服闋入都

六年丙戌五十五歲正月抵京署禮部右侍郎

三月充會試副總裁六月署倉場侍郎七月兼署工部右侍郎八月入直

上書房補授戶部左侍郎九月長子寬生子命名學治

七年丁亥五十六歲七月升左都御史九月偕鍾少司寇昌往山西審案十月升禮部尙書十一月回京

八年戊子五十七歲三月往懷來縣查辦事件是月回京十月

賞紫禁城騎馬偕保少司馬昌往四川審案十一月恭

遇

覃恩三代請

封如例

馳贈胞兄藜青先生爲光祿大夫嫂一品夫人

九年己丑五十八歲四月回至襄城奉

旨往湖北查辦事件五月至湖北十月杪回京

命充

上書房總師傅八月

上幸

盛京留京辦事十月偕鍾少司寇昌往福建審案

奏請事竣過浙乞假五日省墓蒙

恩允准

十年庚寅五十九歲正月自閩起程二月回家
分日上冢至鎮江遊焦山三月抵京九月調吏
部尙書十月兼署戶部尙書

十一年辛卯六十歲五月降補兵部右侍郎是
月一品夫人來夫人卒

十二年壬辰六十一歲正月調吏部右侍郎四
月充

殿試讀卷官五月充考試教習閱卷官六月兼署

戶部右侍郎放江南正考官九月回京十一月
充考試恩監閱卷官

十三年癸巳六十二歲正月調戶部左侍郎二
月充會試知貢舉四月升左都御史九月充考
試學正學錄閱卷官十月升工部尙書

十四年甲午六十三歲二月兼署吏部尙書旋
調吏部尙書充

國史館副總裁三月

上謁

西陵留京辦事十月恭遇

覃恩請

封三代及本身妻室

十五年乙未六十四歲三月兼署工部尙書八月充順天鄉試正考官

十六年丙申六十五歲三月偕文少司農慶往陝西查辦事件五月往四川八月杪回至陝西讞獄九月暫署陝西巡撫

十七年丁酉六十六歲正月奉

殊諭吏部尙書湯金釗品學醇正奉使公明著交部議

敘欽此二月回京三月

駕幸髻髻山留京辦事署翰林院掌院學士是月長子
寬升員外郎十一月往張家口查辦事件是月

回京

十八年戊戌六十七歲二月偕惠少司寇吉往

山西審辦京控案件四月回京充覆試

殿試

朝考閱卷官并閱庶吉士散館卷閏四月充教習

庶吉士五月調戶部尙書協辦大學士六月充

拔貢

朝考閱卷官八月兼署吏部尙書是月長子寬升

郎中九月調吏部尙書十月充考試恩監閱卷
官是月借吳少司寇文鎔往安徽審案十二月
自皖之浙蒙

恩賞假五日省墓

十九年己亥六十八歲正月抵浙二月初五日
查辦事竣過江回家初六日詣涇西橋謁墓因
奉後

命往江南初七日赴杭又至江甯至淮安查辦事件三
月杪回京八月兼署戶部尙書九月次子修中
式順天鄉試二十四名舉人

三十年庚子六十九歲四月充覆試

殿試十四年甲子歲十三歲試日對策資善堂同

朝考閱卷官八月長子寬截取繁缺知府十月署

翰林院掌院學士十一月

上謁

西陵留京辦事

二十一年辛丑七十歲三月署翰林院掌院學

士閏三月緣事降四級調用

二十二年壬寅七十一歲五月初八日

御門補授光祿寺卿初九日謝

恩並奏衰老籲請開缺聲明家無住屋罷官後仍寓京

中奉

上諭湯金釗准其開缺加恩賞給三品頂帶休致欽此
聖恩高厚感激涕零

二十三年癸卯七十二歲二月次孫學治取進
蕭山縣學十七名五月長子寬選陝西鳳翔守
六月長孫學淳取進紹興府學十名七月次子
修以內閣額外中書行走

二十四年甲辰七十三歲九月長子寬告養回

京

二十五年乙巳七十四歲

二十六年丙午七十五歲四月次子修補授內閣中書是年四月起每晨鈔論語百餘字至七月二十二日鈔完接鈔中庸大學至十月鈔爾雅十一月長孫學淳生子命名以坤殤

二十七年丁未七十六歲正月爾雅鈔畢接鈔禮記八月長子寬妾生子命名學寶殤

二十八年戊申七十七歲八月禮記鈔畢接鈔

毛詩

二十九年己酉七十八歲四月毛詩鈔畢接鈔

尚書閏四月長子寬妾生子命名學祖殤七月
長孫學淳生子命名福頤殤八月尚書鈔畢接
鈔周易十二月十二日蒙

因賞給頭品頂帶是月周易鈔畢選鈔左傳

三十年庚戌七十九歲三月次子修生子乳名
文昌保命名學彭六月選鈔左傳畢接鈔孝經
孟子

咸豐元年辛亥八十歲二月初四日孟子鈔畢
方擬補鈔全左十八日疾作遂止是月長孫學
淳生子命名福隨

二年壬子八十一歲五月長孫學淳以大理寺評事行走二月次子修升典籍 看通鑑
三年癸丑八十二歲二月次子修升內閣侍讀
五月次子修保送御史

記名七月次孫學治生子命名福同八月長孫學淳補大理寺評事 看尙書蔡傳接看易經本義
每日寫格言二百餘字施送人

四年甲寅八十三歲正月次子修妾生子乳名關聖保命名學喬二月十四日順天府奏請重赴鹿鳴宴奉

旨賞加太子太保銜並

御書慶衍恩榮扁額一面准於乙卯正科赴順天府
筵宴七月次子修補授御史十二月次子修升
順天府丞

五年乙卯八十四歲

續譜

不孝男修泣記

正月二十九日長兄琢齋先生諱寬卒

四月兄子學治生子命名福益殤

九月二十三日修升通政使司副使

六年丙辰八十五歲四月十二日 府君寢

疾十九日丑時授遣摺卯時壽終於京邸正
寢二十日遺摺上陳奉

上諭頭品頂帶致仕光祿寺卿湯金釗立品端方學
問醇正由翰林洊擢正卿協贊綸扉疊司文柄
供職恪勤嗣因降補後奏請休致蒙

皇考宣宗成皇帝賞給二品頂帶旋復

賞加頭品頂帶朕御極後因其重與鹿鳴筵宴賞加太
子太保銜方冀克享遐齡長承渥眷茲聞溘逝
軫惜殊深著派載崇帶領侍衛十員卽日前往
奠醊加恩照尙書例賜卹任內一切處分悉予

開復應得卹典該衙門察例具奏伊長孫大理
寺評事湯學淳著俟服闋後交吏部帶領引見
用示朕篤眷耆臣至意欽此

禮部奏請

諭賜祭葬如例并以可否

予諡請奉

旨著予諡內閣擬諡上奉

硃筆圈出文端

諭祭文

維咸豐六年歲次丙辰五月丁巳朔越十有三

日己巳

皇帝遣官禮部右侍郎杜翮致祭於太子太保銜頭品頂帶致仕光祿寺卿湯金釗之靈曰

朕維望隆頤輔典型瞻耆舊之臣寵賁恩綸褒卹備哀榮之禮諭祭而龍章載錫飾終而雕俎斯陳爾太子太保銜頭品頂帶致仕光祿寺卿湯金釗學宗醇正品飭端方詞館摛華史策用成夫錦帙禁廷侍學坊階厯晉夫冰銜游躋卿尹之班蓋忱罔懈繼掌銓衡之任揆席旋參掄材則文柄疊司奉命而使車頻莅賢勞丕著資夾輔而宣勤吏議

偶干遂左遷而移職致仕已逾乎七表齒德偕推
榮身更拜乎九重頭銜疊晉

先帝之恩施至渥朕心之篤念維殷鄉科值周甲之年
莘筮又賦宮秩荷重申之命芝綍聿頒方期渥眷
長承何意遺章遽告愴懷殊切卹典攸加賜奠而
特簡重臣推恩而用延後嗣於戲老成旣往緬舊
德以云遙秩祀允宜妥明禋而是享欽予時命尙
其祇承

諭葬碑文

朕惟恩推耆舊眷顧德於老成禮備哀榮播休聲

於後禩旣雕筵之特啓宜螭碣以增輝爾太子太
保銜頭品頂帶致仕光祿寺卿湯金釗學有淵源
品臻醇懿簪豪玉署潤色高文進講彤廷敷陳正
學雅稱儒林之望克殫夙夜之勤迨晉卿班厯要
職而嘉猷丕著旋躋協揆統銓曹而重寄攸資膺
使節以周諮公明夙著秉文衡而造士掄選彌精
綜紀成勞無慙碩輔宰吏議而偶因薄責許家居
而仍畀崇銜鳳闕長依

先帝久隆夫眷注鹿鳴再宴朕心彌切夫褒嘉爰摭吉
翰以延祺更錫宮銜而賁寵何遺章之遽告宜軫

卹之優加賞遠後昆展祀而隆儀畢舉勲稽策府
易名之令典維昭諡以文端符其品概於戲緬遺
徽而未遠竹帛流芬勒貞石以永垂松楸生色青
珉式煥丹綵欽承

嗚呼痛哉

府君竟棄

不孝等

而長逝耶

府君之學務求實詣嘗謂

不孝等

曰一生學

問豪無實獲身後行述稱其善者未必真真
者未必可稱不如不作之爲愈自訂年譜以
授 不孝等 事之在朝廷者慎密不敢載也事
之在鄉黨宗族者遜避不自居也謹嚴簡質

無一字涉於鋪張迄乙卯春邁長兄之變
府君傷之謂不孝曰吾猶忍筆此乎越一載
而府君棄養嗚呼痛哉不孝謹遵體例和
淚濡墨而續之并恭載所奉

因行及

祭文

諭葬碑文以備

國史採擇云

門下士嚴正基填諱

門下

士周法鑄
孫壻翁同龢

恭校

--	--	--	--	--	--	--	--	--	--



一
ノ

序

陳子穆庵補輯太鶴山人年譜成以示余譜爲山人子百祿叔總所作其後裔別居瑞安陳子得其家集爲補輯之於叔總原文不易一字惟增定香亭前後兩賦入正文中餘皆以小字分隸原文之下末附詩文集序墓表及墓圖序皆於山人學行有關者而與叔總原文不相雜廁蓋其慎也山人少負文名晚歲乃致精於易著有易指四十五卷近人杭辛齋謂有清易學專家如刁氏包李氏光地胡氏曉滄胡氏渭任氏啓運惠氏士奇惠氏棟萬氏年淳姚氏配中張氏乘槎彭氏申甫皆能獨抒己見各有心得至若焦理堂之通釋紀慎齋之易問與觀易外編一宗漢學而能串合六十四卦之爻象無一辭一字不相貫通一講宋學而能闡發性理與六十四卦之爻象變通化合皆爲歷來講易家之所未有端木

鶴田後起更冶漢宋於一爐一一以經傳互證無一辭一字之虛設視焦紀二氏更進一層允足以殿勝清一代之易學蓋其傾倒至矣山人於形家言最自負然爲宣宗相地適值清祚中微其自營兆吳興亦未見有特驗後世遂渺宗其說者豈苞符祕奧未易窺測抑術數之學致遠而泥歟余蓋於斯譜重有感焉方阮芸臺相國視學浙中招選高材生肄業詁經精舍一時人文蔚起彬彬稱盛而吾溫人士獨尠膺上選經籍纂詁所列分纂姓氏溫郡不得一人定香亭筆記於所甄拔諸士多所獎借而甌括兩郡所見稱許者唯一山人而已蓋其時甌中人士專習帖括餘力兼涉詩賦從未有湛深經術能與陳鱣嚴杰洪頤煊震煊諸子相頡頏者山人處括萬山中獨能開闢風氣不爲方隅所囿不可謂非振奇之士余讀陳子是編旣於山人深致其景仰抑亦見當時吾溫諸

老未能與之驟靳爲不無遺憾同光以後學風始稍稍起則太僕
孫氏喬梓倡導後進之功爲不可及也民國二十三年八月平陽
劉紹寬書

太鶴山人年譜

瑞安陳 謚補輯

青田端木百祿原著

府君諱國瑚二字陳增字鶴田一字子彝又字井伯晚年自號太鶴

山人先世籍山東濟甯府自黎陽公傳四十七世諱倩者仕宋為禮部侍郎高宗南渡扈蹕至金陵居烏衣巷尋遷溧水之留
下村荷花塘至六十七世祖諱潤當明季自溧水徙浙之青田
縣太鶴山乾乙峯下世居焉

乾隆三十八年癸巳 府君以三月初十日辰時生先是 曾大

父芝崖公諱檜邑庠生謚案端木宗譜檜字筠友號芝崖初以商賈起家讀書能通大旨於論語弟子

章行之若終身焉配季氏隱居乾乙峯下好讀易觀卦象不事筭述惟口授

大父樸山公 大父諱成章亦庠生謚案成章檜次子配陳氏楊氏 府君

生三日 芝崖公見右胛有赤痣左掌握大方井文喜曰此子

有異相可傳吾易乃取乾九二見龍在田中孚九二鳴鶴在陰
之義字之曰鶴田

三十九年甲午年二歲

四十年乙未年三歲

四十一年丙申年四歲

四十二年丁酉年五歲

四十三年戊戌年六歲

四十四年己亥年七歲授易經孝經能通其義 大父顧之色喜

益刻苦自厲鄉里稱爲養志

四十五年庚子年八歲四月 芝崖公卒 樸山公以遺命進

府君而誥之曰易者象而已言天地萬物象得理得之又曰易
卦氣六十四卦起中孚九二是起乾九二易全部歸之大過漸

下歸妹一卦爲天地終始此汝祖言易命以告汝者 府君退
觀卦爻中孚九二是乾九二中孚鳴鶴乾在田恍然悟 大父
命字鶴田之義卽於始生時取象在此由是謹誌勿忘

四十六年辛丑年九歲

四十七年壬寅年十歲

四十八年癸卯年十一歲

四十九年甲辰年十二歲

五十年乙巳年十三歲正月 曾祖母季宜人卒

五十一年丙午年十四歲

五十二年丁未年十五歲

五十三年戊申年十六歲八月 祖母陳宜人卒

五十四年己酉年十七歲

五十五年庚戌年十八歲

五十六年辛亥年十九歲 府君服闋赴試 時諸城寶東皋光

勳督學至括甚器之擢第一補弟子員評試卷云包括尙書一

部 府君自謂尙書未熟因晝夜誦至二十日卒業盡悉其義

五十七年壬子年二十歲

五十八年癸丑年二十一歲

五十九年甲寅年二十二歲

六十年乙卯年二十三歲

嘉慶元年丙辰年二十四歲我 母陳宜人來歸 是歲儀徵阮

相國元典學至括以 府君品學兼優大加稱賞院試桃花畫

虎兩賦有才調斬新得六朝真意評語經古皆冠全郡旋食餼

相國又以所作括蒼山雨七古屬和 謚案阮文達學經室集括
蒼山雨示端木國瑚詩括

蒼之山應天符粵維羣仙之所都義皇既遠洞天閉何處尚有
仙人閭我來茨嶺疊足望但見青峯萬丈矗立東南隅是時仲
春日已炙陰巖起蟄蛟龍蘇盤崖百里直到郡觸石已見雲合
膚一日二日雷車驅三日四日雨始濡春城夜聽溜滂沛青天
畫看烟模糊遙知風門天井響飛瀑濺起萬斛光明珠突林廣
樾散成霧溼氣沍結松千株棠溪管溪流並急箭恬不受山縈
紆陽開陰閉復幾日此時真有羣靈趨仙臺福地不能到誰來
示我經與圖却喜甌江水新漲石門山色迎川途我行寫此示
腐儒國瑚和章見詩集試畢邀 府君至杭州肄業敷文書院

先是 府君曾受知於秦少峴觀察瀛時膏火無以自給作鶴

詠篇見詩集呈觀察觀察語相國曰此青田鶴也乃命居署中西

園使得壹志於學署中西園有亭故無名相國以風定池蓮自
在香之意名曰定香亭命撰賦 府君仿六朝體以呈賦云謝
公水月杜老乾坤抗心古哲怡志名園榜修月斧階斲雲根井
惟客轄市豈臣門神清藻想氣馥蘭言聞空香而入妙儼寂定
而無喧榜曰定香亭宜標碣地展三弓居容十笏碧淺楹低綠

沈屏西晨光雨後三徑草薰午韶晴初一闌花發友相問兮冰
心世不知兮仙骨噓翰墨以繪林招烟霞而彌窟水曲雲平橋
連虹斷鴨綠頭低雁紅齒短露氣沉寒日光抱煖苔侵午潤蝸
舍紋移藻漲春陰魚闌影散簾疊浪而香連簟含漪而翠滿人
疑陸海潘江地是蓬壺桂館亭則宜春梅花絕俗塵不凝紅莓
還襯綠紙帳摹幪銅瓶臥褥品逸於仙心閒似鷓鴣句淨鏤冰神
清照玉愛處士之清淺黃昏遇高人於水邊籬曲綠檻晨潤朱
華夏榮露白羽淨霞紅衣明香空月淡影重風清碧筒醉淺白
社緣輕翠凌波而脈脈芳襲袂以盈盈問騷人兮何多怨愛君
予兮未忘情梧蔭初長洞陰遠送碧抱唵蟬香披么鳳一闌涼
影彩筆分題半榻清香瑤琴微弄黃葉烟疎蒼苔月空不知秋
思誰家莫道秋光如夢檐空四壁竹擁千椽疎陰碎地密翠浮

天綠圍書幌青護重筵昏黃佇月深碧流烟湘枝按曲玉版談
禪招此君而入座共歲暮而忘年時若座拱冰壺軒懸玉界金
石紛披琳琅密挂唾散珠璣氣澄沆瀣棋憑客聽石供丈拜梨
雲蘇軾之詩蕉雪王維之畫來物外之清虛去胸中之芥懣高
密列座公幹升堂擘牋韻僻擊鉢聲長虹光躍硯霞氣流觴性
諧荀令文述歐陽螭頭雲暗塵尾風涼句奪五花之簞心嘔古
錦之囊爲想永和人物雅宜江左文章額已留題碑誰作記手
淨薔薇心清茉莉古綠摹文硬黃搨字筆花夢驚墨藻心醉寶
色星迷神光電萃地惟奎璧之區案是玉皇之吏陳據端木
家集補有
清思古藻絕似齊梁人手筆評語一時藝林相與傳誦故相國
贈 府君詩曰誰是齊梁作賦才定香亭上碧蓮開枯蒼酒監
秦淮海招得青田白鶴來 時觀察重修敷文書院新建秦淮

海祠 府君各紀以詩謚按阮文達定香亭筆談云秦少峴觀

人菴老吟何苦游子衣

二年丁巳年二十五歲秋阮相國修禊蘭亭 府君與同人賦秋

禊詩見詩集 又和相國秋桑四律見詩集 是年按試各屬即令襄校

三年戊午年二十六歲隨相國按臨各屬歷遊雁蕩天台諸名勝

有紀遊詩數十篇見詩集 相國稱為奇麗採入定香亭筆談以定

香亭賦列於首相國嘗曰武進陸劭聞適耀於時賢罕所折服

獨於子彝心折焉迨試紹興以雲漢賦試士少厭心之作命

府君賦之亦稱壯麗謚按阮文達定香亭筆談云秦少峴試紹

童尊君槐青田端木子彝國瑒撰之槐有云何日倒傾滄海匯

為天上文瀾有詩瀉落青霄流作人間壁水蜀瑚有云秋泛一

槎耿耿聞仙家耕織如常春涵雙劍 居西園日與名流往來詩

篇成帙江右吳蘭雪舍人嵩梁游浙甚相契

是秋中式本省鄉試第十五名舉人典試爲南匯吳白華省蘭
天門蔣丹林祥墀

四年己未年二十七歲正月北上會試爲本房今吳縣潘相國世
恩薦卷不售自運河歸

五年庚申年二十八歲春客溫州 是年阮相國奉命撫浙邀

府君至其署舟至孟家堰遇潮幾覆有詩紀事

見詩集

時相國

同年劉信芳閣部鑲之視學浙中署中定香亭圯閣部重葺之
復囑 府君作後賦云竹裏留愁花間住杜梨趁香山梅招水
部芳心易孤勝事誰數安石寄閒歐陽愛古明月共壺清風接
塵旣翰墨之有緣豈烟霞之無主亭有定香著名已早風月依
然林泉恰好竹瘦椽疏松新瓦老秋暖蟲宜春寒花惱雨到綠
生風來紅掃人夢湘雲客吟池草靚光景之泥人忽芳馨之盈

抱於是修階破屢幔亭高低酌檻疏密安樞斧痕借月石影分
星春梁待燕秋案留螢闌書碧亞簾寫紅丁鶴迎秋而已帳蟾
入夜而何局屏冷則雲窺雙白簷虛則天抱四青水鑿玻璃翠
通窈窕冰上敲菱鏡中刈蓼流杯分池浴研添沼航比鷗輕磯
共鷓小花氣醉魚沙痕篆鳥雨白荷秋烟黃竹曉縮圓嶠於座
中拓仇池于塵表塘圍錦砌橋匝芳隄星填漢淺虹臥秋低花
垂雲曲柳搭烟齊蘭扶黑醉桂試紅題響來木屐影隔花梯吟
綠波今天上餞紅日今亭西爲竹添山緣花布石岫雲吐青峯
月窺白蕉額纔方松身只尺翠點盆秋香生瓶夕鏡前之湘草
春紅壺畔之石蓮夜碧安排春事調護芳時花連螭徙樹帶禽
移竹量笛料桐酌琴規籐長於格菊瘦似籬買猿守果呼鶴種
芝紅飛蕉鼠綠放荷龜圖離騷之麗句搜花木之新辭故當紅

影初晨綠光正午蜂拈碧香蟲墜青縷選荔應圖寫蘭入譜池
容鷺漁林借鶯乳蝴蝶黃兮春風蜻蜓綠兮秋雨吟芳草則兩
字鷓鴣悵落花則一聲杜宇更選佳客共此秋光園吟蟋蟀谷
寫篔簹評琴似穎說劍如莊黃花四屋紅葉一牀槐青雨冷藕
白風涼鴛鴦影秋而人憶茗雪雁聲夕而客夢瀟湘坐久移時重
來憶昔碑記舊摹榜看新畫鴨綠添鑪鳧青留鳥帖試鉤雙韻
探珠百橘露千頭茶風兩腋畫憐顧癡香愛荀癖似佛頻跌比
仙非謫異小隱之在山愛主人之如客雅宜醉白之堂更稱草
元之宅

陳據端木
家集補

有先後雙絕之譽 冬北上

六年辛酉年二十九歲二月子大雅生時 府君留京師身弱多

病作嚇病鬼詩

見詩
集

七年壬戌年三十歲會試不第六月自京師歸前一日子大雅殤

始終未之見也

八年癸亥年三十一歲掌教蓮城書院十屬赴課生甚衆並多在院受業者時王賴山太守績著有古循吏風其題一覽亭楹聯有云看今日民風土俗問七年太守何如之句與 府君以詩文交甚契次年解任滿人時雲崖敏守此折節禮士並工書畫與 府君交懽契洽 夏初阮相國奉旨視兵甌括到郡事畢 府君以詩謁見卽邀同游石門有詩紀事

九年甲子年三十二歲

十年乙丑年三十三歲客永嘉

十一年丙寅年三十四歲八月子嘉議生

十二年丁卯年三十五歲八月赴杭州便道北上

十三年戊辰年三十六歲會試不第大挑一等引見圓明園用知

縣 府君呈請改教職 八月 樸山公卒 府君在京聞訃
星奔回里哀慟幾絕因窀穸未安究心形家言境內諸山躬親
陟歷殆遍

十四年己巳年三十七歲掌教中山書院 有新修中山書院記

記云國家教化之大惟學校書院學校設於朝廷而書院則設於官府故學校者非士著籍無得登乎其堂而書院則雖野之童而執卷者皆得進於其列是則學校之教尊書院之教親親者近人其效視學校爲易睹而教之興衰固居是官府者之事而亦其鄉之士大夫者之任也甌郡自宋儒王儒志先生講學始有東山書院至本朝乾隆二十七年郡守斟城李公始置田畝而移其址中山閱今四十餘年矣余未到郡之前前守長白廷公議修書院擇主者皆曰郡學生陳生遇春可於是畀白金百授以事而廷公已解職矣陳生卒終其役而其貲蓋一則倡之廷公四成之陳生也余既到郡爲延師課士求廣膏火而書院畝入年侵月削百事不供迺爲擇員搜括期益士人以無忘斟城李公之舊是余事也余因思聖賢設教之心止爭義利而風俗興壞之由亦止問義利今人徒勸以義則莫不正色而任之及非其利則又無不厲忍而辭去利之妨於義也甚哉然而義又未嘗不須利以成之故學徒旣集而舍之草間能安其鼯日乎安其鼯日矣而黜之膏蘇能安其猛起乎故夫教事不具

郡有司與海先生之過也而執業不進則又諸子弟之事也方
今國家養士深厚既隆學校以重其事又樂夫郡與縣之有書
院以廣其教則凡士之被澤而成于學者宜無不扶教翼良邇
義而遠利以興起有志者於登善之路研精之廬俾講求于聖
賢之方以進於俗之本而後書院之材運學校之材學校之材
延國家之材也是則朝家之所需者學校儲之學校之所儲者
書院成之也乎書院堂室若干楹若干田畝已列舊記其修日
嘉慶十四年四月朔日廷公去郡之月也落成則七月望日余
到郡之第四月也陳
據太鶴山人文集補

十五年庚午年三十八歲葬 樸山公於蕭陽之原 是年服闋

府君念大父遺言及 樸山公述訓究心易學于十翼象告

情言悟徹至理 六月子嘉議殤先是 曾大父拾得象牙猿

鈕印文曰嘉議大夫用以爲孫小名是年 府君於書篋內見

印嘉議字裂膠而存之竟爲惡兆 冬北上

十六年辛未年三十九歲會試不第 四月自京師返過闕里訪

孔壁古文上嶧山觀李斯刻石處游蜀岡登焦山訪支硎樸古

鼎訪瘞鶴銘而還 是年七月次女生

十七年壬申年四十歲時青田大饑 府君籲請邑尊開糶以振

貧窮人頌仁言利溥 秋客橫陽主蘇石緣居士璠家為作大

雅山房印譜序 序云橫陽蘇氏石緣居雅山之足構池館聚圖

觀其概也已己客永嘉遇之松臺辛未北遊共自燕而魯而吳

過闕里想孔壁古文上嶧山觀李斯刻石處登焦山撫古鼎訪

瘞鶴銘而還壬申始偕潘氏彝長至橫陽得息其園林而樂之

怪其雲容石狀咫尺靈變而有以知其中之多奇也亡何觀主

人藏書處壁榻俱滿又出所作隸古所作印數百石與商榷之

燈每至曙其時大風雨三四日夜秋氣如海余三人屹屹而忘

之也其所擇印主人命志之以為一時之鑒會也余亦以為余

今日之遊適固余二人之曩所期思而今諧之者也余志之非

瑣瑣為印然也彝長曰是乃所以為印也主人且為何如陳據平陽縣志增

十八年癸酉年四十一歲北上天津客李石農觀察 鑾宣署中按

項霽且甌集癸酉送端木國瑚入都會試三十韻鞞鼓青齊急

衣冠絳闕遙將行萬里道又駕一封軺夙羨風騷客人推學藝

超詞林俱退舍文苑看高標縷織辭章麗笙簧典籍調名賢爭

培軻身世尚漂搖書屢贗黃耳裘曾敵黑貂輕裝乃虎僕行笈

太鶴山人年譜

惜硯樓校刊

復中... 信... 長... 會... 宜... 膺... 旋... 組... 招... 弄... 枚... 欣... 接... 連... 丙... 魏... 况... 連... 鑣... 下
 上公... 傳... 盛... 奇... 才... 數... 澤... 鏡... 攝... 衣... 文... 足... 用... 補... 袞... 職... 無... 驕... 共... 慶... 龍... 賜... 舜
 何... 謂... 六... 次... 堯... 言... 遠... 光... 不... 變... 帝... 座... 犯... 逾... 詔... 入... 夜... 然... 烽... 火... 衝... 途... 響... 斗
 維... 聖... 聲... 震... 涼... 馬... 風... 勢... 壓... 壘... 鵝... 傾... 蓋... 思... 前... 度... 歌... 驪... 又... 詰... 朝... 揚... 眉... 嘗
 負... 俗... 祀... 臂... 忽... 相... 邀... 未... 謁... 癸... 辛... 至... 先... 過... 丁... 卯... 橋... 雕... 龍... 辭... 涉... 臘... 捫... 虱
 狎... 漁... 樵... 山... 水... 供... 雙... 履... 辰... 田... 園... 付... 一... 眺... 引... 錐... 心... 已... 券... 舞... 劍... 氣... 難... 銷... 捉
 手... 思... 張... 翰... 遺... 韻... 效... 繞... 朝... 京... 華... 塵... 袞... 袞... 鄉... 國... 路... 迢... 迢... 寒... 色... 幽... 州... 日
 流... 漸... 渤... 海... 潮... 壁... 懷... 能... 久... 揭... 桐... 爨... 不... 終... 焦... 月... 讀... 驚... 江... 泌... 星... 占... 識... 伍
 喬... 承... 明... 需... 著... 作... 揚... 厲... 待... 詞... 謠... 儻... 入... 金... 閨... 籍
 行... 稱... 玉... 署... 僚... 賢... 臣... 應... 獻... 頌... 漫... 試... 漢... 宮... 簫

十九年甲戌年四十二歲會試不第歸過天津李石農觀察邀遊

芥園同徐貽山 迪惠 劉鷺羽 翻 有詩紀事 見詩集

二十年乙亥年四十三歲時選湖州府歸安縣教諭 謚按項氏且

田訪端木鶴田詩鶴立風裁好青田寂寞濱爭名甯避俗抗節 豈謀身經術他年重文章此日珍脂膏難自潤愁作折腰人

秋客羅陽 是年納側室葉氏

二十一年丙子年四十四歲五月到歸安任 繼祖母楊太宜人

就養署中缺既清苦食指又多時有空乏之慮然矢志寒素不

妄受一錢士有志于學而力難自振者往往典質以資給之地
方有獨行異節有關名教者輒首先捐廉倡率以表彰之迄今
湖之士大夫猶切去思焉

二十二年丁丑年四十五歲

二十三年戊寅年四十六歲

二十四年己卯年四十七歲

是年有上阮相國書

書云國瑚頓首久不奉牋

記自顧駑下不能舉辭居學官無事竊欲立六經一說依附傳
後自念假手于人無用何用之天下有用書古今盡在且用不
能顧求爲人用乎又念古今書有易言易盡者有難言難盡者
苟質敏心勤雖繁重悠遠天地積算布指可得以理衆驗法習
成故也天下有其理理不傳有其法法不傳天下竟無從傳者
有二天地律書聲音不有其人天地葬書理氣不有其人二者
皆在易也律書其人知治亂不能爲治亂葬書其人知盛衰能
爲盛衰顧聲音一道古矇師以爲守儒者尚從而習之理氣一
道墓大夫不以爲教儒者盡從而棄之儒者好以名物爲議論
苦以成事爲規模者也六經中聖人常言天下萬世常用可也
聖人不言天下萬世不用可也聖人書不盡言言不盡意天下
萬世遂以不盡其言不盡其意不盡其用可乎聖人不盡言何

言不盡意何意天地陰陽也聖人不可使天地陰陽人人知人
人用又不可使天地陰陽人人不知人人不用仰以觀於天文
俯以察於地理知幽明之故知死生之說天地陰陽也葬也聖
人不盡言不盡意之教也墓大夫不以爲教者防俗失止禮棄
聖人有隱慮者也不然葬取大過天地陰陽盡乎易矣聖人豈
無言而有言者乎以易常理言之中正而已中正則於身於家
國其象言不中正則於身於家國其象凶聖人言之天下萬世
守之而無不然者也聖人取大過陰陽中正而已中正則陰陽
和天地山川小大生人于家于國爲正人于天下久長不中正
則陰陽不和天地山川小大生人于家于國爲不正人于天下
衰敗此自然理也家國大者自在天地天地何爲而然非陰陽
雖天地然乎聖人以人所不能與而後聽之天地不以人所能
與而皆聽之天地也天地設位聖人成能何能也人謀鬼謀百
姓與能何能也人謀生人之始鬼謀生人之終人謀鬼謀謀生
人之終謀生人之始也皆在天地陰陽設位中聖人成能百姓
與能者也著龜易取象者易取數者幽明之故而幽明生死之
說而生死非著龜能也象陰陽龜是象數陰陽著是數聖人告
之以著龜之象數用陰陽不當復以陰陽之象數用著龜矣莫
大乎著龜用著龜象數爲用莫大者也用莫大乎聖人也竊嘗
謂易不可以常理常象說必究明天地陰陽死生之故及陰陽
五行之數之象之氣六十四卦知五行之氣所以通五行之數
所以配五行之象所以成一卦互交何卦正互何卦對待何卦
反對何卦顛倒何卦錯綜何卦先後天何卦上下序何卦而後
其象可得而睹其理可得而言然一卦出入數卦其數卦又各

自爲卦欲執一說以見陰陽之用而又不能如用火用木不見木不見火聖人立象以盡意正此意也瑚不揣箸周易葬說一篇據易說葬意也借葬說易象也易陰陽不能說說葬易陰陽明葬陰陽不能說說易葬陰陽明于說易說乎其端易當如是說于說葬說乎其底葬當如是說從儒者言希夷先後天理即其理周子太極象即其象邵子經世數即其數從術者言郭氏經即其經邱氏楊氏書即其書指南二十四字代卦爻推行陰陽當位不當位卦爻相雜成文易雜卦盡在焉取諸大過聖人之情見乎辭其言曲而中其事肆而隱信夫天地易簡而已大過陰陽易簡而已天地相似聖人成能易簡而已百姓與能者也儒者皆不肯言謂聖人不言也聖人不盡言不盡意不盡何謂也生生之謂易不盡生生也是以大生是以廣生天地之大德曰生葬生人大本陰陽生人大用易百物不廢生人大用生人大本易生生廢生生陰陽于何用之易人用之人道地用之地道天用之天道人仁義地剛柔天陰陽用人廢天地不用非易也人始于天終于地始終於天地而人不能用天地非易也儒者不肯一人言何以故請吾道非彼術也不知易體之爲道易用之爲術聖人不言所以利而用爲道常人利而用爲術道不可不明以故道之體顯道之用隱也術不可不慎以故術之用顯術之體隱也儒與術各不相習儒者雜乎用以天地爲虛術者離乎體以天地爲僞是故道無術不行術非道不可用矣世葬書術而非者非易也世人洵乎其失體棄犯聖人之慮而又不得陰陽之用生人大患也非夫聲音一道是不足爲治非是不足爲亂而可從其是非是也易陰陽是則是葬易陰陽

非是則非葬孝子於親仁人于天下非葬不可者也儒者奈何
不推本大生養生之說少傳易道之用於後世乎聖人天道命
不傳傳其不待告易告後世常在也其人儒者自爲之庶乎可
也竊謂此篇生人有用者于易說乎其端而天地陰陽之用可
執此而盡其變矣敢錄上俟閒暇
賜覽焉陳棧太鶴山人文集增

二十五年庚辰年四十八歲會試不第歸

道光元年辛巳年四十九歲周易指始屬稿先是 府君學易十

有四年嘗云易家言漢言宋各究心病其於聖人言皆無左驗
廢然反之易惟十翼是問何謂象告情言聖人不欺余辭所所
之可也易六爻文始終具六爻質易一封質之諸卦易一經質
之聖人諸經及古微言大義同乃敢信諸心明諸掌至是撰著
易指又十有六年而稿成 是年十月爲長洲顧沅作賜研堂

叢書序

序云余于山一升岱之巔窺碣石以東蒼蒼而不能諦也欲捫天柱拄杖玉女之盆而趾告頓矣倒囊出閭門

市泥車瓦狗不足于兒翫而欲問大秦之耳璣于闐之腰玉臧奴唾其笑矣習辯毅之方龜腸者三日受命監大官廚設杯水

甌鼠果然不信始皇蠶食能畢六國余之於書大抵然矣一寸
之目一縷之心昏如甌鈍如椎其不足以矚九天之上窮九地
之下明矣長洲顧子湘舟方大鏤書以苦余苦余則然世固有
空洞之輩吞若雲夢者八九于其胸中曾不帶芥顧子或不能
苦之而徒以苦余無容也雖然余亦自有我法顧子不能苦余
而反以助余快何者長夏之次樹蔭百丈大寒之廬綈幕一重
茗椀長設地爐復開周公之夢方醒孔氏之談亦倦抽此一編
置之膝上未嘗不如清風來温耐沃也此時也顧子之書又何
異華氏之青黏漆葉體一不快而投之五藏利三蟲去也則欲
以苦余而竟何如迺方聞者不然而且責其殊義詭制織詞進
仲舒之說用李斯之計則吾輩荒陋之黨利之而雕龍助談天
衍掘然其不服二者未得其平余又起而調之觀河海者之遼
目不得議懸雷鈞突之非水而宴曲室者之密耳奈何厭明堂
大會之鐘石曾眩也顛子但輯而行之賈胡剖腹以藏珠有好
之者毋聽異同之說不休也顛子近鬪門之市余嘗倒囊過者
貨別隧分不貲之物中國勿名豈以窶人多而罷市哉陳據太

鶴山人
文集補

二年壬午年五十歲 府君初次俸滿入都

謚按方成珪寶研齋吟草自識有云道光

壬午偕端木鶴田出都車中同坐相與談詩鶴田謂余曰子從
事於詩也久亦知詩之不易言乎觀理不精則無以深其旨趣
也讀書不富則無以壯其波瀾也非徧識乎古今之體裁則無
以通其變化非靜調乎陰陽之氣脈則無以養其中和故人人

言詩二詩之途寬亦人人言詩而詩之途窄鶴田固深
於詩言也而冥言若是此則可以知國瑚論詩之旨矣

府君病壞與家三合元運之蔽於俗說纂周易葬說後序云天

六經已耳其他有用書用六經已耳六經之用皆道用而民咸
用之則成乎藝是故藝者皆道之至精者也神農作本草黃帝
之臣作素問本草素問於後世藝文出雜家以下古聖人如神
農如黃帝之臣豈無可以為天下後世而是雜家下者為不知
為天下後世莫先於濟生莫先於救死不足濟生不足救死雖
出六經無用也醫書生死然矣葬書其生死於醫書何如葬上
世不封不樹後世聖人封樹可也蓋取諸大過何取諸大過而
葬之道盡乎易矣通乎易不必知醫通乎易未有不知葬通乎
易不必知醫所以上世有本草素問也通乎易未有不知葬所
以上世不有葬書也今醫書難者人人讀人人可解讀久而愈
以解葬書難者人人讀人人不解讀未久而人自以為解人人
不解自以為解為天下後世生死也大矣不避狂瞽注葬書四
篇法是葬理是易又本易作葬說郭氏楊氏來未一人言庖犧
文王周公孔子明明言者乃在六經內也由乎此則由乎生之
道不由乎此則由乎死之道易死生之說本然也死生之說本
然天下後世何可不然不然非葬也道乎藝乎有用乎無用乎
葬雜家以下者也予亦第出雜家以下用六經之
用於天下後世而已矣陳據太鶴山人文集補
嘗又取揚
曾地理元文一書釋之
自序云立天之道曰陰與陽立地之道
曰柔與剛立人之道曰仁與義人也者

中天地而立三極之道者也人自其道非仁無處非義無行則不求之天地而天地之陰陽柔剛日與人之仁義立而三人之道豈有不存者乎是則取諸大過之葬何必問陰陽柔剛之於天地何如哉然而聖人之訓天下不外乎世人心之積善之家不曰積善而已而曰必有餘慶積不善之家不曰積不善而已而曰必有餘殃餘慶餘殃者世人皆有之一心賢子孫之於祖父賢祖父之於子孫其心皆餘慶餘殃者也華可以有慶何弗爲我祖父而有之苟可以無殃何弗爲我子孫而無之積善之家而曰吾積善不積不善之家而曰吾不積不善而責有善之慶無不善之殃於天地乎必不敢謂然矣然則葬也者慶與殃之大者也責之冥冥吾既不敢已信責之昏昏吾又不敢人信然則如何通天地人之謂儒人而儒也仁義不知乎陰陽不知乎剛柔不知乎陰陽剛柔葬之道也葬事親之大事也立人之道仁與義此仁至義盡事也儒乎儒乎可弗知乎陳據太鶴山人文

集補 是年冬同年徐鹿苑明府樓即至爲製序文尋刊行

於江右

三年癸未年五十一歲 是年出都

謚按龔自珍定盦詩集有癸未送端木鶴田出都詩天人

消息問端木著書自署青田鶴此鶴南飛誓不同有鸞送向城頭哭鸞鷁相逢會有時各悔高名動寥廓君書若成願祕之不爲三山實五嶽七律一首上條方說壬午出都疑誤據增

太鶴山人年譜

四年甲申年五十二歲 是年三月納側室林氏 鹿苑明府邀

府君至紹興游禹穴南鎮時將赴江右握別而返 冬十二

月子百祿生

五年乙酉年五十三歲注易指六十四卦具

六年丙戌年五十四歲

七年丁亥年五十五歲易指十翼及圖象具 是年六月杭州襲

定庵舍人自珍問易題解以向易說所無者訪 府君詢所注

易大義說數條 府君以乾初九不易世一節說之舍人以爲

聞所未聞云 七月湯雨生都督貽汾官湖州協鎮以詩文相

往來甚相契重 又作易圖數紙上阮相國 冬十二月子百

禮生

八年戊子年五十六歲 府君二次俸滿赴省驗看兼送鄉試居

吳山回任嘗注易於尊經閣下顏曰易堂

謚按端木宗譜在湖州歸安縣學署中

五月得一異石於階下大不及升如母追形其光黝然可鑑儼一小嶽阜徑路上虬松芝草細紋縷刻一面麟龍鸞鳳皆凸凹刻狀卽以易筮之得坎天玄之卦是日己亥時辛未適 府君生日時甚異嘗言昔宏成子得一文石如鷺卵吞之後授五鹿充宗易遂爲碩儒此石得於易堂其或天以注易十二年之久先錫之瑞歟

九年己丑年五十七歲

十年庚寅年五十八歲正月三女生

是年會朝廷欲改卜萬年

吉地諭宗室大臣各舉所知精形家言者那制軍彥成禧尙書恩於書肆得楊曾地理元文注以獻上問近臣知此人乎曹文正公振鏞對曰此是浙江名士臣久聞其名於是廷寄浙江巡

撫劉公彬士號筠召之 六月初十日恭奉上諭朕聞浙江歸

安縣教諭端木國瑚通曉堪輿着劉彬士卽傳該員到省飭令
來京務於中秋前後趕到將此諭令知之欽此時鹿苑明府以
江西泰和令同被召 府君卽抵省巡撫劉公遣武弁送至京

府君將遠行移家僑居溫州瑞安 八月初五日圓明園投

文命送禧恩公直廬中秋鹿苑明府來京亦同住時上看元文
首篇江東一卦等語屢蒙傳咨註義謹卽條對具陳并作一圖

上之廿六日隨同欽差大臣往西陵相度三十進泰陵九月初一日

逐日周覽 府君以北方土性高燥砂石水風之患往往有之

而身膺相度者既求形勢之合又宜悉杜此患方有當於萬年
永固之義既看有蓮花山老龍潭諸地而同時保薦相度者亦
擇有望仙山六道灣大灣峪等地 府君謂望仙山下面是砂

水六道灣有界水四道在穴水內大灣峪其左肩上兩峽龍去
肩上兩灣水反弓而下決其無氣到穴初同事仍不信及針土
望仙山穴俱白砂大灣峪穴俱黑砂堅石三地皆不堪用乃以
府君所擇老龍潭地上之老龍潭地後龍四重大帳到穴龍
身百八節左右夾龍發源水收過穴前合襟去竟爲龍穴水三
字全 府君列在次取而蓮花山地五曜歸垣穴以爲非常大
地當事者不取遂置之 十月十四日回京移住浙甌館時鹿
苑明府遭母喪回籍惟 府君一人留工有公事則往暇則闔
戶注易一時朝貴罕識面焉

十一年辛卯年五十九歲二月二十二日上謁西陵臨覽萬年吉
地親自登頂高上把羅經對向聖意大悅賜名龍泉峪二十三
日在秋瀾行宮恩給六品頂戴以內閣中書陞用又蒙賜御用

袍褂四身二十八日到內閣漢票籤處轉事 三月十九日又
派擇阿哥福晉地 十一月初三日隨同欽差大臣扞萬年吉
地初八日開穴正中開六尺許深留見方一丈外前後左右皆
開至一丈二尺土先淺黃至五尺深黃紫氣堅細光潤有四五
丈寬橫開二十丈皆堅土兩角裹有石俱五色可鋤而穴前後
亦開二十丈皆堅土無石穴中每開一二尺卽黃袋盛土至一
丈二尺黃袋盛土六號卽具說進呈上喜知吉地已針有吉土
也 十二月引見補缺十四日召見詢及龍泉峪形勢及祖籍
年歲甚悉奏對皆稱旨三時許乃出 府君自言生平厲志於
學本冀通經致用今以堪輿微技受主知初非本志也惟敬謹
從事盡心以報効焉爾

十二年壬辰年六十歲移住下斜街全浙會館藤花書屋會試昆

明池淪庭舍人生春得 府君卷薦之評云運以生筆澤以古
香合觀三藝於易學尤邃戴金溪司寇亦激賞之時主司持議
不一卒見遺

十三年癸巳年六十一歲會試中第十三名進士時歙縣相國爲
正總裁儀徵相國以雲貴督入覲副主禮闈皆平日曾受知者
人皆傳爲美談房師爲華亭沈舍人第應殿試第三甲第三十
八名謚按方氏寶研齋吟草癸巳喜端木鶴田國瑚登第詩云
定香亭賦蚤知名垂老方爲得意鳴一卷青囊書舊譯三
春紅藥句新成清標合對芙蓉鏡冷味全拋
鼓落羹猶有當年風骨在衆中長揖見公卿引見以知縣用
府君呈請注銷改歸內閣中書先後三辭縣令

十四年甲午年六十二歲

十五年乙未年六十三歲九月次女卒

十六年丙申年六十四歲撰周易指畢卦畫六十四卦井井於易

性命理得乃象而已易全部本末終始歸之大過漸下歸妹一

卦而已皆不出 曾大父所命者 證按太鶴山人文集國湖自

先大父雲友府君 大父諱 木寺會 隱居青田乾乙峯下日觀卦象歲久

欲有撰述數年老每謂且待後人余於諸孫生晚生三日抱見

大父見右肘赤誌左手掌握握方井文大父喜曰此兒能成吾

易乃字之鶴田名曰瑚故余名字乃從始生時大父命也六歲

七歲授易經孝經九歲即大父辭世為年七十有三及余少長

十四五方有知識先父樸山府君 大父用易 六位下二字父名故易 始以

大父遺言進而命之曰易者象而已言天地萬物象得理得之

又曰易卦氣六十四卦起中孚九二是起乾九二易全部歸之

大過漸下歸妹一卦為天地終始此汝祖言易命以告汝者余

聞茫然退而觀易卦爻中孚九二是乾九二中孚鳴鶴乾在田

恍然悟大父字余鶴田於始生時取象在此即可知卦觀象法

在此而其時思之不通且亦謂待後日於是二十三十走聲譽

途涉獵傳記求工詩古文辭百氏皆從事學盡龐雜至三十六

歲元父辭世終喪乃念先大父遺言乃父所以重命余者廢然

反之易易家言世人謂漢謂宋各究心病其於聖人言皆無左

驗又廢然反之易惟十翼是問何謂象告情言聖人不欺余辭

指所之可也易六爻文始終具六爻質易一卦質之諸卦易一

經質之聖人諸經及古微言大義同乃敢信諸心明諸掌如是

十年然後起道光元年歲在辛巳撰易指始閱四年六十四卦

具又二年十翼及圖象具其於易在在求言有據行有效聖人

不盡言不盡意求至聖人元文字易反復七於天地萬物思盡後止迄道光十六年歲在丙申撰易指畢而易卦畫六十四卦井井於易性命理得乃象而已易全部本末終始歸之是年大過漸下歸妹一卦而已皆不出先大父所以命余者 梓成卽有歸志

十七年丁酉年六十五歲春朝鮮金秋史侍郎正喜託其朝使申翠微尙書在植及隨使李瀉船尙迪致聯語通問且曰君所作定香亭賦東國人皆傳誦慕名已久 初申尙書出使其國時

諸老錢有詩皆囑其到京請

府君序之

序曰古詩章四牡皇華使臣之詩之始也

烝民韓奕仲山甫出祖吉甫作頌韓侯出祖顯父錢之錢行之詩之始也風雨蔓草至七子賦詩不出鄭志則邦國主客相遇以其國之詩見君子遠好問又其始也古人詩性情眞已耳今人詩求性情眞已耳眞則數千載上古詩人如吉甫皆得見之卽數萬里外今詩人能如吉言亦皆得見之古不遠今不遙而共日暮共戶庭皆相見可矣今東國爲古聲教之地我朝聖人日月遐覆東國同之內土其詩教盛固宜丁酉歲朝正月使擇其國碩臣名學得尙書申公一時重其使國之位高才美者若數公皆錢之詩其詩七律從同俗其律一韻從同聲其敷陳也華好其稱道也質直于是申公奉以來正君子之光彬彬者矣

考處京華下止謫閉戶豈敢有冀於代而東國諸公獨以詩性情之故于其國乃萬里外聲應求同心之言登諸簡而過以虛聞予胡幸公且行請以再此萌致然非當今環瀛海如比戶而何有于默者待采其一言如是用是胡不敢自距遠忘其愚私載筆以申素願諸公之美見其執而來者皆性情真有不可已於詩而國風俗在之故冥于使臣踐行及夫主客通好問皆與古詩章之義有合以著其今之盛是以并求詩文經注手為之辭而書其首陳據太鷄山人文集補

蹟俱喜服而去謚按詩集有贈朝鮮申翠微尚書請相見長春寺為講大學講易詩一首端木宗譜載申尚書

和詩云羲皇畫後聖人經我得南車見範型可與言詩端木子行將歸里少微星先天觀理海初白高士流芳簡欲青千載相

期心一片山門茶熟已通靈 三月秩滿告養歸過河南留住瑞安洪敘堂

守彝甯陵署中數日過揚州為阮相國留置多日邀遊甘露竹

林招隱諸名勝 相國又囑擇地以為壽穴乃擇定雷塘一處

瀕行相國贈聯有班固屬文傳兩賦虞翻夢易得三爻之句

五月回浙江自吳興抵青田謁祖墓畢至瑞安居家時嘗訓百

祿曰易指之書爾長大當知先代隱澤以業易為家學俾長勿

忘至余研思索微頗費苦心在地爲山長青田正誼書院二年

處州蓮城書院二年爲教官歸安學署十四年官中書浙會館

紫藤精舍

謚按端木宗譜此在北京下斜街國瑚任內閣中書時所居也

七年於易共二十六

年成書四十五卷今剞劂告成余亦且老矣易草本前後若干

東欲瘞之乾乙峯下

謚按青田縣志鶴田易塚在青田縣混元峯下國瑚所著周易指稿葬於此地故名

會稽宗稷辰爲撰塚銘清咸豐甲寅年刊石銘曰黎公傳詩而遠孫鶴田子迺以易名加年十五得其大指蓋久而始有成超

漢唐宋之銓解通天地人之精粹道既明而神遂歸於太清其遺稿一千三百五十三紙命藏於混元峯下良石之堅貞昔蛻

之冢以儲厥文也茲鶴之冢以瘞其經嗚呼此可以蘊養元氣合育羣生歷千百萬億歲無墮無傾後有攷者視此銘 碑陰

有國瑚女悟原書曰易冢銘既刻石於杭亡弟百祿輒搨一紙寄予云將攜石歸豎於混元峯下並取易稿一千三百五十三

頁藏之承先志也乃未及舉行百祿竟短折續經髮逆之變石亦毀棄遺孤庭鏊年在垂髫語之未遽省識若聽其蹉跎恐就

湮沒無以仰答先靈卽亡弟銜憾九原其有既乎因出貲重鈞上石命嗣子葭生親奉外祖易稿詣太鶴山中相混元峯來脈

營冢立石庶宗滌甫侍御不虛此銘而予未亡人竊有念焉者先府君自定兆於湖州仁王山雖有故舊門生爲置田以供祭

掃第自恬赴茗約千里我端木氏子孫能一生再三趨謁難尚
能歲歲清明往來跋涉也哉有易冢在是諒可少抒展墓之情
蓋龍魄歸復有定而魂氣則無乎不之况易稿有先府君手澤
畢生精力盡注於斯來承祭者神必恪思也茲故勒之碑陰願
我兩家後來之秀不徒以為觀美而共思所以保護之自今欽
於世世歸瑞安洪氏長女悟原謹志又有易亭兩楹跨建易冢
之上瑞安孫衣言題聯云 曾祖易廬也 八月赴處州
易師鶴田子太極混元峯 卽爾

游遂昌主吳榕亶孝廉世涵家其邑有含輝洞勝蹟遂題銘其
上以洞門向東改輝為暉時徐鐵孫先生榮令斯邑往來甚契
九月感嗽疾二十日卜疾不吉榕亶遣急足至瑞安來告越二
日辰時終于客寢

宗稷辰太鶴山人文集序 鶴田子少以詞藻稱於時中年放情
歌詠晚乃一意治易以明其心得其
發揮旁通奧衍奇闢已超漢魏說經之文文莫古於是矣然其
偶為論著序記銘傳書牘亦復力追韓柳而躋及之臧篋中舊
稿零散其子百祿集成若干篇余還山時為之訂正又三年復
請序以行世想鶴田子易指成時雖儀真公不求其敘其前刻
詩鈔尚有友朋題贈之辭若古文體尊於詩雖視注經則有間
設至今尚存或亦不過自敘而無藉於評騭惟故鄉文字舊交

已落落如晨星誼親而道合者舍余其誰耶余所以讀其書思其人而不能不爲之歎頌不置也咸豐七年春三月會稽宗稷

辰敘 陳據傳鈔本
太鶴山人文集增

秦瀛太鶴山人詩集序 青田多佳山水余所至者惟石門洞舊

鑿天巖屏中斷天紳下垂隨風曳練蕩漾空際非烟非霧瞥然而下如雷霆之震駭奔崖裂石及其既過則飛流灑雪如玉龍之飲于澗陰陽變幻莫可端倪余喟然嘆曰此天下之奇觀也乃今於子彝之詩遇之子彝生文成之鄉昔爲諸生至杭州余賞其詩時儀徵阮公芸臺方爲學使亦盛稱子彝自是子彝遂以詩名無何舉於鄉數年來余宦遊南北子彝屢困禮部之試久不相聞今年春余在京師而子彝復以試事至報罷既得縣令子彝辭之一日者持其太鶴山館初稿丐余序則子彝十數年之詩悉萃於是子彝性情澄澹而奇逸適與其地之山水相肖而詩之孤峭絕特一如登懸崖攀絕巘聽猿鳥之夜啼而睹銀潢之下墜也石門古稱奧區祇以僻在括蒼游其地者蓋少然世固無不知有石門者子彝貌甚癯而精悍之色常露眉宇其詩激壯之處劇似文成集中作雖伏處隱約嘗爲鉅公所識今之人既皆知有子彝矣欲詩之無傳於世也得乎嘉慶十三年孟冬月無錫秦瀛序 陳據洪刻本太鶴山人詩集增

宗稷辰太鶴先生墓表 太鶴先生者青田端木君也青田故有

父芝巖翁取易乾中孚兩九二之義字之曰鶴田而命其名曰國瑞晚乃自號太鶴山人海內外知者多稱太鶴先生云當仁宗皇帝時真州阮文達公採風東南得君以誇示朝右曰吾得青田一語爲至幸由是名聞天下及戊午書升明年文達佐朱文正公主會試甚望得君卷乃竟下第人以此高之後三十餘年君已官於朝爲內閣舍人文達適自滇黔持節朝京師遇於郊外與君酌酒朱文正墓道猶言疇昔闡中文正以不得鶴爲憾是年癸巳三月文達將陞辭宣宗皇帝留之入闈錄異才三數人君適在選世既奇其遇時上知君深明易理汪文端曹文正曾交薦之其以召相吉地官內書加六品秩皆由特恩至是時論當選擢乃因卷置三甲用縣令仍請回直閣中蕭然如未第益淡世味專力注易易指成俸未滿即求去人以此愈高之君性清介不耐繁劇曾辭縣令至再爲歸安學教諭樂將終身焉自召入直貧甚於教士時雖奏勞山陵不以爲功深悔地理元文之注欲燬其板在京絕不與大家卜地居浙邸紫籐精舍閉門著書談易以外薄酌詠歌無他嗜閣中與山左閣星持山右李漪蘭及稷辰最親自君退而先歿李與閣相繼逝世余爲作內閣三先友傳以哀之君歿後湖州學子附位於峴山蘇公祠鄉士夫請祀於郡邑鄉賢祠爲吏所尼久之始得入奏章到上嗟念其人即俞允蓋聖明知之深而恩尤獨優於身後也雖命之蹇數之奇而三才通六行修生完其性之潔沒終不失其名之高非古所謂無求自得之言子乎受於世者薄則合乎道者多其傳無窮奚疑也言齒與名德皆先余余素尊禮之君亦與予相得匪既沒其子百祿來見就予問學予妻以少女所以

永舊誼也君所著書周易指四十五卷詩集十三卷已行世文集四卷待刊生於乾隆三十八年三月初十日沒於道光十七年九月二十二日是年十月從君遺命葬湖州之仁王山故交門弟子爲置墓田歲時酌薦不絕君元配陳安人筮葉氏林氏子四長大雅次嘉議早殤二百祿爲拔貢生能世學幼百禮女子三歸士族君葬時無內碑故詳及之咸豐三年其姻稷辰始爲表 陳據宗稷辰躬恥堂集增

汪昉仁王山展墓圖序

仁王山距湖州城十數里青田端木鶴田秉鐸歸安時自擇墓地於茲山之麓

先生既沒遺孤叔總扶先生之柩葬焉先生故有德於州之人士老友奚虛白上舍倡捐墓田一區以其入供歲時祭掃之資每春秋佳日虛白溲肴酒邀其里黨向與先生相契者浮舟徑詣墓所奠醑既畢則餞餘於仁王寺歲戊戌予爲人司筆札客歸安因亦得預其會癸卯九月先生之故人徐明府鹿苑自上虞渡江至湖州邀周馨山學博奚上舍戴銅士陳嗜梅兩茂才展先生之墓鹿苑既爲詩祭之又屬叔總補圖於冊首叔總因以圖屬予予固不敢以拙陋辭也憶予始識先生也在道光己丑之夏是年予客烏程縣廨老友奚戴兩君介予謁先生於雪上易堂九月間同游弁山之黃龍洞予中病渴不果登先生所爲詩集中所謂庶慰臥遊人持爲垂堂諺者是也明年予客湯雨生都督許先生被命入都來杭州與雨生言別盤桓者兩日越二年癸巳予以事至都又晤先生於下斜街之古籐精舍嗣後遂音響隔絕不久而先生之訃至矣憶四五年與先生蹤跡

注還者如此至其學問品詣相去不可以道里計而叔總願置
子於父友之側子甚愧不敢當也圖既竣因并記此以誌叔總
謚按端木宗譜太鶴山人墓在湖州仁王山爲今吳興縣地
國湖生前之所定也歿後卽葬於此湖州人爲置墓田歲時酌
薦至今不絕並附祀岷山蘇公祠
見湖州府志此序據端木宗譜增

右太鶴山人年譜一卷青田端木叔總百祿爲其父中書君鶴
田先生國瑚之所作也昔者子貢爲仲尼弟子長其後傳六十
世有名以善明洪武中以縣令累遷至刑部尙書舉二子孝思
孝文嘗皆出使朝鮮並以清節著稱當世朝鮮人立廟祀之曰
雙清廟有云孔門十哲魯論推言語之科溧水二難清節致遠
人之服再二百歲而至鶴田鶴田故深於易朝使申尙書在植
贈鶴田語曰祖德雙清留史冊義經一卷見天心蓋紀實也然
自鶴田上距聖人之徒已七十二世矣當清道光之朝內閣中
書多異人龔自珍定庵以才勝魏源默深以學勝宗稷辰越峴

以文勝吳嵩梁蘭雪以詩勝而鶴田獨以經術勝是時有薇垣
五名士之目今國史以鶴田與定庵同傳有以哉歲辛未余歸
稚城道出禾中一展鶴田墓於仁王山麓是譜得之鶴田曾孫
文斌余卽其家宗譜及太鶴山人文集端木家集而益以他書
所及略爲補輯勒成斯篇凡譜所稱按與補及增者皆余之所
錄也嗚呼明德之後必有達人易始乾坤而終未濟文斌其世
寶之共和紀元二十二年九月後學瑞安陳謚記

This image shows a blank ledger page with 12 vertical columns. On the right side, there is a header section with a small triangular tab at the top and a rectangular box at the bottom. The page is otherwise empty of text or data.

書太鶴山人年譜後

端木小鶴舊次其父子彝舍人年譜一卷同社友陳木厂從其後人得之既復旁涉廣摭補輯別寫爲此帙以視小鶴元作慮周而藻密矣先大父太僕公每論栝郡人物必由舍人及湘巖韓先生以上溯明之誠意伯劉文成公稱青田三異人夫誠意以扞國勳烈兼傳世文章詩古文辭與潛溪華川青邱諸家抗衡爲一代宗主後四五百年至清乾嘉間迺觀滑疑太鶴二集一則恢侷奇肆追武郁離一則激壯雄深嗣音覆瓿而三省循良之聲四世述作之業婉於洪武儒者經綸之盛太僕公石門洞謁誠意祠堂詩有云儒者經綸盛一時又非所謂百慮一致殊涂同歸也哉太僕公書湘巖贈石門僧寶殊序行楷卷後曰此書婉媚娟好似極意效趙王孫者先君子偶觀舍人以廷試卷臨黃庭經小楷墨蹟歎其書法迺古直接晉人系以

詩云柔豪盪楮寫黃庭晉帖唐禪見典型雲黯括蒼仙鶴去更無人賦定香亭光緒青田縣志宦蹟傳稱湘巖工書畫而儒林傳不言舍人兼擅翰墨藉此可概見耳小鶴之爲仁王山展墓圖嘗徵時賢賦詠太僕公二絕云橫目紛紛亦可哀令威城郭隱蒿萊湖州博士風流在猶有詩人上冢來白頰長眉記昔年酒壚容易隔蒼烟湯張姚葉皆黃土何處青山一惘然白頰長眉與秦小峴所謂貌癯而精悍之色常露眉宇者並想見舍人風度而益陽湯海秋鵬建甯張亨父際亮漢軍姚秋士斌桐歸安葉筠潭紹木諸先生皆同時詩流

太鶴集中有題亭甫博陵登眺圖詩於太僕公又嘗爲清侶者也嘉道之際吾瑞前哲之以文字交舍人者自項雁湖方雪齋外有敏齋觀察培厚石笥孝廉從炯二林氏而曹秋槎孝廉應樞爲舍人高足弟子敏齋官翰林時顏其京師寓居曰寄雲客舍人爲撰寄

雲廬記蓋在庚午辛未間石筍蹤跡尤密舍人之在沽在霽在都

每同作客今檢兩家集中頗多酬復之篇如玉甌集題鷗莊消夏

圖舍人教授歸安所居曰鷗莊

太鶴洞天石歌

石得於學署已見本譜石筍此歌前有小引云石如龍劑結成

溫瑩作喻縻色表裏皆花木紋或曰此蘇頌花石之祥也抑少陵豆壠中物耶又小鶴復爲此石補圖徵詩見曹秋槎梅雪堂集

題樸山先生清溪坐隱圖遺照及太鶴集題珠江買醉圖各首似

爲青瑞二邑徵文者所不可廢歟余家所藏漢趙婕妤印繆篆拓

本及晉太康甄硯舍人故物也先君子記其事謂卽爲錢唐何夢

華文學所得此本卽夢華手拓以詒舍人者有舍人手跋頃從舍

人家購得之甄出湖州與馮登府浙江甄錄載鈕氏所藏甄文略

同又端木舊藏尙有漢永建殘甄後歸周伯龍丈瓏晉黃字甄後

歸黃叔鏞丈紹第咸康甄後歸林若川丈向黎永和甄後歸張蔚

文丈蔚並見戴咸弼東甌金石志則一門遺事有關瑞安收藏家

源流者也木厂出示此帙因略舉平日所窺於先著及他書者雜綴數語於其冊尾時余僑居永嘉之九柏園樓掩卷之餘孤亭坐對默誦青山積穀之句益不能不悄然以思焉甲戌八月旣望孫延劍識

年譜

南海吳榮光伯榮手訂

乾隆三十八年癸巳正月初十日寅時生

時我

父資政公

公諱濟運字崇階號和衷溫承悌附注

業儒家

居祖父玉堂公

公諱恒孚字握文號玉堂貢生議敘候選通判承悌注

暨生祖母易太夫人在侍我母梁太夫人

太夫人乾隆戊辰進士福建羅源縣知縣署邵武同知戢菴公諱翰之四女承悌注生余

於佛山大樹堂之西第易太夫人言余生時

大風雨廳房門皆固閉忽風雨交戰重門自開

余適生生時渾身及四肢俱青色一日後肌理

乃復常余三歲後就易太夫人撫育同臥起

者五年族自宋由福建來廣東至從善公

公諱俊文號從善承悌注居新會縣之棠美鄉明崇禎間

始遷祖煦寰公公諱化龍號煦寰林郎福建龍巖縣知縣承悌注

遷佛山再傳敬五公公諱如禘號敬五縣學增生承悌注三傳

在野公公諱振元號在野高伯祖瑋貴國朝康熙年間勅贈文林郎湖

廣黔陽縣知縣承悌注四傳高祖禹田公公諱球字甸山號禹田廣

州府學附生勸授儒曾祖謙谷公公諱維翰

林郎候選州同承悌注

字宗大號謙谷縣學廩生
曾祖妣方太

敕授儒林郎候選州同承悌注
夫人太夫人江南太倉直隸州

祖玉堂公

知州號靜菴女承悌注
祖妣黃太夫人太夫人光祿寺典簿
號溶齋女承悌注

三十九年甲午二歲

是年二妹生

四十年乙未三歲

是年三妹生

四十一年丙申四歲

四十二年丁酉五歲

是年四妹生

四十三年戊戌六歲

是年出痘遺毒未盡聚於右腿腿生腐骨用針
灸法治之幾半歲 梁太夫人多方籲禱至已
亥三月腐骨始出而愈計出腐骨處有疤痕寬
寸許長二三寸深幾五六分 太夫人嘗語人
曰吾兒乃紙鏹灰換來也十一月弟錫光生
資政公取入縣學附生旋補廩膳生

四十四年己亥七歲

四十五年庚子八歲

自己亥七月始能行走 資政公暨 梁太夫

人以病初愈不令上學取千字文及四書指授

識字

四十六年辛丑九歲

正月二十四日上學啟蒙師為六伯父

諱鴻運號漸達

縣學優行廩貢生候選同知議敘候選知府 是年五妹生

四十七年壬寅十歲

自啟蒙後從陳先生

諱益齋處士

授書於八叔父

諱清

運號石舟歲貢生選
廣東開平縣訓導

之敦樸堂同學三人從弟

湛光

監生

用光

增貢生

徽光

嘉慶丙子舉人候補訓導歷署肇慶府陽江縣

訓導

四十八年癸卯十一歲

是年及甲辰仍在敦樸堂從黃先生

諱紹新會縣廩膳生

授書是年六妹生

四十九年甲辰十二歲

是年七妹生

五十年乙巳十三歲

是年在西園家塾從張先生

諱鏞洋處士

授書

五十一年丙午十四歲

從黃先生

諱永芳處士

授書是年

祖父玉堂公見

背彌留時

資政公攜余視疾余先出

玉堂

公語 資政公曰汝此子必能讀書須好爲培

植計余自啟蒙至是五年內五經三傳俱理畢

以是爲 玉堂公所器也自癸卯後四年先後

從黃張黃三先生授書講解而得之庭訓爲多

始作制義偶呈所作 資政公色甚喜親爲削

存蓋 資政公論文首推方靈臯王己山兩先
輩謂聽題神理抉題精奧無過此兩公云是年
應童子試八妹生

五十二年丁未十五歲

從梁植庭先生

諱培遠
附生

學於西園家塾與仲弟

錫光同硯席 資政公得宅傍地以 玉堂公

甫見背不忍卽廓舊宅乃於地內繚以垣名曰

西園謂余曰所謂三年無改於父之道亦謂在
所當改而可以未改者耳後於己酉丁巳等歲

先後建澹和堂等屋仍統名曰西園

五十三年戊申十六歲

讀書西園每夜讀 易太夫人移紡績就之一
燈熒然以漏三下爲度五鼓起月光在戶吟誦
朗然無閒寒暑十年如一日故記誦之學爲多
是歲以前爲詩不欲存稿旋於敗簾檢得并已
酉至丁巳年少作鈔存一卷

五十四年己酉十七歲

讀書西園正月弟彌光生越數月余夢人饋筆

一筐啟視每枝光芒吐花日勿用盡餘以俾汝弟也

五十五年庚戌十八歲

讀書西園是年三月熱疾幾殆 梁太夫人日

夕調護得瘥七月 資政公患瘧疾隨 梁太

夫人多方醫禱晝夜守視至八月始瘳九月元

配羅夫人來歸

新會籍監生我仁翁諱本德六女與余同歲

五十六年辛亥十九歲

從林十洲先生

諱超羣縣學附生

學於六伯父之適園

同學者從弟用光徽光

五十七年壬子二十歲

仍從林先生讀書西園是年子聖基生余應童
子試不售鄉試已近有勸資政公爲余納監
赴科者不允適梁太夫人以八月十七日暴
疾見背幸而未赴鄉闈蓋省垣去吾佛山六十
里舟行風信不常如十六日出闈不得太夫
人病信十七日卽不及返佛山資政公若已
前知俾余於太夫人得視疾視歛也時弟錫

光年十五弟彌光年方四歲 資政公伉儷情
深環顧諸藐黯然神傷余偕錫光朝夕侍奉稍
慰目前耳余長姊以乾隆辛卯生與二三四五
六七八妹及錫光彌光均 太夫人出十一月
羅夫人以過哀咯血數日卒距 太夫人之喪
甫逾百日也

五十八年癸丑二十一歲

復從梁先生讀書西園六月初四日夢人癯而
長雙目炯然自書閣後出授筆一大束開視兩

枝光燄突出成五采照滿一室是年子聖基殤
是年 資政公納側室鄧太安人

五十九年甲寅二十二歲

仍從梁先生讀書西園冬 梁太夫人服闋繼

室伍夫人來歸

南海籍贈候選訓導維嘉翁諱茂猷三女夫人以翁擇壻待字

是秋翁于文會座次識余遂定相攸于歸時年十八

六十年乙卯二十三歲

從區先生

諱兼善肇慶府學廩膳生

讀書西園是年九妹生

嘉慶元年丙辰二十四歲

仍從區先生讀書西園正月夢人授大筆一枝
管上有文福二字二月子尙忠生是年十妹生

二年丁巳二十五歲

從勞榮之先生

諱文晃
附生

讀書西園弟錫光去冬

得癆疾自正月至十月轉劇余移榻同居兩月

錫光爲 資政公鍾愛百方醫禱竟以不救時

院試屆期余不離 資政公左右稟准不應考

矣十月十一日十叔父

諱澤運號蘭畹附貢
生候選布政司經歷過

晤商之 資政公促余以是晚赴省十三日應

考取入南海縣學附生學使爲滿洲蘭巖師諱恭

泰

時官內閣學士嗣余越歲鄉舉再越歲成進

士入翰林嗚呼余小考十餘年至是始一遇然

非吾叔督促戒行則後路功名不可知矣而是

時余以青衿一領得博吾父開顏皆十叔父

督促所致也是年冬奉資政公命受業於粵

秀書院院長德清蔡生甫先生

諱之定官至翰林院侍讀學士

先是先生以庶常丁艱至粵郡守延請閱小考

卷招覆日先生至余前取卷閱視點頭稱賞曰

文雖佳止第二耳郡守以汝家爲鹽總商故上年汝卷余本擬批首亦抑置第二也余思俗例以第二不利於院試亟爲懇請於先生故是年考案出名列第四卽以是冬獲雋文章知己終身不忘迨後余官翰林先生已授編修時相過從凡館閣詩文得之指授者爲多是年弟錫光聘婦陳來奔喪嗣守貞逾三十年由省題得

旨旌表節孝

三年戊午二十六歲

從謝懷谷先生

諱謙甲寅科舉人

在曹姓祠讀書余別

館於古洞自號頑仙宋芝山舉人

葆淳山西人

為作

古洞頑仙圖八月仿漢人官私印六十五方藏

於家是年直省鄉試廣中額廣東加二十名榜

發余取中第八十二名舉人

頭場題目此之謂

下如授及其聞一善言見一善行詩題賦得巨海猶縈帶得縈字五言八韻

主考為

固始吳鑑菴師

諱烜

時官編修涇縣趙肖巖師

諱良

霽

時官內閣中書同考為浮梁汪容川師

諱泚

時

官順德縣知縣榜未發時敬撰著以下遇合得

謙之九三日勞謙君子有終吉榜首爲李汝謙
八十名爲黃勞謙經文殆有神驗後因取此爻
繫辭致恭存位之義名其堂曰致存堂以重筮
仕之始是秋同溫遂之汝遂議
敘通判謁南海神祠登
浴日亭觀日出遂盡拓廟中唐宋碑本藏之遂
之爲順德聞人善草書墨竹每以名臣許我復
以庸臣戒我其行輩長於我真執友畏友也十
一月計偕北上有出山詩編詩始於此是年十
一妹生

四年己未二十七歲

二月杪抵都門寓廣州會館四月初六日會試

榜發

頭場題目是故君子有大道必忠信以得之驕泰以失之曾子曰慎終追遠民德歸

厚矣孟子曰盡其心者知其性也知其性則知天矣詩題賦得鳴鳩拂其羽得鳴字五言八韻

取中貢士第一百三十九名總裁大興相國朱

文正師時官吏部尙書長沙相國劉文恪師時

官左都御史儀徵阮相國師名元時官戶部左侍

郎滿洲芝崖師諱文幹時官內閣學士同考為吳

縣潘相國師名世恩時官翰林院侍讀學士余原

名燎光字殿垣號荷屋中後改今名

殿試第二甲第二十名

賜進士出身越日赴國子監行釋褐禮五月初四日引見奉

旨改翰林院庶吉士遷居龍春巖編修廷槐將軍校場

五條衚衕宅旋遷寓門樓衚衕姚秋農修撰同

年文田對門與同鄉温貧坡洗馬汝适温竹堂

典簿汝遵鄭建亭中書應元季遙評事應翰及

春巖秋農過從吟咏兼講求爾雅文選之學十

一月請假回籍省親取道沙井南旋十二月抵家
資政公諭汝學殖尙淺渥蒙

聖恩忝列詞苑惟有積學礪行仰副

高厚於萬一耳十叔父以余回京供職資斧不易歲爲
量助

五年庚申二十八歲

上年恭遇

高宗純皇帝升祔

覃恩余以庶吉士得請

封典時 資政公以候選教諭不願就封遂請

贈 母復以余本身及妻室應得

封典請

馳贈 祖父母

封 生祖母正七品如例八月赴京供職伍夫人尙忠

隨任十一月抵京寓椿樹二條衚衕途中船窗

多暇手錄爾雅一部

六年辛酉二十九歲

二月遷寓兵馬司後街四月散館余考列三等

第三名改用主事未分部奉

恩旨仍授職編修

題目大禮與天地同節賦以四海之內合敬同愛為韻賦得農乃登麥得

農字五言八韻是年十三妹生

七年壬戌三十歲

四月女仕生

五歲以痘殤

六月余以傷暑病後復感

盛熱內結連服大黃不下幾殆王省厓編修

鼎

為醫治之慶重生至十月始全愈是年謁諸城

相國劉文清公指授書法九月充

武英殿協修官旋補纂修官

八年癸亥三十一歲

二月大考余考列二等第十一名蒙

恩賞大緞一疋

記名升用

題目擬潘岳藉田賦以題爲韻賦得懷德維
寧得寧字五言八韻知人安民論擬漢詔

七月充

國史館協修九月充辦事翰林充撰文余初次撰
文呈掌院南昌相國彭文勤公閱竟謂余曰文
可謂得要矣然詞館之職不專在文章所貴通
達政事歷練時務勿以清貴自居耽於閒逸媿

媿數百言蓋長者之責望甚至不以余爲文字
之徒也尋充庶常館功臣館提調是年女倖生

四歲以痘殤弟恩光生

九年甲子三十二歲

二月三日

上幸翰林院以唐臣張說東壁圖書府五律分韻賦詩
復恐人數爲字數所限

命仿漢柏梁體

上倡首句羣臣以次聯吟凡二百餘韻

賜宴王大臣及由翰林出身科道以上官現任翰林官

於

稽古論思堂演樂三部禮成

命與宴官均得撤領宴席以及其家蓋

特恩也余恭進

週甲同文頌八章

高宗純皇帝以乾隆九年

幸院至是紀年幹支均相符合蒙

恩賞御製詩初集一部九家注杜詩一部仿唐觀象硯

一方絹箋玉版箋各二八絲緞袍褂料各一茶
四瓶霽藍中尊一具是年從大興翁覃溪先生
諱方綱官至鴻臚寺卿重講金石考據之學余
宴鹿鳴瓊林加二品銜以

京察一等奉

旨加一級尋保送御史時滿洲相國煦齋先生諱英和及

大興朱文正師掌院文正師以余大考前列

記名候升開坊最易不欲保送而滿掌院以辦事翰林
較有勞績自應儘保爲言互訪於余余謂惟聽

公定且長安居大不易亦欲博頭銜一轉回籍
養親兩公乃與保而文正師以余小就終不愜
意八月充順天鄉試同考官得士朱希良等十
三人副榜二人九月子尙志生十一月奉
旨記名以御史用是年十叔父卒得訃爲位哭之
十年乙丑三十三歲

三月補授江南道監察御史五月以粵鹽由海
運而來多被海盜搶掠奏請募丁防護出海鹽
船兼資緝盜得

旨交兩廣總督議行八月以粵洋匪船入擾內河鄉村
多被焚掠奏請

敕督撫趕緊查辦是年十四妹生

十一年丙寅三十四歲

正月奏請暫緩天津

巡幸奉

上諭以道路傳聞之言形之奏牘蹈明季惡習原摺擲
還二月稽察通州中倉三月轉掌江南道監察
御史通州北河官撥船朽爛地方官未能修賠

拏僱民船協濟且令守候多時追呼病民據實

奏請

敕倉場侍郎直隸總督查辦奉

旨特派吏部侍郎瑚公

瑚素通阿

等會同直隸總督裘

公

行簡

先後查勘分別叅劾賠造書役等治罪

並定協濟民船數目七月三女生

五歲以痘殤

是年

公餘與家美存

其彥

史望之

致儼

家春麓

廣枚

陸心蘭

言

宋芷灣

湘

汪筆山

加淵

同年為詩文

會余得詩若干首後為及門周太守壽椿黃太

守安濤編集爲筠清館試帖詩存是年弟綬光
生

十二年丁卯三十五歲

三月巡視中城時米價頗昂奉

旨發倉米十萬石分五城平糶余分中城議定廠分三
院兩院爲男廠一院爲女廠依次領籤毋得攙
越嚴查浮多尅扣等弊每院搭涼篷并設甜水
十缸及給病者丸藥監糶大臣王公懿修謂余
辦理尙協往往爲人道之五月事竣六月十一

日奉

命充浙江鄉試副考官正考官爲禮部侍郎萬公承風

得士陳傳均等九十四人副榜十八人後接

資政公訓諭以余衡校大省心跡可信無他惟
勿執偏見勿惜勞苦總以得人事

君爲重時潘吳縣相國師以少宰任浙江學政錄考送
場凡學試高等及新生取中者四十餘人闈後
循故事率領新舉人謁太老師師謂科名盛事
是科乾隆丁卯舉人錢塘梁山舟先生重宴鹿

鳴

諱同書時以翰林院侍講學士在籍

時正考官已放江蘇學政

余以九月十六日啟行回京途中遊虎邱金山

登江天寺妙高臺空碧亭慈壽塔諸勝飲中泠

泉寺僧出

仁廟所賜菩提冠及坡公玉帶帶有

純廟御題敬謹拜觀泊焦山觀瘞鶴銘石

石已為後人開洗另有翻

刻

周鼎及明楊忠烈公札卷為一留題歷覽竹

樓四面佛塔而返抵無錫遊惠泉歷聽松閣秋

雨堂竹壚山房恭瞻

純廟御筆補竹壚山房圖及 皇六子瑤華道人董富

陽相國補圖明王孟端畫卷遊秦圖觀介如石

道出泰安登泰山宿 孔子堂東廡翊日三

鼓登養雲亭觀日出題名於唐開元磨崖碑側

十月抵京具摺復

命

上問出身履歷及水路情形回空漕船若干沿途各省

年成及雄縣有積水便行路否謹一一據實奏

對而出仍接巡視中城之任

十三年戊辰三十六歲

六月兼署工科掌印給事中八月充

恩科順天鄉試內簾監試官九月奉

命巡視天津漕務十月女憲生題掌河南道監察御史

兼署掌湖廣雲南道御史是年十五妹生

十四年己巳三十七歲

正月具摺請

訓

諭以盡心催趲嚴剔漕弊幾及百言二十四日抵天津

巡漕任嚴禁糧船回空岸商攬買私鹽峻却賄
賂至有送至余京寓者伍夫人命家丁斥却之
又裁投文幫費奏明每日至督漕亭當堂投文
驗封幫船不准運弁到署以防諸弊又奏幫船
二進跟接前進糧艘雲集恐有姦丁沿途盜賣
米石等弊奉

硃批嚴拏究治又奏南糧抵通停泊未起卸之先每幫
有驗費及米石攬灰使水等弊得

旨通飭嚴查續查出使水漲米數人置法是秋余以稽

察中倉失察革職由天津回京閉門謝客京寓
八口蕭然有卒歲憂將歷年所收書畫易米書
篋爲之一空至有揮涕出之者噫癡矣十月奉
資政公諭以余查倉任內漫無覺察上負

天恩現在年力正壯例准捐復捐復後可告假省親余
向戚友貸湊得以御史對品捐復員外郎遷居
下斜街小屋時阮儀徵師以浙江巡撫改編修
寓居相近日夕過從指授經義又常與翁覃溪
先生講論書畫及考據之學暇則塗抹山水以

遣意十一月恭逢

仁宗睿皇帝五旬萬壽恭進九體詩文冊蒙

恩賜大荷包一對小荷包四個五絲緞一疋余少時好
爲六朝駢四儷六之文自罷閒後從覃溪先生
儀徵師講學始知究心經義是年六伯父卒冬
得訃爲位哭之

十五年庚午三十八歲

五月引

見以員外郎用是月出都南歸省親家屬留京寓六月

過邦江至吳門訪宋芝山孝廉鮑東方陸謹庭

孝廉縱觀書畫以唐人書七寶轉輪王經及宋

拓夏承碑啟法寺碑為劇蹟舟泊嘉善黃庶常

安濤諸子館我於瓶山堂宋時權酒處積瓶成山山上有寺余得宋

瓶一枚攜歸後失去越日拜梅花道人元人吳仲圭墓至

杭州方孝廉懋嗣諸子留過夏遂館於西湖之

可莊得覽湖山諸勝周新之先生諱新前明按察使南海人

為杭州府城隍神見浙江省誌廟在吳山乃具衣冠

拜之嗣余任按察使時手書列傳嵌置廟壁每日與石琢堂廉訪

韞玉

陳夢華太守

庭桂

及浙中諸子歷覽天竺

理安寺九溪十八澗之勝至七月各贈行囊買
舟南旋九月抵家見 資政公 易太夫人康
健如昔是年十二月爲 資政公六十壽辰謹
率諸弟妹向 易太夫人 資政公稱觴屢日
資政公諭汝少年登第蒙

聖恩入翰林遷御史尙能勉供職守且年力正強勿甘
廢棄明春當北上供職家中不可久戀也是年
十六妹生

十六年辛未三十九歲

二月拜辭 資政公北行三月回京借陳伯恭

宗丞

崇本

所藏宋人重刻定武蘭亭手摹入石

十七年壬申四十歲

二月補授刑部員外郎阮儀徵相國師曰刑部出入所關甚鉅勿云幸矣潘吳縣相國師曰刑部愈精愈刻一從刻則犯法者多矣余守兩師之言在部七年凡遇現審及秋錄務平心定讞雖笞杖之罪亦不敢苛求凜凜慄慄以至於今

也是月到刑部江西司任旋主稿充秋審處總辦五月派出隨

扈木蘭七月抵木蘭由部奏明同滿員外郎惠君

惠吉

與余駐熱河訊案不進哨是年始稱石雲山人十八年癸酉四十一歲

九月赴熱河

行在辦理秋審

勾到回京審辦逆賊林清入犯

禁城一案恭伺

廷訊余以承審此案蒙

恩賞大緞縐綢各一端是案犯供牽連行查外省至有

姓名音聲相近悞拏者前後共九百餘名隨到

隨訊延至五年派審者十人或以遷擢或以事

故而去惟余與郎中程君祖洛主事戴君宗沅

始終其事除擬罪外無辜拖累省釋有差是年

弟垂光生十二月爲子尙忠娶婦鄧氏南海鄧鑒堂觀

察諱士
憲女

十九年甲戌四十二歲

四月隨同刑部侍郎成公

成格

彭公

希濂

前往

山西大同府審辦馬兵控訐總兵尅扣馬乾挑
缺不公徇庇屬弁挾娼等款一案九月與同人
赴香山恭伺秋審

勾到

二十年乙亥四十三歲

正月孫高禧生尙忠婦鄧氏出高禧於 易太

夫人爲五世向例壽民壽婦五世同堂由本籍

題請

旌表余請於部入奏得

旨允准旌其門曰昇平應瑞三月充律例館提調平反

江西人朱東升以財圖買周仁書等祖墳地一

案九月赴熱河

行在恭伺秋審

勾到是月孫高禧病殤是年弟燦光生

二十一年丙子四十四歲

京察余列一等奉

旨記名以道府用升安徽司郎中八月孫女儀貞生尙

忠婦鄧氏出後適南海麥文錦

道銜名應元之子

九月

補充軍機處章京時

上由熱河進哨余往張三營接直隨

扈是年二伯父卒得訃為位哭之

諱昇運貢生浙江餘姚縣縣丞

從弟

徽光本省鄉試取中第三十二名舉人

二十二年丁丑四十五歲

三月隨

扈

東陵駐盤山歷覽天成萬松之勝登盤山絕頂雲罩寺

是年從弟徽光入都春試是年十七妹生

二十三年戊寅四十六歲

五月郎中俸滿吏部行查截取知府余以在御史任內俸滿曾經呈明不勝外任得免截取改刑部員外郎後

京察一等係封門考察無從辭避今再遇截取應將前案呈明可否註銷

記名道府之處由軍機大臣奏奉

諭旨仍記名以道府用七月隨

扈盛京得恭瞻

列聖開國規模山川形勢沿途歷覽翠雲屏及澄海樓

之勝蒙

恩賞馬二匹及鹿肉豬隻月餅時果海味有差承審叩
闕民人劉光先及假差訛索之王三等十案十月二十
一日補授陝西陝安兵備道越日請

訓蒙

垂詢出身履歷

諭以所轄終南山老林賊匪較多當認真查拏外道亦

管詞訟汝曾官刑部律例自是熟悉當平心聽斷無縱無枉而其最要者在察吏安民如地方官有貪酷不職者實揭督撫立予叅撤則吏知所畏而民自安矣十一月出京到陝西陝安道任

二十四年己卯四十七歲

二月伍夫人攜尙忠尙志等隨任二月巡查山河堰水利余捐廉倡率修築計灌田四萬九千八百畝有奇四月署陝西按察使陝省止知開

棺見屍律余因辦史姓挖墳鑿棺竊財物一案
照刑律盜發屍棺鑿孔鋸縫屍未暴露擬軍之
條減罪並通飭各屬六月卸臬司事檄查略陽
留壩鳳縣水災並辦賑卹八月回省充本科鄉
試內監試事竣回本任十月查保甲並查南山
老林是年恭遇

覃恩貤贈 祖父母

封 生祖母

封 父

贈 母正四品如例是年弟純光生

八歲殤

二十五年庚辰四十八歲

正月巡閱興安府錄秋審人犯

漢中興安兩府秋審向由道覆

提

順道查勘兩府所屬險要及城固洋縣堰工

此行拓得唐公房碑並陰五月復署按察使八

月奉部文驚聞

仁宗睿皇帝龍馭上賓當隨巡撫恭設公所朝夕哭臨

是月回本任余在陝安道任內嚴拏盜竊及訟

師蠹役審結共一百八十五案任滿日紳民製

萬民袍繖等送行余以

功令不准嚴却之是年三月有雙芝苗於道署西

院光芒五色高約七寸大約五六寸倡捐

萬壽宮於漢中府城八月工竣

道光元年辛巳四十九歲

正月奉

旨調補福建鹽法道交卸啟程伍夫人留漢中爲子

尙志娶婦嚴氏

淑浦樂園廉訪諱如煜女

二月途次岐山得

生祖母易太夫人之訃哀痛迫切在行館成

服設奠余自辛未赴京遠離 祖慈十有一年
今已不可復見矣嗚呼痛哉四月抵任嚴禁鹽
務浮費等弊勸捐添建省城書院捐廉爲之倡
工竣名曰鳳池書院並籌經費捐置佩文韻府
及五經大全周禮爾雅

武英殿聚珍版各種共六十部以爲士林講習討
論越歲余調浙江臬使院長及生童欲塑余像
留院供奉却之不可出所畫小照與之後晤聞
浙總督常德趙文恪公言及此事公喜甚續倡

捐經費奏蒙

恩賜御書正學明道匾額又越歲歸省爲 資政公
述及謂可惜規模尙小他日再至閩省可記吾
言迨丙戌余任藩使籌捐增其式廓又捐置全
唐文一千卷伍夫人攜尙忠尙志等隨任七月
尙志婦嚴氏卒八月兼署按察使充

恩科文武闈外監試九月再兼署按察使平反建陽
署令押斃殷戶連斗盛捏報伊子連才佬謀毒
父命一案後調任浙江道經建陽父老焚香送

者幾千人余爲灑涕而行十二月奉

旨補授福建按察使是年再恭遇

覃恩貤贈 祖父母 生祖母

封 父

贈 母暨

授本身

贈元配

封繼配正四品如例是年從弟熙光隨任

二年壬午五十歲

正月迎摺北上時

上謁

昌陵

召見於半壁店

行宮

聖訓周詳兼及懲辦貪污肅清械鬪等事陞遷調補
與藩司公商汝年力正強當能辦事余奏懇以

臣渥受

先帝知遇乞泥首

橋山稍申哀戀

諭往叩謁後卽南行不必前來迎

駕越日至

昌陵西宮門外九叩盡哀而出四月抵任五月命子尙

志歸省 資政公并應鄉試榜後令尙志稟奉

資政公就養而 資政公以性耽恬淡不樂

跋涉而止八月奉

旨調補浙江按察使啟行時紳士父老送者約五百

人十月抵任兼署布政使伍夫人攜尙忠等隨

任十一月尙志由粵返浙臬署杭城多火患余

嚴拏搶火並辦積匪地棍窩賭十數案是科從

弟林光順天鄉試取中第六十二名舉人十叔父第

七再兼署布政使是年孫女順貞生尙忠婦鄧

氏出後適南海張上功棠村太守同年諱業南之孫知縣名宗裕之子

十八妹生十一月庶母鄧太安人卒是年恭遇

聖恩賜贈 曾祖父母

贈 祖父母 生祖母

封 父

贈 母正三品如例

三年癸未五十一歲

四月九叔父

名樹運號若霖候補
兩浙鹽運司經歷

至浙江候補

九月奉

旨調補湖北按察使留署浙江布政使杭州嘉興湖

州紹興嚴州五府被水成災余請撥鹽課銀二

十萬兩倡捐銀一千兩勸捐官商共銀一十七

萬三千四百兩有奇紳士捐錢二十萬九千二

百八十餘千紳商共捐米四萬一千餘石辦賑

飭按戶按數每處開列清楚貼榜曉示巡撫帥

公承瀛親臨各處抽查余以十月遍歷五府確

查焚香頂拜之民遍於道路十一月奉

旨補授貴州布政使是年資政公納側室伍太孺

人爲子尙志續娶婦陳氏元和厚甫觀察同年諱鍾麟之女尙

志先受業於厚甫觀察之門至是留居甥館讀

書十二月余北行入

覲士民送者約四百人

四年甲申五十二歲

二月到京蒙

召見二次

垂詢途次雨雪年成並及辦賑事件

諭立賢無方隨才器使陞遷調補必須公明勤慎爲
國得人甚爲詳備四月抵任訪獲貴筑積匪
朱兆妹聚夥搶劫一案伍夫人攜尙忠隨至藩
署余捐廉重刻

武英殿影摹宋岳珂相臺五經散布鬻序俾究心

古義板存藩署閏七月巡撫程公國仁以疾請

假余護理巡撫事黔省土瘠民貧乾隆年間遵義府陳劉兩守先後教民種橡育蠶作繭織土綢以市民賴以饒一歲兩熟卽古所云野蠶成繭也橡櫟斗之子俗名青桐林密而平黔省十三府處處有之學使程春海學士按部還爲余言余謂橡可蠶可繭可綢橡老可作薪炭所謂青桐炭也惜各屬未傳其法乃捐廉銀五百兩合司道共捐銀二千兩有奇收櫟斗募遵義種蠶人分布各郡以種以養並面授署布政使宋

君如林作檄委員分赴上下游勸民種育檄刻賀耦

耕中丞長齡經世文編內閱一年行之有效及余撫湖南有

自黔來者詢之則云土綱日多十三府並享其利矣八月奏報秋成分數奉

硃批覽奏欣悅十一月校閱全省營伍分別懲賞有差

五年乙酉五十三歲

二月回本任黃平鎮遠施秉三州縣被灘水陡發冲坍民房城堤衙署甚多淹濕倉穀漂溺民

船籌款委員撫卹並被水兵丁酌借銀兩籌款
添建貢院號舍四百餘間是年弟恩光卒九月
護理巡撫奉

恩賞平定教匪紀畧一部

恩賞香囊紫金錠等件十月監臨主考貴州武闈鄉

試會同湖南巡撫嵩公

嵩溥

委員收繳銅仁等

處紅苗軍械銷燬接家信聞

資政公偶病腹

瀉請於巡撫照京官告假省親例請開缺除去
往返程途給假四月入奏余於護撫謝摺內復

申前情嗣奉

恩旨允准給假並軍機大臣傳

諭新任布政使富公

富呢揚阿

接護撫篆余交卸啟

程士民送者千有餘人先令伍夫人子尙忠等

回粵東十二月抵家 資政公感激

天恩歡慰之下遂占勿藥是年孫女敬貞生尙忠婦

鄧氏出後許字東莞陳嗣容

知州名玉成之子

六年丙戌五十四歲

元旦偕諸弟率婦子人等獻歲 資政公相顧

喜樂逾於尋常既而諸妹先後歸省感離話舊

歷敘

天恩所逮官履所經以歷年廉俸所積遍遺親屬以博老人一笑蓋出仕三十餘年以後無此愉快也二月奉觴稱祝六月假滿旋都途中感暑濕力疾而行至戊子始大愈八月抵京蒙

召見

垂詢臣父病愈近狀出身仕否年幾若何又問山東直隸年成謹一一據實奏對越日奉

旨補授福建布政使

召見二次

訓誨周詳

諭以汝年力富強歷官俱好是以一經銷假卽放此

缺福建得汝一好藩司亦可放心隨卽

陛辭

時從弟林光春聞留京聚晤數日

赴閩路出杭州子尙志及婦

陳氏居甥館讀書十月抵閩藩任查閩省借墊

各款清釐一千九百餘案司庫存款七百五十

三案至道光七年核結四百四十八案部查案

及州縣交代新舊至六百餘案弟松光生孫女

慶官生尙志婦陳氏出後許字蕭山湯學治敦甫

協揆同年名金釗之子

孫郎中名寬之子

七年丁亥五十五歲

舉律例所未載而有關風俗人心者八條遍示

曉諭勸捐修建貢院費銀一十四萬三千餘兩

計廓充及增建號舍共用銀一十萬四千餘兩

以其餘資續修省誌修莆田縣木蘭坡坡截水之流分

作南北洋田畝灌溉歲久坡坳共籌捐制錢一十四萬一千六

百千有奇計南洋漑田二十二萬五千八百四十六畝北洋漑田八萬九千九百五十畝以臺灣平靖詳奏添中臺灣粵籍舉人一名添設臺奉彰嘉四屬學額各二名部議准行定救火章程以閩中水龍甚小籌藩庫閒款銀一千兩往廣東購買三架貯府縣署內是年伍夫人攜尙忠由粵到閩尙志由浙到閩先後隨任從弟琛光候選兵馬司指揮璧光候選縣丞十叔亦來署聚晤

八年戊子五十六歲

三月女熹適候選詹事府主簿葉應祺

南海人後官山

西蒲州府同知

遵酌增常例為子尙忠報捐通判令其

歸省 資政公子尙志報捐主事赴京兆試六

月接家報痛悉 資政公以五月十七日見背

余於丙戌年六月叩違遂成永訣嗚呼痛哉猝

遭大故痛哭欲絕奔喪就道壻葉應祺女熹隨

行是年五月弟盈光生七月余抵家躡踊憑棺

跪讀 資政公盡心報

國母忘訓諭遺囑九月與弟彌光同張教授冕擇地十二月得吉兆於白雲山之龍公塘是年孫女友弟生尙忠妾黃氏出是年恭遇

覃恩貶贈 曾祖父母

贈 祖父母 生祖母 父母從二品如例

九年己丑五十七歲

六月奉 資政公 梁太夫人合葬於龍塘阡
恭立

誥命及墓碑以阡西北草棚爲墓廬居焉暇則恭述

大清會典通禮爲吾學錄初編逮服闋後任湖南巡撫延寧鄉舉人黃本驥及門陳郎中傳均編次爲二十四卷弟彌光校刻藏於家編資政公文集二卷詩集一卷建家廟置廟產報官存案勒石遵

禁令一切易犯之條簡明開列以戒後人附刻家廟章程中南方卑濕建廟後建

賜書樓以藏

賜本是年子尙忠分發江蘇試用嗣咨部候補歷署

太倉直隸州泰州蘇州同知常州通判等缺子
尙志分發工部行走嗣奏留候補補屯田司幫
辦主稿料估所主稿兼司務廳事

十年庚寅五十八歲

遵 資政公遺囑五月奉 易太夫人葬於花
縣之正隆岡以余前室羅夫人祔葬於右又遵
遺命贍族人之孤寡大丁年五十以上月給
米三斗小丁四歲至十五歲月給米一斗五升
旣祥選刻諸弟古今體詩得十四人名曰吹簫

詩略鄉中賭匪房舍入官之產余請於督撫撥

為田心書院獎賞經費總督李公鴻賓又捐閒

款銀一千兩以充之書院余少時會文之所為

僑寓佛山諸大姓公建余倡率重修而廓大之

并修佛山鄉誌以家藏唐宋墨蹟及古拓善本

入石摹刻為筠清館法帖藏於家是年孫女招

弟生尙忠妾黃氏出後許字順德龍兆葵郎中名致

初之子九月服闋辭墓十月赴京道出江蘇至子

尙忠寓所盤桓數日

十一年辛卯五十九歲

正月抵京蒙

召見

垂詢從前省親及丁憂服闋甚詳又

問廣東年歲及所經地方謹一一陳奏寓子尙志下

斜街寓所

時從弟琛光候選在京聚晤數日

二月奉

旨補授湖南布政使

召見

垂詢歷任省分

訓誨周詳謂政事必本于經術至數十言卽

陛辭赴任四月抵任嚴禁溺女以故殺子孫律出示
剴切曉諭廣勸設局收養行之有效民間至有
將示稿翻刻至再者六月武陵龍陽沅江澧州
安鄉華容等州縣水災辦賑撫卹余親至龍陽
等處查賑共報銷銀四萬七千六百餘兩穀一
萬四千八十石又訪拏乘災糾搶匪徒數十名
紳民捐賑共銀九萬三百餘兩并借給被水兵
丁一月口糧九月奉

旨補授湖南巡撫抵任吏部奏准兼兵部侍郎右副
都御史監臨主考武闈鄉試十一月奏請豁免
武陵縣胭脂夾鴨子洲安鄉縣大溶被水蘆地
未完草課銀四千八百六十七兩零其已涸出
蘆地五千二百一十二畝獲利甚微請以五釐
起徵奉

旨下部議行查明武陵等五縣撫卹口糧及房產修
費除捐辦外共用帑銀二萬七千六十二兩零
倉穀一萬四千八十石零放竣并勘明武陵等

縣及益陽等共八州縣文子上大等各村障及官民垸屯田成災分數及武陵文子等圍障冲潰處所奏請本年地丁正耗分別蠲緩帶徵者按年展緩工段官民各半捐修各災戶隆冬加給一月口糧奉

上諭着照所請加恩附奏知縣盧爾秋於被水時僱船拯救五千七百餘人捐賑辦災盡心民事得旨盧爾秋着加同知銜又奏常德澧州被水兵丁酌借口糧奉

上諭着照所請以示體卹是年伍夫人攜壻葉應祺
女憲隨任孫女湖官生尙志婦陳氏出二歲以痘殤
十二年壬辰六十歲

正月江華搖匪趙金隴聚眾劫掠鎮將府縣帶

兵前往余咨湖廣總督盧公坤湖南提督海公

海陵阿

并檄委員將帶兵會辦余簡閱省標官

兵四百名帶同道員副將迅往督辦駐軍永州

府搖匪因糾約廣東排搖未齊蠢聚旬餘不敢

復出又以永州九疑山界連楚粵爲搖人巢穴

恐賊奔竄糾聚檄嵩副將嵩齡陳同知同治王
知州景章分帶弁兵鄉勇五百名前往隘口相
機防堵二月海公及馬副將韜輕進失事

上命總督盧公帶兵督辦余回省城彈壓督同布政

使恩君 恩特亨額 辦理糧餉軍火器械奉到

恩賞福字及麀鹿肉回省路出衡山恭謁 南嶽默

禱銷兵四月新任提督羅公 思舉 因賊匪聚於

羊泉分布官兵四面圍勦全行殲獲殺斃首賊

軍務告竣五月

欽差尙書宗室禧公

禧恩

將軍瑚公

瑚松額

查辦事

件

時軍務告竣
辦善後事宜

查獲會匪分別懲辦八月監臨

文闡鄉試蒙

恩賞平定回疆勦擒逆裔方畧一部九月奉

旨兼署湖廣總督余自辛卯升任兩次奏請

陛見茲奉寄信

諭湖南猺境甫經底定防堵官兵分別撤留軍需銷

算核實題報均關緊要必一手經理方臻妥協

本年無庸來京監臨主考武闡鄉試會奏平猺

善後事宜奉

旨依議平糶案正銷續銷軍需銀四十五萬五千一百四十兩有奇外銷軍需銀一十二萬四百八十兩有奇倉穀一十四萬九千七百石有奇計調湖北貴州及湖南營兵九千一百餘名遵

旨核裁文職閒員分別兼管擬裁奉

上諭着照所議辦理奏言據湖北臬司稟報河南唐縣等處捻匪劉二翠等滋事湖北會辦逃竄隨州搶劫黎漢觀銀物之陳尖子等八名是否劉

二翠夥黨咨飭楚豫文武查辦奉

諭旨嚴飭查拏切勿養癰貽患以荆江水發湖河漲壅查明安鄉等七州縣濱湖之尹家溪等官民垸屯田成災分數奏請本年地丁正耗分別蠲緩帶徵者按年展緩嗣奉

上諭着照所請加恩奏請將江華縣之錦田所土城廓廣移永州府同知駐劄改爲江藍理徭督捕同知形勢順而呼應亦靈又改永州府通判爲永桂理徭通判稽察較易作爲外題邊缺又永

州遊擊移駐錦田設防兵四百名酌裁通省馬
四百十匹以馬乾支給增兵月餉并添設軍械
又募土兵五十名在差費餘息項下籌給口糧
公費又衡永郴桂道請加兵備官銜都司以下
聽其節制奉

旨下部議行又奏平糶案內藍山等六州縣被難民
糶二萬五千五百餘名被燬房屋六千六百餘
間均照水災例撫卹又收繳糶寨及鄉勇鎗械
三千七十餘件奏言寶慶府屬之桃花坪爲武

岡城步新寧三州縣水陸必經之地山重水複最易藏痞棍爲害商旅現查痞首等六十名委員查辦請將寶慶府通判移駐桃花坪就近撫馭稽查奉

旨該部議奏尋由部議准行弟彌光垂光姪尙懋來

湘挑燈話舊論文賦詩每至夜分不輟卸兼署

總督任八叔父卒

八十有一歲

得訃時從弟熙光

卽用

從九品

隨任在署設位哭之令熙光星奔回里是

年孫福同生尙志婦陳氏出

尋以痘殤

孫女宜弟生

尙忠妾黃氏出

十三年癸巳六十一歲

正月奉到

恩賞福字及麀鹿肉二月子尙忠以江蘇候補通判
辦賑出力奏准以本班儘先補用三月設立湘
水校經堂課嶽麓城南兩書院生監得經義精
通者訓導賀桂齡生員凌玉垣丁敘忠謝光煦
曹光照賀穀鄭敦謹黃兆麟等奏五六月荆江
洞庭盛漲安鄉等七州縣並岳州衛沙灘口等

村障田畝已未成災分數應徵地丁正耗請分別蠲緩帶徵者展緩安鄉華容二縣災區酌給口糧並給房屋修費奉

上諭加恩着照所請謄黃曉諭務期實惠及民又奏被水歉收之湖北荊州荊左荊右沔陽湖南岳州等五衛本年應扣造船及剝價銀兩請緩坐扣以後遞展一年扣解奉

上諭加恩着照所請謄黃曉諭是年從弟林光會試取中貢士第一百九十八名

殿試三甲第五十八名

賜同進士出身分發江西以知縣卽用嗣補鉛山縣
知縣十一月奏報通省雪澤普渥奉

硃批欣慰覽之

十四年甲午六十二歲

正月奉到

恩賞福字及麀鹿肉六月

欽差侍郎賽公

賽尙阿

查辦事件八月監臨文闈鄉

試得家信知弟彌光廣東鄉試取中第三十七

名舉人十月監臨主考武闈鄉試奏安鄉等八
州縣并岳州衛屈家塢等村障蘆田己未成災
分數分別蠲緩展緩并請先給一月口糧及房
屋修費其安鄉華容益陽於隆冬加賑奉

上諭加恩着照所請謄黃曉諭務期實惠及民又奏
七月間永綏廳五六等里田被蟲傷請緩租穀
奉

上諭加恩着照所請謄黃曉諭務期實惠及民是月
將巡撫印務交藩司惠君惠豐護理起程北上

十一月抵京蒙

召見六次

垂詢歷年地方情形屬員優劣並蒙

訓諭用人行政下及家世子尙忠尙志官履謹據實
奏對十二月蒙

恩賞福字及麇鹿肉子尙忠在江蘇署柘林通判任
內以催工催捐出力奏准以通判遇缺卽補十
二月初三日

陛辭回至子尙志賈家衎衎寓所料理啟程是年孫

雙福生尙忠妾黃氏出以本年兩奉

恩賞福字故名是年恭遇

覃恩貤贈 曾祖父母

贈 祖父母 生祖母 父母正二品如例

十五年乙未六十三歲

正月回任三月余以廣東被水紳民捐賑議敘
加一級從弟候選兵馬司指揮琛光胞姪候選
府經歷尙德壻候選同知葉應祺均因捐賑議
敘卽選八月監臨文闈鄉試奉

恩賞平定回疆全圖十幅查本年被旱及被水華容等十一州縣林家官民村障屯田已未成災分數先後奏請分別加給口糧并本年丁耗蠲緩遞緩又乾州等五廳縣屯田被旱被雹緩徵奉上諭加恩着照所請謄黃曉諭務期實惠及民常德府城濱湖年久傾壞余倡捐養廉勸捐共修城樓六礮臺七城垛等用錢五萬六百餘千全行修竣十月監臨主考武闈鄉試奏將永州府分貯銀八千兩內撥二千兩交錦田所江藍同知

一千兩交楊家鋪永桂通判各衙門收貯以備
犒疆緩急之需奉

上諭着照所請該部知道弟彌光會試報罷十一月
偕姪尙德尙懋至署是月

欽差尙書恩公

恩銘

侍郎趙公

盛奎

查辦事件是年

孫女連弟生尙忠妾陳氏出

十六年丙申六十四歲

正月奉到

恩賞福字及麇鹿肉旋奉

旨以余上年年終密考學政自佔地步降四品京堂
來京候補是月武岡州逆匪藍正樽滋事攻撲
州城時新任巡撫暨布政使均未到余帶弁兵
赴寶慶府駐軍檄派署臬使及員將分布堵截
勦捕並咨總兵各路應援又據辰沅道稟鎮筸
兵勇滋事余咨鎮檄道將嚴辦二月杪總督訥
公訥爾經額至寶慶余將巡撫印交其兼署卽
回省城令伍夫人偕弟彌光女熹姪尙德尙懋
回粵三月奉

旨會同訥公查辦武岡鎮軍兩案四月武岡撤兵歸

伍余奉

旨回京候補六月抵京恭請

聖安回至子尙志賈家衢衢寓所時與同年史望之

尙書致儼白小山尙書鎔毛伯雨副憲式郇湯

敦甫協揆金釗及蔣丹林副憲祥墀卓海帆秉

恬雋藻祁淳甫錫恩陳荔峯嵩慶侍郎

徐星伯儀部松徐廉峯編修寶善蔡友石奉常

世松家子苾編修式芬爲文酒書畫之會時座

師儀徵相國房師吳縣相國皆在

朝殊爲慶慰程春海司農

恩澤

自甲申定交與余

最洽氣誼相投余通籍三十八年師友之樂外

官十七年所未有也是年恭遇

覃恩誥授本身

贈元配

封繼配正二品如例姪尙德選授江南江寧府經歷

是年孫女承弟生尙忠妾陳氏出

十七年丁酉六十五歲

三月奉

旨補授福建布政使時

上謁明陵

召見於工部廠蒙

諭汝在湖南辦事甚好尙無大錯且年力强健是以
仍用汝藩使

垂詢年紀及歷任所至并

諭海疆要缺錢糧倉庫吏治民風必須加倍整頓卽

令赴任當卽

陛辭回寓旋赴閩路出江蘇至子尙忠寓所六月抵
任十一月弟彌光隨伍夫人及女憲到署壻葉
應祺亦隨至十二月弟彌光啟程赴禮部試考
課鰲峯鳳池兩書院制義試帖外課十三經經
義古詩文命之曰七閩經義得舉人劉端林昌
彝等六十餘人歸田後併湖南湘水校經堂課
卷集存若干卷名曰閩湘經義是年孫女順官
生尙志妾張氏出

六歲以痘殤

十八年戊戌六十六歲

訪得淫祀邪術示禁並飭各屬禁止查辦先是
大興朱文正公師官福建糧道時拆毀胡田寶
像及禁牛頭愿咒詛示稿久失余訪得之書院
院長魏編修敬中手又訪出蝴蝶母尼菴兩條
密札查獲分別辦理總督鍾公鍾祥以爲事關
風化於民俗大有關係必須奏明立案以免日
後復踵故習巡撫魏公元烺謂援法律以挽頹
風而又不究已往毫無擾累斯爲至善惟日久
玩生恐復蹈前轍應泐碑於市以垂久遠嗣泐

碑於肅政坊奏入奉

旨褒嘉有留心整頓不愧簡任之

諭清釐各屬交代案一百七十餘案是年孫平福生

尙忠妾黃氏出孫女怡弟生尙忠妾陳氏出

殤

三歲

十九年己亥六十七歲

先是省中於十四年官民捐立義倉至是籌建

新廩十三座連原廩十四座計儲穀四萬三千

六百餘石銀存二萬四千二百兩有奇以待乘

時買補手書立石記事買補清查常平倉穀二百一萬八千一百餘石是年孫女承官生尙志

妾張氏出孫修福生尙忠妾陳氏出

二歲痘殤

二十年庚子六十八歲

二月奉

旨進京展

觀四月抵京赴 圓明園蒙

召見二次

垂詢歷任官履及閩省情形次日奉

旨以年力就衰原品休致回 園寓時子尙志隨侍

壻葉應祺從弟琛光俱在京候選亦來晤聚五
月啟程南歸道出揚州謁儀徵相國師時

予告帶俸在籍年已七十七白頭師弟欵話甚長先
是余丙申入京時師已入閣過從最多別後摹
繪師像附余小像於旁作授經圖卷師有五古
詩和余韻至是攜卷行笈求師重題蓋師於考
證經義及金石文字與余有同好也師招遊北
固山甘露寺至焦山觀周鼎定陶鼎瘞鶴銘馬

殷銅鼓余以手書金剛經一冊施寺中迴櫂訪
象山張文貞公讀書處山已爲寺住持僧了樸
頗有文理此行維舟五日凡谷林堂平山堂桃
花庵皆遍遊六月至子尙忠寓所見孫雙福等
岐嶷頭角頗慰老懷因留兩月歷訪鄧尉光福
青芝元墓蟠螭山獅子林虎邱諸勝吳門故多
收藏家讀畫觀書題圖刻石殆無虛日尤可異
者許長史舊館壇碑覃溪老人畢生訪搜未獲
余以三月過吳門得觀至是翁叔均 大年 鈞贈

一本晤徐問渠

懋張叔未

廷濟

顧湘舟

沅

僧六

舟

達受

話舊臨行摹余所藏定武蘭亭贈湘舟

訪延瞿申之

樹辰

到家課孫兼理書畫金石時

尙忠奉檄往廣東招募水勇攜家侍余回藉申

之同行及門黃太守安濤招遊小竹林園八月

到嘉善小住三日九月至江西鉛山從弟林光

署小住暢聚二日度大庾嶺拜唐丞相張文獻

公祠先是嘉慶丁卯余在京夢謁丞相祠神囑

以宦途可畏五紀外當歸來至是余年六十有

八歸已晚矣幸尙無大挫折耳十月抵家幸八
十三歲九叔父七十八歲十叔母六十八歲八
叔母各健在而家弟彌光已五十二從弟鳳髦
已六十五暮年兄弟久別歡愛倍摯可以優游
林下矣以居官服料分送三老人及諸弟姪是
月伍夫人偕女憲由閩南歸是年孫瑞福生尙
忠妾黃氏出

二十一年辛丑六十九歲

四月暎夷滋擾省城余偕佛山官紳捐資團練

壯勇鑄礮築柵阨隘防禦爲省城應援八月弟
松光卒九月余至龍公塘修 資政公墓立正

二品

誥命碑是年石雲山人詩集文集及辛丑消夏記刻

成恭摹

恩賜福字五幀於堂事顏曰

賜五福堂紀

恩及也擬編此後詩稿曰 賜五福堂集閉門養

靜復理舊業惟足疾未愈耳是年尙忠補江蘇

常州府總捕通判孫女懷弟生尙忠妾陳氏出

孫升福生尙志妾張氏出

孕二十五月

二十二年壬寅七十歲

手訂止

正月初十日 府君七十壽辰以九叔父之

喪未及期年不准稱觴閉門謝客 府君以

近年步履遜前將往桂林就醫遂至龍公塘

謁 資政公墓辭行二月二十日偕 太夫

人同往命志兒婦女憲孫雙福平福瑞福隨

侍仍邀瞿申之同行三月十五日抵桂林僑

寓文昌門內

李春湖司空諱宗瀚舊第

夏間服走馬藤膏

步履稍健六月接六叔父

諱垂光

訃

府君連

年疊遭友于之痛戚然於心更形衰憊七月

偕李楚船茂才

宗沅

小廬上舍

宗瀛均春湖司空之弟

瞿申之遊獨秀峯朝陽洞風洞詩以紀事八

月以尙忠女友弟許字李聯瑞

楚船六子

二十四

日李小廬招同遊伏波巖月牙山諸勝十月

以尙忠女宜弟許字李聯瑚

小廬之子

十一月輯

筠清館金石錄金文款識類五卷刻成熾福

生尙志妾張氏出

孕十月四月

二十三年癸卯 府君七十一歲

正月二十日浴後感寒遂至痺痿請醫診視
進以養氣養血之劑三月漸愈四月可以拄
杖行走旋悞服黃精痺痿如前尙志以正月
十九日告假歸省四月初八日行至湖南湘
潭縣舟次應福生尙志妾王氏出
五閱月而殤五月
月十一日尙志行至全州得妹憲信知 府
君病狀乃舍舟陸行以十四日兼程抵桂林

寓所省覲之下。府君喜形於色而精神步履迥不如前。猶冀疾日以瘳。自可長依膝下。然一喜一懼之心。終未能忘也。方進謁間。

府君曰。余病遷延以待汝也。言似不祥。尙志益懼。遍訪名醫。病仍未退。暇以擬補稱七十壽觴。稟請仍不俯允。蓋六叔父之喪仍未期年也。自壬寅歲考訂歷代名人年譜。至是病中雖手不能搦管。仍屬瞿申之偕。尙志校閱親爲裁定。尙志以恐過勞精神爲諫。而府

君無他消遣依然手不釋卷是以精神銷耗
雖日服參劑竟未奏效六月諭居家大略並
諭尙志倘交秋氣體有起色卽令回廣東省
試復屢索尙志近年功課細爲披閱至所輯
詩經周禮讀本諭曰周禮讀本爲勝俟再加
考訂卽可附我所著各種之後以授剗劔亦
可見汝平日讀書不拾人牙慧也後見 太
夫人暨妹屢稱之蓋 府君教子弟卽片長
薄技未有不獎勸而誘掖之而教澤之所以

及三湘七閩者可知矣七月二十日作懷

資政公墓詩稿字多不能辨復口授尙志書
之二十五日

仁宗睿皇帝忌辰猶齋戒諭尙志云余受

兩朝知遇

聖恩優渥感激涕零未報涓埃爾兄弟職任雖微亦
思所以報稱勉圖上進並諭立品勉學存心
行已待人接物之道睦宗族教子孫之方諄
諄不倦是月所著歷代名人年譜告成猶以

所輯書籍尙有未成爲念

帖鏡將成未刻吾學錄二三編筠清

館金石錄石文閩湘經義筠清館制義盛

京隨扈日記平遙日記尙未刻擬刻三元宅

法冰鑑尙未序 二十七日感暑發熱請醫投

易證尙未成書

以和解清散之劑稍愈二十八日昇椅至書

房是日接尙忠信稟並寄呈食物及親友所

寄信件晚間復發熱增劇二十九日熱仍未

退多方調治而醫生均謂氣血已衰攻之不

敢補之不能惟脈氣尙好閏七月初三日脈

氣大差醫禱無術蓋寢疾七日矣延至初四

日疾愈甚口不能言惟執尙志及雙福手而
已辰刻卒於桂林寓所正寢

嗚呼痛哉 不孝等 侍奉無狀平時不克審氣

承顏臨疾又不善維持調護驟罹大故搶地
呼天百身莫贖尙敢偷安食息覩然人世耶

府君自致仕後雖步履已差而精神飲食

仍自如常 不孝等 私謂優游林下著撰之歲

月方長日加頤養可享遐齡孰知歸僅三載

遽棄 不孝等 長逝耶 不孝尙忠 以辛丑年六

月回江蘇省銷差孰知拜辭之日卽永訣之時耶今秋七月告養擬由粵東往桂林侍奉詎僅抵里門卽聞哀訃而視含視斂已不及親見不孝尙志歸省桂林日侍左右祇三月耳今則昊天罔極長爲無怙之人矣嗚呼痛哉 府君每言癸卯年辰不佳不孝等聞之雖懼而私冀數可轉移不謂不孝尙志甫歸省而 府君已患痺痿矣 府君若已前知者 府君服官中外四十餘年文章事業例

得備

國史採擇立傳

不孝等

性皆愚魯苦茨昏迷欲

爲 府君行狀恐多罣漏惟聞所至之省口

碑載道久而不忘而廉不言貧勤不言苦治

家則守先人之舊德居官則循先正之遺規

廉俸所餘徧給族黨故訃至東省凡閭里親

故無不痛哭失聲則 府君之在邦在家者

亦大畧可見矣嗚呼

不孝等

安能狀 府君

於萬一耶今遵

府君遺命奉

朱棺安葬

於花縣打鼓嶺正隆岡坐午向子兼丙壬之
原與 前母羅太夫人合葬在 生曾祖妣
易太夫人之右謹錄 府君自述年譜其壬
寅以後未及手編者謹依年月補記於後質
之當世

大人

君子伏冀錫之銘誄以寵泉壤 不孝等
子孫感且不朽 世世

不孝 母命 孤哀子 尙忠 泣血稽顙

稱哀

尙志

同校字謹識



皇清諱授通議大夫通政使司副使 顯考萼君府君年

譜

曾祖考諱聚培號碧沚國子監生 妣氏陳

祖考諱忠鎬號燕如 妣氏孫

考諱孝源號甬川 妣氏陳

府君姓童氏諱槐譜名傳林字晉三又字樹眉號萼君

書畫題款或署香士或署晚雲居士世為鄞人明洪武間 始遷祖諱全

由西鄉建輿遷居郡城月湖西岸萬歷間 第七世祖

諱端遷於醋務橋南為宋時紅蓮閣故址

國朝康熙四十三年 允高祖考碧沚公遷於宅之東鄰

是日繩武堂

後名白華堂

乾隆三十八年癸巳

閏三月初十日酉時

府君生於繩武堂之西正室

乾隆三十九年甲午二歲

乾隆四十年乙未三歲

先祖妣始教識字

時家業零落舊宅之分授宗人者悉已輾轉易主先
祖考中歲食貧終不忍失先業見 府君岐嶷乃益喜
日子既有後 必弗棄基

乾隆四十一年丙申四歲

乾隆四十二年丁酉五歲

乾隆四十三年戊戌六歲

先祖考授孝經 是年以後從 曾叔禮考邑庠生月

島公諱忠鉉受業

乾隆四十四年己亥七歲

乾隆四十五年庚子八歲

乾隆四十六年辛丑九歲

乾隆四十七年壬寅十歲

乾隆四十八年癸卯十一歲

乾隆四十九年甲辰十二歲

是年以後從陳晴聖先生諱基受業先生爲 先祖妣

從兄授徒他氏 府君從之入塾早往晚歸寒暑靡間

乾隆五十年乙巳十三歲

先祖考客定海抱病幾殆 府君航海奉侍以歸

乾隆五十一年丙午十四歲

乾隆五十二年丁未十五歲

乾隆五十三年戊申十六歲

十一月 先妣陸淑人來歸 外祖考諱道範國子監生以不孝華官 賜贈

奉政大夫翰林院編修加四級 外祖妣氏金 賜贈宜人

乾隆五十四年己酉十七歲

是年以後從周小山先生諱焜受業

乾隆五十五年庚戌十八歲

應院試

試題三軍可奪帥也一節人能充無穿窬之心

以次題書寫錯誤列備

卷第一學政為禮部侍郎諸城實公諱光燾 十月舉

一子兩月而殤

乾隆五十六年辛亥十九歲

應院試

試題百工居肆以成其事一節羿之教人射一節賦得以善養人得人字

取入鄞縣

學第七名學政仍為實公 授徒於醋務橋張氏主人

為 府君表丈斥彊先生鯤

乾隆五十七年壬子二十歲

仍館張氏

乾隆五十八年癸丑二十一歲

仍館張氏 四月長女生

乾隆五十九年甲寅二十二歲

仍館張氏

乾隆六十年乙卯二十三歲

授徒於北門江氏 九月 先妣陸淑人卒

嘉慶元年丙辰二十四歲

仍館江氏

應歲試

試題亦饗舜迭為賓主覆試題吾猶及史之闕文也有馬者借人乘

之列一等第一名學政為部侍郎儀徵阮文達公

補遺膳生 十二月

先妣應淑人來歸

外祖考諱守常國子監

生以不孝恩官
外祖妣氏張氏李氏李氏李氏
贈贈孺人

嘉慶二年丁巳二十五歲

仍館江氏 應科試 試題文武之政布在方策覆試題致中和一節另場挑覆試題子路

有聞 一節列一等第一名 七月阮文達公招赴學幕閱七

府試卷 閱錢塘縣試卷

嘉慶三年戊午二十六歲

授徒於學政署 應鄉試薦卷房師為第九房昌化縣

知縣嘉魚張公諱宗軾 考優貢舉第一名會考舉主

為巡撫滿洲王公諱德學政儀徵阮文達公 九月同

阮文達公北上十月抵京寓太僕寺街衍聖公府

嘉慶四年己未二十七歲

仍館阮寓 三月始習騎

四月考教習

試題仁者安仁知者利仁

大興朱文正公得卷歎賞取入八旗教習以未及覆試

被扣 五月應

朝考

試題凡為天下國家有九經賦得五月鳴蜩得鳴字

列第四名

肄業國子監

是年十月十五日被酒早睡夢神人邀至岱廟示以案卷數大廚促令速辦 府君早悟非吉兆因告以親老丁單願更返陽世神人曰君早宜歸此然此時去留亦惟君耳因導 府君出 府君輒取閱數卷見有與鄞人干涉者識之醒而弗忘後二年歸詢諸鄉里則年月姓氏一一符合 府君常舉之為不孝輩傲以為幽冥之

事不盡 證也 庚申二十八歲

授徒於虎坊橋趙寓主人爲太僕謙士先生秉冲 七

月考選

武英殿校錄取第四名

應順天鄉試

頭場題子曰大哉堯之爲君也一節

天命之謂性三句大舜有大焉一節賦得師克在和得哦字

中式第九十五名座主

爲吏部尙書長沙劉公諱權之禮部侍郎滿洲英公諱

和副都御史平湖陳公諱嗣龍房師爲第十八房內閣

中書蒙古多公諱山

嘉慶六年辛酉二十九歲

仍館趙寓 應會試薦卷房師爲第十六房內閣中書

徐公諱

二月初八日

先祖考卒

府君

於榜後始得病訊星夜馳歸五月抵里 十月舉 先
祖考柩厝於五嶺

嘉慶七年壬戌三十歲

三月葬 先祖考於五嶺 授徒於杭嘉湖道署主人

為袁柏田先生秉植

嘉慶八年癸亥三十一歲

仍館袁署 主講慈湖書院 閱山陰平湖縣試卷

先是浙闈號舍皆泥道牆用白粉 府君言
於阮文達公明歲乃甃以甌石而青其牆

嘉慶九年甲子三十二歲

五月進京仍館虎坊橋趙寓 十一月 不孝恩生

嘉慶十年乙丑三十三歲

正月代

南書房翰林恭繕

御製詩本蒙

賞大緞謝

恩於

神武門

應會試

頭場題子曰老者安之一節喜怒哀樂之未發謂之中夫志至焉氣次焉故曰

持其志無暴其氣賦得我澤如春得春字

中式第四十一名座主為大學士

大興朱文正公戶部尚書大庾戴文端公吏部侍郎蒙

古恩公諱普戶部侍郎滿洲英公諱和房師為第十三

房京畿道監察御史武陵趙文恪公 應

殿試以繳卷遲曉字體不能畫一列三甲

朝考入選引

見以主事用簽分工部都水司 五月進署行走 館於

東四牌樓劉寓主人為少司農信芳先生鑲之 七月

充會典館協修 十月應軍機處考試 試題擬恭閱御製勤政殿

訛覆奏摺

欽定第一名 十一月進軍機處行走

嘉慶十一年丙寅三十四歲

正月補軍機章京 扈從

聖駕謁

東陵 七月迎 先祖妣及眷屬至京寓永光寺西街

扈從灤陽 移寓爛麪胡同

嘉慶十二年丁卯三十五歲

二月充方略館纂修 四月仲女生

以白描法寫諸外藩使臣圖像數十見者咸以為逼真因共勸學畫酬應日繁後年近八十猶能於燈下作界焉

嘉慶十三年戊辰三十六歲

扈從天津 柳墅接

駕家

賞錦緞 五月工部學習期滿縕大司空布等奏請留部
補用 七月充會典館總纂 扈從灤陽

嘉慶十四年己巳三十七歲

三月軍機大臣奏言軍機章京勤慎出力者應予鼓勵
工部候補主事童槐本衙門缺少人多懇

恩改掣缺分較多之部奉

旨依議 掣籤改戶部 三月生一女歲餘而殤 四月

補戶部廣東司主事 恭遇

覃恩贈先曾祖考先祖考爲朝議大夫戶部廣東司主事

加三級

贈先曾祖妣爲恭人

封先祖妣爲太恭人

嘉慶十五年庚午三十八歲

二月京察一等加一級

四月考試差

試題誠者天之道也誠之者人

之道也賦得誠存爲物所得誠字

越日

上諭軍機大臣曰昨考差各官多誤詩題出處不意童槐

亦然蓋自 府君入直樞垣

內廷僕奉文字多出 府君手故仰邀

主知爲特隆也 七月因洋匪肅清議叙軍機各員軍機

大臣以 府君名上奉

旨加一級 扈從灤陽 右手偶患風痺因學射

上親校從臣箭射於灤陽 府君發三矢中二

嘉慶十六年辛未三十九歲

六月升戶部廣東司員外郎 府君無兄弟有姊妹四

人自官京師為 先祖妣之念諸姑也遣使迎之是歲

徐氏姑張氏姑周氏姑皆率眷屬以來因移至正陽門

內西城根其寓焉 十二月長女卒女字慈谿葉氏婿

元封

候選訓導諱
聲聞三子

嘉慶十七年壬申四十歲

六月充剡例館提調 七月升戶部山東司郎中 扈

從灤陽

嘉慶十八年癸酉四十一歲

二月京察一等引

見記名以道府用 府君久直樞垣軍機大臣戴文端公

滿洲勒威勤公富陽董文恭公歷以事試 府君深相

倚任是時三省教匪案起械送刑部者奉

旨令軍機處派員會審 府君定讞以無濫獨得要領

派審之案遂獨多幾無日不至刑部矣 七月保送御

見記名

見記名以御選用 九月教匪林清作亂 府君謁順天

府尹劉信芳先生曰禁城調兵入衛倉猝之際糗糧安
在府尹爲地方官供給最便宜不待號令亟具熟食饋
之時內外相隔先生恐門閉不可入 府君曰先生親
至城下以饋餉與守者言必無不可入者從之果得入
軍聲大謹 勒威勤公時爲留京大臣患目盲未入直
廬要 府君至寓計事 府君曰吾鞫逆案數月已知
其卽可蕩平惟近京地面頗多宵小竄伏耳今

乘輿在外隨扈之士未必曾經行陣公須速調勁旅兼程
迎

駕然後更議他事公矍然驚起卽遣其子總兵英 領精

銳千騎夤夜啓關赴

行在扈

駕

上還宮公病不能朝屬 府君繕摺陳事五條其二條卽
出 府君意略曰禁城內外所列兵可盡撤去此時宜
注重豫省軍營一路卽有警當備九門毋張皇禁掖駭
人耳目爲也頃軍報至知逆衆據守滑城竊料愚賊無
能自就阱釜非前此邪匪散竄者可比欽差大臣那彥
成材略可用乞

勅令倚任宿將楊遇春等其肘又太監劉金等以從逆

正法諸太監內不自安宜

溫諭撫卹令無以波累爲恐奏入得

旨俞允 十一月

授陝西道監察御史上條陳事宜三摺

硃批所奏甚是所奏盡是

嘉慶十九年甲戌四十二歲

正月二十二日

授甘肅蘭州道明日謝

恩

召見於

勤政殿東閣 三月起程赴甘肅四月到任 二十八日

先祖妣卒 五月殤一女生僅數月 八月扶柩南

歸十一月抵里

嘉慶二十年乙亥四十三歲

二月舉 先祖妣柩厝於五嶺 赴陝西主講關中書

院選刻授生徒文曰文滌又刻課藝二冊 十一月起

程南歸

嘉慶二十一年丙子四十四歲

四月葬 先祖妣於五嶺 阮文達公巡撫江西招赴

其署佐辦緝匪保甲諸事公有泗磬十二與 府君講

求古法得律呂正聲焉 袁柏田先生開藩江西畱住

其署逾月 主講鵝湖書院 十月 不孝恩 隨侍北上

十二月

授山東兗沂曹濟道明日謝

恩

召見於

澄光殿既出

上令軍機大臣傳諭曰曹河正當出險兗沂一缺必須用
河工熟手朕思索兩日未得其人適汝等呈進童槐名單
朕久知其辦事細心加以習練便是一好河督卽如從前

新輔何必從工員出身現將童槐補放汝等可諭以朕意
嘉慶二十二年丁丑四十五歲

二月到任 奉

命監修曲阜 孔廟工畢衍聖公以古者上公之禮享

府君於鐵山園 月 先妣率 庶妣張宜人 庶

母章宜人至署 上工防汛

嘉慶二十三年戊寅四十六歲

郡境久旱二月二十一日焚疏郡之城隍廟步禱各壇

冒大雨歸 上工防汛 九月 不孝華 生 張宜人出

府君嘗諭不孝等曰余任河道二年險工疊出余惟晝
夜督巡申明賞罰幸臻平穩計斥官帑以充犒賜者為

數甚鉅非舊例之所有然核算錢糧總數則第一年節省得二十餘萬第二年節省得三十餘萬蓋由工料俱經親查事事核實而已

嘉慶二十四年己卯四十七歲

恭遇

覃恩贈曾外祖考邑庠生陳公諱熿號南輝爲中憲大夫

山東交沂曹濟道

贈曾外祖妣氏許爲恭人 東省查辦清釐蠲免及冒攤

軍需之案巡撫程中丞國仁奏派 府君晉省會同審

訊旋以伏汛屆期河水較漲馳回工次防汛料理平善

復晉省辦案 六月

授江西按察使 七月辦案完竣卸事詣熱河

行在謝

恩於

避暑山莊

召對三次 八月

授山東按察使 九月到任 十月監試武闈鄉試 臬

司衙門積舊案二千餘起奉

旨責成專辦 十一月

上諭童槐審明徐文誥一案審訊明確伊係山東臬司並
不迴護本省巡撫秉公可嘉師承瀛履審徐文誥案與童

槐無異童槐秉公辦理不避嫌怨着交部議叙 十二月

奉

旨交辦京控案件

向來京控案件皆奉 旨交督撫提案審訊或令督

撫督同臬司審訊至是東省京控各案 旨下之日

往往專交 府君定擬後即由 府君專奏 府君

感 特達之知益矢勤慎心力交瘁眠食俱廢矣

嘉慶二十五年庚辰四十八歲

六月東省奏設審案專局得

旨令 府君總司局務

殊批山東巡撫錢中丞臻摺云諭知童槐自心能正何懼

讒言不必猶疑銳意辦事 七月

仁宗嘗皇帝賓天 府君感荷

高厚之恩隨班哭臨傷慟尤甚 八月恭遇

宣宗成皇帝登極覃恩 不孝恩 得正三品廕生 九月

授湖北按察使 十月局務完竣奏請撤局計二十餘年

積案埽數全完釋獄囚無罪者一千三百餘人在任一

年審結本任內案一千八百起 十一月進京二十四

日謝

恩

上諭云湖北雖安靜不若山東之煩劇然向曾有專朕未
能放心是以調汝前往汝在山東就辦得好到湖北也要

好好辦事不可因湖北比山東安靜就放了心 二十五

日遵

旨隨至

禮部鑾輿臨 二十六日

授通政使司副使 恭遇

聖恩請授通議大夫

贈先妣陸氏為淑人

封先妣應氏為淑人

贈先高祖考先曾祖考先祖考為通議大夫湖北按察使

司按察使

贈先高祖妣先曾祖妣先祖妣爲淑人

贈先曾叔祖考月島公爲中憲大夫通政使司副使

贈先曾叔祖妣氏袁氏黃爲恭人 十二月眷屬抵京寓

椿樹三條胡同

道光元年辛巳四十九歲

考試差

試題君子無易由言論
賦得季札觀樂得光字

山東巡撫錢中丞奏

草一令旋被誣訐中丞引 府君爲證 府君遵

旨明白迴奏並請假親赴山東面質案情畢白六月回京

以所得左證未於明白迴奏摺內先行奏明致草令狡

辯案稽時日吏部照應奏不奏例上加等議 府君以

降四級調用奉

旨依議

九月

不孝恩

娶婦慈谿沈氏

庠生諱洪四女

十月

不

孝可念

生

章宜人出

上諭軍機大臣曰童槐前經降調應以何官補用軍機大

臣奏曰童槐曾任京堂未便即降作司員其補用班次

今尚未聞酌定

上諭曰堂不降司雖係定例若本人自願改捐當可不拘

於例矣爾等可傳旨詢之 十二月 府君具呈請改捐

郎中吏部具摺請

奉

旨准其改捐

道光二年壬午五十歲

正月吏部帶領引

見奉

旨准以郎中用

二月

不孝章

生

張宜人出

五月因

病請假由運河歸里十月抵家

道光三年癸未五十一歲

遊奉化

九月

孫鳳岡

生

造屋於醋務橋南紅蓮閣

舊址十二月遷居之是日今白華堂

道光四年甲申五十二歲

阮文達公總督兩廣招 府君赴其署 選全唐文十

二卷以韓柳二家宜讀全集故置不登 閱學海棠課卷 嫁女於同

邑傅氏壻自銘庠生諱作霖次子 女係周氏姑女 府君以其

少孤撫為義女齒於姊妹行

道光五年乙酉五十三歲

自粵東歸 孳不孝恩 赴鄉試 十月嫁仲女於餘姚

張氏壻嗣鴻嘉慶丙辰進士江甯布政使諱志緒四子

道光六年丙戌五十四歲

遊揚州康山 七月孫鳳翽 生 十月二女生 章宜

八出

道光七年丁亥五十五歲

主講月湖書院 十一月 不孝恩 考廕生引

見奉

旨以通政使司經歷用 不孝可念 報捐布政使司理問

道光八年戊子五十六歲

主講月湖書院 五月擊 不孝恩 進京應順天鄉試

玉研農先生麟謂 府君曰君學問一切俱在

聖主洞鑒之中以我卜之則當大用若回翔郎署何以自

援王定九先生鼎謂 府君曰君降調一案當時係我

主稿我初不知劄文如此 之重也近蒙

召對

皇上垂詢之際已將情節奏明

上諭朕在潛邸之時甚重童槐文字且聞其做官亦好近
日蔣敘銛李鴻賓俱面保他想其人必不錯

聖眷如此終當錄用君何不改捐外任以圖報効 府君

因擬報捐道員不果行 八月四女生 張宜人出

不孝恩 改捐知州 十二月歸家

道光九年己丑五十七歲

冬遊象山

道光十年庚寅五十八歲

二月五女生 張宜人出

道光十一年辛卯五十九歲

八月不孝會生 章宜人出 江蘇灾民流徙至鄞當

道邀 府君議賑恤事 府君以為安插饑民不如給

以月糧及早貸送設賑局立司事不如令出錢之殷戶

輸流自司其事也從之 十月仲女張氏卒 是年以

後皆主講月湖書院

府君退休之餘未嘗以私事干謁當道少時親交惟張
雙湖先生烜胡一齋先生枚尚存時相過從而已 府
君性氣嚴正不能諧俗生徒談讌之外終歲杜門不與
人事至事體重大官所屬賴則必為之維持綱紀弭禍
患於無形蓋隱然繫
公私之望者三十年

道光十二年壬辰六十歲

二月 不孝華 入鄞縣學 甯郡旱饑復與當道定議賑

之 三月遊慈谿報國寺 五月英夷船入浹江與戴

提軍雄方觀察傳穢密議備禦以事須輾轉不果行

七月擊 不孝恩不孝華 赴鄉試 八月 孫坊 生 傅壻

自銘中式應天鄉試第九十七名

道光十三年癸巳六十一歲

六月 不孝開 生 章宜人出 十月 不孝恩 選授直隸

延慶州知州

道光十四年甲午六十二歲

三月 不孝恩 奉 先妣應淑人之任恭選

覃恩 府君命 不孝恩 將本身

封典呈請

贈先伯祖考澄川公諱孝淵為奉直大夫延慶州知州

先伯祖妣氏陳氏任為宜人 七月挈 不孝華 赴鄉

試 十月 不孝華 補廩膳生

道光十五年乙未六十三歲

正月 不孝華 娶婦慈谿盛氏 安徽潁州府同知諱植麟三女 挈 不孝

華 赴鄉試中式第五十九名 十月 不孝可念 娶婦同

邑范氏 嘉慶甲子舉人仁和縣學教諭諱懋裕六女 十一月挈 不孝華 北

上

道光十六年丙申六十四歲

正月抵延慶州署 二月挈不孝華進京應會試寓大

石橋真武廟 五月歸里

道光十七年丁酉六十五歲

張壻嗣鴻以廩生分發四川旋補定遠縣知縣

道光十八年戊戌六十六歲

三月六女生 張宜人出 不孝華 應會試中式第一

百十九名

殿試二甲

朝考入選第十九名改翰林院庶吉士 閏四月 孫德厚
生

道光十九年己亥六十七歲

二月 不孝章

娶婦同邑范氏

嘉慶甲子舉人仁和縣學教諭諱懋裕七女

三月 孫埏國

生

三月

庶妣張宜人卒

道光二十年庚子六十八歲

六月英夷陷定海郡城戒嚴

府君邀集生徒募丁巡

察逾月乃畢

著賦彙提要四卷

道光二十一年辛丑六十九歲

海警復起

府君仍舉兵備官兵既集乃止

六月

英夷擾定海定海民皆內徙 府君謂當事者曰定海
 搬徙已空其地遠隔重洋與內地不相策應今日之計
 宜將守定之各鎮兵勇撤回以防鎮海各口而主帥統
 重兵歸郡城以固根本若分兵散布其力易孤特以中
 權節鉞為冒險之孤注無益也不果行八月定海鎮海
 隨郡城遂不守 府君挈家屬移寓西鄉十三洞橋
 十月移寓奉化大橋

道光二十二年壬寅七十歲

不孝恩 得保薦卓異



月 孫鳳岡

娶婦同邑張氏

道光

戊子舉人鑲黃旗
教習名額次女

道光二十三年癸卯七十一歲

正月孫師厚生 四月營生壙於五嶺 先祖考封塋

之左側并祔葬 先妣陸淑人 庶妣張宜人 府君

諭不孝等曰吾及身營壙於此所以決從 親之志也

子孫其必毋改 五月自奉化歸里 六月不孝章入

郵廩學 九月不孝華進京供職

道光二十四年甲辰七十二歲

正月不孝恩因捐輸議叙加運同銜加二級 二月孫

祥麟生 四月不孝恩調任直隸開州知州 不孝華

散館列一等第十一名

授翰林院編修 傅增自銘大挑一等以知縣分發江西

九月 孫祥熊生 十月 不孝華蒙

欽點武殿試受卷官

道光二十五年乙巳七十三歲

不孝華 恭遇

覃恩呈請

勅封府君為儒林郎翰林院編修加一級

贈先妣陸

封先妣應

贈先妣張為安人

地封庶母章為安人 五月 不孝華蒙

欽點殿試彌封官 六月 孫鳳麟 娶婦餘姚張氏 壻嗣鴻長女

不孝章

因捐輸議叙以復設訓導用 九月奉化民

人聚眾抗官巡撫梁中丞寶常來郡督辦聞討於 府

君設法解散罪人斯得 十月嫁三女於慈谿葛氏壻

惟午 嘉慶丙子舉人戶部郎中諱朝四子 十月慈谿葉氏來迎長女之

柩遷以歸葬 十二月 不孝恩 署大名府同知旋升奉

天府治中

道光二十六年丙午七十四歲

遊慈谿山北 三月 孫瀛堉 生 六月 曾孫曾壽 生

七月 孫鳳翽 婦張氏卒 九月 不孝會 娶婦同邑李氏

國子監生 諱權次女 十二月 先妣應淑人卒於 不孝華 京寓

道光二十七年丁未七十五歲

二月 孫塏國 殤 七月 孫又麟 生 十二月 不孝恩不

孝華 奉 先妣應淑人柩歸里

道光二十八年戊申七十六歲

正月 嫁四女於海鹽朱氏壻 兼衡 嘉慶辛酉進士內閣 學士諱方增長子

四月 孫鳳岡 孫鳳翽 入鄞縣學 六月 析產授 不孝

等 編今白華堂詩文集六十卷 應試文四卷 試帖一

卷從政筆記四卷 倉更筆記四卷 未編 次膺外任時不 府君著述各稿初

孝恩尚幼未能檢收其時從學門人如華亭王博之溥
仁上海趙斗垣柄山陰吳梅梁傑上海趙子啟榮會稽
陶槎仙際堯追隨最久府君手澤每分存諸子近已
無從尋訪茲所訂各種僅就故麓所存命不孝等類纂
成帙以待
手定者
諱如潮
次女

道光二十九年己酉七十七歲

二月 不孝華 進京供職六月蒙

欽點湖北鄉試正考官 六月 曾孫曾祿 生 九月 孫鳳

劇 選授定海廳學訓導 十月 孫鳳 續娶婦餘姚張

氏 婿副鴻 十二月 不孝開 娶婦同邑徐氏 國子監生 諱受葵六

女

道光三十年庚戌七十八歲

三月 不孝會 入鄞縣學 四月曆 先妣應淑人柩於

山下章 八月 曾孫會衍 生 葉培元封卒 十一月

赴慈谿山北 不孝恩 赴部候選

咸豐元年辛亥七十九歲

三月嫁五女於慈谿應氏壻雲漢 國子監生 諱鏞長子 甯波府

羅太守鏞以 府君重屆入學之年延請重遊泮宮

不孝開 入鄞縣學 六月 孫振麟 生 朱培秉衡入海

鹽學

咸豐二年壬子八十歲

不孝華 恭遇

覃恩呈請

誥封府君為奉政大夫翰林院編修加四級

贈先妣陸 先妣應 庶妣張為宜人

贈贈先祖考為奉政大夫翰林院編修加五級

贈先祖妣為宜人

贈封庶母章為宜人 三月遊慈谿駱駝橋 六月 不孝

華 請假歸觀 七月 孫榮麟 生 十月 不孝會 補增廣

生

府君秉質清厚素少疾病家居卅載親課子孫之外必
手一卷嚴寒酷暑皆終日危坐無倦容年近八十漸覺

肝陰虧損痰嗽稠黏是年夏復患暑瘧
雖調理就痊而精神漸減實始於此

咸豐三年癸丑八十一歲

正月嫁六女於同邑張氏婿炳煥

國子監生諱祖授長子

三月

孫鳳岡

選授北城兵馬司副指揮

五月巡撫黃中丞

宗漢以

府君及

不孝華

各入奏勸辦浙甯捐輸事務

八月

孫鍾麟

生十一月

孫德厚

娶婦同邑董氏廩

生名文
董四女

咸豐四年甲寅八十二歲

三月

不孝可念

以海運議叙加鹽課司提舉銜

應壻

雲漢入慈谿學

張外孫璟入餘姚學

五月

不孝開

補贈廣生

孫鳳岡

以緝捕議叙加六品銜

六月遊

西陸

歲暮獨酌適聞諸路奏捷賦詩云殘寇難容喘

更延餘生且以酒為年青春有日迴天地黃卷終朝對

聖賢往事追思如隔世舉家常聚擬登仙昨宵夢已華

胥近準續堯夫擊壤篇

此後無詩

咸豐五年乙卯八十二歲

四月

孫坊

報捐光祿寺署正在大官署行走

八月

孫

漢鑫

生十一月

不孝可念

嫁女於同邑陳氏婿愚杰

咸豐六年丙辰八十四歲

二月

孫德厚

入鄞縣學

著通庭筆記一卷

補雅一卷

五月曾孫曾禧生南議覆巡撫何中丞桂清獎

叙勸捐紳士一摺不孝華均請加一級紀錄

三次奉

旨依議 傅增自銘殉節於江西上高縣

咸豐七年丁巳八十五歲

四月張增炳煥入鄞縣學 張外孫立誠入餘姚學

朱增秉衡因捐輸議叙以通判分發江蘇 閏五月作

江干草堂詩集序此後無文 春夏之交痰嗽轉甚延醫診

治表補俱不見功 府君曰病可醫衰老固非可醫者

七月二十四日夜偶起行走忽坐蹶於地不孝等急扶

掖登床 府君曰是所謂氣反而游散則覆也我生八十五年十歲以下不知事事八十以上衰茶不能自振惟是七十年中內外進退總無一刻敢稍自懈弛雖無補於世而精力已盡造物殆可以逸我矣自是倚卧於床祇苦啖吻枯渴時索漿飲夜分見不孝等環侍床下輒舉史事及性理諸義談笑而道或猝然舉一事莫得端緒蓋與夢中之言相接也二十九日爲 先祖考誕辰命不孝等代祭既畢時 府君飲食已驟減至是命將饌餘酒肉以進起坐享之願謂不孝等曰終身也者非終父母之身終其身也八月十四日午後忽失音醒

則索飲餘惟酣睡至八月十五日卯時頓覺呼吸不接

溘然長逝在今白華堂東正室嗚呼痛哉 府君平素學養超越

恒常雖及彌留神明不亂而不孝等憤憤猶欲恃以無

恐不能亟為救藥終天之痛曷其有極 十七日午時

大斂 十二月初二日厝於石塘翁氏之園

不孝等敬承 遺志將以歲時相協奉 置柩葬於五嶺

先祖考之兆思撰述行狀以乞表墓之文而不孝等

皆生在 府君中年以後見聞錯落未足以盡道 府

君之生平今敬就 府君筆記等書及在官遷除有年

月可紀者附以子女系屬依年作譜倘蒙

當代大人先生哀而賁之以辭不孝等世世子孫感且不
朽

不孝孤哀子童恩泣血謹述

鄉進士出身

誥授資政大夫兵部侍郎兼都察院右副都御史浙江巡
撫年愚姪晏端書頓首拜填諱

嘉慶十年乙丑進士

徐
樵
先
生
小
像



或括或謀不罟不柔豈弟
君子敷政優二介爾眉壽
對揚王休百永終譽世德
位求

右贊集詩經

序

古之論譔功德者曰銘曰
誄曰墓誌曰碑文曰行狀
考吳志云周條等甄別行
狀則行狀之名為最古然

漢高紀求賢詔曰詣相國
府署行義年後此太常議
謚史官紀事必書幾歲以
實之則行狀即年譜之緣
起也今之所謂行狀者類

皆鋪陳懿行以夸耀其先
人似亦無悖乎稱美不稱
惡之義然溢美者有之何
如編年紀月之詳其綱目
哉新齋前輩出示所叙尊

人侶樵公年譜屬更編次
之其旨樸其詞淳不為諛
聞近名之行不託於陰德
獲報之私兢兢乎惟恐立
言之失據所疏事實察之

數百言其生平學問經濟
已盡乎是卓哉是編可謂
善述其先人之美而明著
之後世者矣猶憶吾館西
泠時與新齋前輩相遇從

寒暑無間者幾二十年時
獲侍我公見其秉心篤
誠寬博與世無忤以恬靜
自處若不異常人臨事則
明決足以治紛亂恒不形

靸色而請務畢舉雖極拂
意之投絕無愠怒性尚矜
恤人不問施報舊所蒞之
士民暨里黨親串每德而
思之新齋前輩之言曰有

善而弗知不明也知而不
傳不仁也傳之而溢其分
猶之弗傳也先生處已接
人事之務求其實而傳先
生者不以實非為人子者

之用心也今觀年譜所載
振荒省刑讞獄諸大端衆
目所共睹衆耳所共聞不
獨婦孺能言之神鬼亦共
鑒之而謂有一二語之飾

美其間歟新齋前輩釋服
後行且事君致身以承先
志揆厥義方之訓要不外
體恕存誠之一念則是編
也又豈一人一家之私譜

子孫互相標榜云爾哉是
為序

賜進士出身

日講起居注官翰林院侍讀
學士四川督學使者海

鹽支清彥拜讓

六

徐侶樵先生年譜

海鹽支清彥編次

海昌沈壽榕校字

乾隆三十九年甲午

是歲九月二十八日丙辰先生先生諱起渭
字侶樵籍隸貴州黎平府錦屏縣今改錦屏鄉
屬開泰爲開泰縣人先世祖諱福江蘇崑山縣
人官楚之靖州銅鼓衛遂居焉卽今之錦屏鄉
也歷十三世常興公娶强太宜人第三子克讓

公廩膳生娶程太宜人。生四子五女。先生居長。

四十年乙未

四十一年丙申

四十二年丁酉

四十三年戊戌

四十四年己亥

四十五年庚子

先生年七歲就傅於族伯文黎公

四十六年辛丑

四十七年壬寅

四十八年癸卯

四十九年甲辰

五十年乙巳

五十一年丙午

五十二年丁未

五十三年戊申

五十四年己酉

五十五年庚戌

五十六年辛亥

先生年十八補本邑弟子員九月娶孫廷召公
女孫宜人晉封孫太夫人

五十七年壬子

五十八年癸丑

五十九年甲寅

先生年二十一與克讓公同食廩餼八月應本省鄉試

六十年乙卯

嘉慶元年丙辰

二年丁巳

三年戊午

先生年二十五居里課諸弟讀就本省鄉試

四年己未

先生年二十六長子之鏞生

五年庚申

先生年二十七歲試一等第一名充選拔貢生
時學使者江蘇彭修田編修語人曰此幹濟才
非僅習舉子業者也亟宜培養以成偉器送貴
山書院肄業

六年辛酉

先生年二十八會考試後應鄉試薦未中式

七年壬戌

先生年二十九赴京應

朝考歸班就本班州判職七月十三日長女新蓮
生

八年癸亥

先生年三十復赴京

九年甲子

先生年三十一

十年乙丑

先生年三十二在京肄業凡二年

十一年丙寅

先生年三十三是歲就知縣秩分發浙江八月
署武義縣事孫太夫人偕三弟靜軒長子之鏞
長女新蓮至署

十二年丁卯

先生年三十四在武義縣任十月初六日次子

之銘生凡二子一女皆孫太夫人所出

十三年戊辰

先生年三十五卸武義縣事委在杭州府審理
案件

十四年己巳

先生年三十六正月長子之鏞痘殤於杭葬西
湖毛家埠五月署歸安縣事

十五年庚午

先生年三十七卸歸安縣事未及兩月前任病
故時蔣礪堂中丞以人地相宜仍委接署七月
到任孫太夫人因病不能往八月初十日卒於
杭寓生乾隆乙未年正月二十日紀年三十有
六長女新蓮八歲次子之銘四歲是歲先生爲
祖父母父母請五品

封典

十六年辛未

先生年三十八卸歸安縣事續娶山陰平簣山
公女平宜人晉封平太夫人

十七年壬申

先生年三十九署永嘉縣事歸孫太夫人喪葬
錦屏鄉東門外墩子園七月十四日次女芳蓮
生平太夫人所出適河南西平縣知縣汪岱孫
道光十三年八月十二日卒遺女一適之銘次

子溥

名在...
十八年癸酉

先生年四十卸永嘉縣事題補淳安縣知縣甫
逾月丁程太宜人憂

十九年甲戌

先生年四十一葬程太宜人於墩子園

二十年乙亥

先生年四十二在家守制是年冬終喪

二十一年丙子

先生年四十三與四弟滌齋赴浙候補八月署
永康縣簾缺是歲克讓封公偕族叔爲屏公至
浙

二十二年丁丑

先生年四十四

二十三年戊寅

先生年四十五署金華縣事迎養封公至署五
月三弟靜軒卒於家封公率滌齋回里

二十四年己卯

先生年四十六署餘姚縣事

二十五年庚辰

先生年四十七五月十九日三女巧蓮生爲羅
孺人出適銅仁縣邑庠生楊鳳喈道光十九年
十一月二十七日卒遺一子七月署烏程縣事

道光元年辛巳

先生年四十八補授桐廬縣知縣捐廉倡首建

朝陽書院計勸捐田九百餘畝束脩膏火之資
咸備

二年壬午

先生年四十九在桐廬縣任

三年癸未

先生年五十是歲嘉湖二郡被水成災時帥仙
舟中丞以辦災必先擇吏奏調秀水縣知縣下
車之時田園廬舍多被淹沒遍野哀鴻卽親詣

各鄉查勘邀集鄉城紳士設局於楞嚴寺計二百餘人先生集紳士於神前誓曰予到任未久民信未孚今日調任斯土爲救災恤民而來如有藉災肥己之事禍及首領子孫不昌諸公誼重桑梓亦當各激天良破除情面務求無濫無遺方不負諄諄借重之至意眾紳士泣曰老父母如此居心致生等感激無地情願自備資斧在局効力如有藉公營私定遭神鑒從此官紳

聯爲一氣實力實心共勩厥事城中設總局各鄉設分局查明極次男婦大小貧口某鄉若干計口分別每月應給銀若干兩米若干石總局彙齊送縣核明應給銀兩親至總局面交各紳士具領分給應給之米總局核明各鄉董事執票赴倉領回給放總期絲毫顆粒悉歸民腹不令書吏染指一面詳請停徵并通詳請賑計查閭邑極次男婦大小貧民十三萬口有奇例賑

三月銀米兼放三月之後青黃不接先生捐廉
一千兩爲之倡勸捐兩月口糧先後五月之久
十數萬生靈賴以生活事竣餘錢五千餘串發
典生息一半爲育嬰堂用費一半爲寒士鄉試
旅費詳明立案各捐戶所捐銀米悉於花名下
註明數目局中支放各款條分縷晰刻有徵信
錄咸使周知先游民藉災需索富戶結黨成羣
名曰坐飯先生日坐堂皇諭以安分守己者爲

良民良民則當恤藉災生事者爲亂民亂民則
當誅視其尤豪橫者立置重典鄉城肅然冬十
月爲次子之銘娶山陰平夢仙公第四女又爲
平太夫人姪女

四年甲申

先生年五十一在秀水縣任七月初九日長孫
女兆麟生

五年乙酉

先生年五十二正月嘉白帮漕船水手與各帮
水手爭駕新船起衅鬪殺五十餘命先生請兵
嚴拏時護撫黃鳴傑委叅將一員護送漕船出
境並未議拏凶犯同城文武咸被叅革先生獨
革職留緝解任後赴江蘇清江浦一帶會同營
縣拏獲滋事水手一百餘名首犯六名歸案審
辦自斬決迄軍流徒杖擬如例時漕督爲琦靜
菴節相是役也實賴節相主持其事陳月川中

丞撫浙以先生官聲素好保

奏送部引

見十二月赴部引

見降二級用

六年丙戌

先生年五十三自京旋浙六月二十五日二孫
女玉麟生適銅仁楊雲浦司馬之長孫名樹榮
七月十四日丁父憂聞訃時四弟滌齋適自京

行有補身之益言
朝考至浙同奔喪同里十二月三十日葬克讓封
公於七甲園

七年丁亥

先生年五十四在里守制十一月初九日長孫
淳生

八年戊子

先生年五十五九月終喪復至浙

九年己丑

先生年五十六自浙入都

十年庚寅

先生年五十七三月就降職以縣丞籤發浙江
四月抵浙奉程芝楣廉訪委在杭州府審理案
件十一月爲次女贅姻是月十五日四女喜連
生爲王孺人所出

十一年辛卯

先生年五十八代理烏程縣簾缺交卸後因湖

州府屬水災署藩程芝楣廉訪札委隨往查勘
各邑被災田畝行至歸安縣岷山知次子之銘
中式順天鄉試第三十五名舉人是歲因辦災
需員以先生在秀水縣任內辦有成效專摺奏
請署理歸安縣知縣十月到任會同委員編查
戶口計極次男婦大小十萬口有奇請賑三月
復捐廉一千兩勸捐兩月口糧一切悉如秀水
任內辦理章程餘錢五千緡存庫立案湖郡三

面皆山惟臨太湖一面平曠舊有飛英塔形家
言爲閬郡文風所係宋蘇文忠公有飛英塔院
詩至今漸就傾圯議修艱於經費每寢其事而
科甲竟不及疇昔之盛先生以餘錢五千緡作
修塔費同城官紳捐資共得錢一萬緡道光十
八年戊戌工竣刻有重修飛英塔碑是歲歸安
鈕修撰福保魁大廷邦人異而德之先生以是
邑濱臨太湖地處低窪多雨則患澇與其辦理

於成災之後曷若圖度於未災之先與鄉城紳士會商分鄉查勘田畝極低窪之處繪圖貼說酌量應加高圩岸若干尺彙齊後親赴查勘諭農民按畝興築佃戶出力業主出錢大災之後窮民藉以餬口亦以工代賑之意三月事竣奏奉

諭旨儘先升用

十二年壬辰

先生年五十九卸歸安縣事時程梓庭制軍有
交辦事件調赴節署扁門審訊三月之久記大
功一次

十三年癸巳

先生年六十三月二十三日次孫溥生七月委
署山陰縣事到任後積案如蝟出示排日編審
原被告計日而至不須差役拘傳至兩月餘無
遺牘境內三江閘前明蜀潘太守所建爲山陰

會稽蕭山三邑田廬保障按二十八宿共二十八洞通海水視水之大小量爲啟閉以資蓄洩三邑田畝少水旱之憂洵良法也年久失修底多滲漏先生商之紳士曰此工所費甚大非二三萬金不能蕲事三邑農田水利所關自應公同捐辦此工必須十月興修三月竣工集資有需時日非急就之事先生詳請按畝捐派并請入告大吏奏奉

諭旨允行如期功成近無水澇之患士民德之十一
月初九日三子之鑑生爲王孺人出之鑑爲邑
廩膳生應壬子科順天鄉試中式副榜第十三
名就本職王孺人以子貴例封王太孺人

十四年甲午

先生年六十一五月卸山陰縣事七月二十日
三孫澍生是歲夏浙江東海塘傾壞令實缺州
縣修理先生於簾差事畢題補歸安縣知縣先

赴新任旋往督辦海塘事計修魚麟塘一百四十丈埽工二百二十丈盤頭一個至十六年工始竣

十五年乙未

先生年六十二二弟漪軒自里至署九月十八日四子之鎔生母故張孺人撫爲子

十六年丙申

先生年六十三二弟漪軒同里四月十六日知

次子之銘中式第二十名貢士

殿試

賜二甲進士改翰林院庶吉士七月先生入都引見奉

旨准予補授歸安縣知縣是歲之銘請假隨侍至浙九月至任十月四弟滌齋來署

十七年丁酉

先生年六十四二月二十日四子之釗生母故

名
王太孺人撫爲子命之銘回館肄業

十八年戊戌

先生年六十五調署仁和縣事知之銘散館一
等授職編修十二月十四日平太夫人卒於杭
寓生嘉慶丁未年十月二十六日紀年五十有
二

十九年己亥

先生年六十六正月之銘奔喪至浙二月十一

日四孫澤生五月十一日五孫沛生是歲秋回
歸安縣任

二十年庚子

先生年六十七命之銘奉平太夫人喪歸葬於
錦屏鄉尹家山

二十一年辛丑

先生年六十八引疾退命之銘回京供職十月
爲長孫女兆麟麟贅姻於杭江西謝蕉石觀察長

孫竹慈明府長子邑庠生名開第

二十二年壬寅

先生年六十九爲長孫淳娶粵東張雲巢鹽政
孫女堯仙太史女三月先生就養入都爲二弟
漪軒長子之鏌捐兩淮鹽大使先生初意以眷
口繁多非京秩所能給藉此一官作養贍計王
太孺人張孺人及子女暫居於揚州

二十三年癸卯

先生年七十就養在京之銘 奏辦院事充

國史館纂修官本衙門撰文庶常館提調教習
庶吉士先生深以爲慰九月二十八日卓海帆
相國李芝齡尙書楊壘雲侍郎彭春農學士趙
蘭友金湘門觀察李紫庭學博皆辛酉同年友
與鄉先生及年家子爲先生七十壽

二十四年甲辰

先生年七十一十二月初四日五女順官生爲

林孺人所出

二十五年乙巳

先生年七十二二月初五日之銘蒙

簡放四川保甯府知府先生就養於任愛嘉陵山水
遊覽殆徧是年八月之銘兼署川北道事十二
月卸川北道事

二十六年丙午

先生年七十三六月二弟漪軒卒於家先生哭

之慟曰予自幼宦游先父母賴弟以待奉至性
純孝能以志養料理家務備極勤苦不意未六
十而棄予以去也七月初四日六子之鉦生爲
林孺人所出

二十七年丁未

先生年七十四十一月二十八日六孫浚生十
二月初八日七孫淋生是年王太孺人率子女
自揚州回里冬遣嫁四女喜蓮於同邑縣佐單

功定

二十八年戊申

先生年七十五二月初三日自保甯旋里與四弟滌齋聚於家三子之鑑歲試補弟子員科試一等食廩餼先生居家蒔花種竹不與外事與趙友蘭朱蓮池時相過從雖貧居蔬布怡然自安是年之銘復署川北道事遣丁迎養十二月二十八日率張孺人及之鑑至署

二十九年己酉

先生年七十六五月王太孺人率四女喜蓮至
署湖南土匪擾及平鄉等處大肆焚掠倉卒避
賊而出二月十八日四弟滌齋卒於家先生慟
哭之幾忘寢饋蓋生平篤於友愛如是八月十
八日長曾孫開元生

三十年庚戌

先生年七十七十二月之銘保薦卓異

咸豐元年辛亥

先生年七十八七月長孫媳張孺人卒於保甯
郡舍八月之銘調署重慶府知府先生就養於
署之鑑自本省鄉試至署命贅姻於杭爲范吾
山觀察女旋卒遺一女殤

二年壬子

先生年七十九五月之銘卸重慶府事回保甯
府任六月署川北道事先生寓居渝爲長孫淳

續娶同鄉張春荃郎中女十月知之鑑中式順
天鄉試副榜

三年癸丑

先生年八十三月之銘卸川北道事以卓異俸
滿調取引

見先生移寓順慶二月二十八日七子之鈞生時避
暑於甘露寺以吟咏爲樂六月二十二日之銘
引

見奉

旨准其卓異加一級仍回任候陞欽此二十四日具

摺謝

恩

召見仰蒙

天恩垂詢 先生年歲精力曾否出仕曾否迎養之

銘叩頭敬謹以實

奏對本日奉

上諭陝西潼商道員缺著徐之銘補授欽此二十五

日具摺謝

恩復蒙

召見九月十六日到任時值河南懷慶山西平陽失
守之後商南毗連楚北賊氛甚熾潼關與晉楚
豫接壤固原提督桂明駐兵控守之銘總理潼
關糧台及防堵事宜是歲先生年八十寄諭之
銘曰時當軍務喫緊之際責任綦重吾家世受

國恩正當及時圖報不准以予年老請假省親有負
委任經理糧台爲軍需錢糧重務固宜潔已奉
公事事從實但一切宜與糧員和衷商辦不可
膠執己見有誤事機其誌之

四年甲寅

先生年八十一仍寓順慶二月諭之銘曰予自
上年九月感冒遷延未愈精力頓減時自靜攝
非愛此老朽無用之身不過要汝及時圖報汝

一日在任當盡一日之血忱或上天鑒我父子
愚悃暫假之年亦未可定毋以予衰疾辦事稍
有紛亂六月命之釗贅姻於渝爲粵東羅次垣
觀察第五女七月初三日之銘接奉行知六月
十四日奉

上諭湖北按察使司員缺著徐之銘補授欽此十二
日具摺謝

恩籲請

陞見閏七月初六日奉到

硃諭著卽行赴任不必來京正擬將防堵糧台各事宜交代清楚馳往任事先生寄諭之銘曰予前諭汝老疾日增精力日減自入夏以來忽患泄瀉似痢非痢日夕至二十餘次十餘次不等八十以外人何能堪此知來日之苦短也予有未盡之言力疾諭汝其詳誌之汝自束髮就傅予卽執掌簿書每少訓教於汝幸以祖宗之蔭庇

師傅之教誨少年獲登科甲濫竽詞翰旋出典
外郡疊蒙遷擢予自就養以來觀汝心地尙屬
不壞於地方公事亦頗勤懇但少年好勝之氣
未除疾惡太嚴深爲汝慮大凡讀書人便做得
好官亦是分內應當之事不爲奇特汝便願學
爲君子人豈甘自處於小人多少有本領的人
都壞於矜之一字要求不矜談何容易須先於
恕字做工夫聖人謂終身可行我輩如何學得

到恕字總之凡事到面前雖極橫逆不堪之境
平心替人想一想我便快心人卻難受則惻隱
之天良自然發露且事當繁重難以措手須從
容就理若一輕怒則種種錯亂隨之况輕怒者
無威官之爵秩原有大小古今情理祇此一個
一人之智計有限衆人之耳目能周若自以爲
是人將緘口不言彼此之情隔絕則事之情僞
不知一旦僨事汝職其咎惟矢之以誠體之以

恕持之以慎養之以靜處之以和卽使意外風
波人亦相諒何至身敗名裂至功名富貴有命
存焉非智巧所能強得強得者亦命也予行年
八十一生潦倒汝能謹記我言竭盡血忱以報
知遇無忝家聲予無憾九原矣頭眩甚不能多
及其謹誌之是爲先生絕筆書

咸豐四年甲寅七月三十日甲辰

勅授文林郎

誥封奉直大夫

晉封通奉大夫浙江歸安縣知縣徐起渭卒

先生易簀前一日呼長孫淳至榻前曰予病篤不能作書有詩二首自輓一聯汝代書之俟爾父歸時使閱以寓吾志其詩曰退休不向田園老旅櫬言旋亦可悲奉諱西來秋盡日扶靈歸去雪深時鄉人多半皆宗戚喪禮聊當從俗宜卜地梅屏蒔花木春秋霜露或能知清白傳家

祖訓垂生平強恕是吾師一官掉臂貧堪笑八
十平頭病尙醫祇憾已逢蓋棺日未能親見止
戈時

國恩世受從何報勉爾丹忱地下知自輓聯曰脫卻
臭皮囊四大皆空八十年來殊夢短認還眞面
目一塵不染七千里外尙魂羈臨終時家人環
泣先生啟目視曰汝輩何爲者吾倦欲睡耳旋
起沐浴肅衣冠遂逝蓋其生順死安至彌留而

海正漁光正年譜

三

神廟不衰如是

男之銘恭



總目

遺像

墨跡影宋本說文繫傳序 劄記一頁

序

例言

叙錄

著書目

校書目

年譜

譜餘

俞理初先生年譜

總目

補遺

跋



重刊影宋本說文繫傳序



許氏叔重當東漢結說猶存之時博采通人誤說文
解字。後為小學所取法。呂忱字林出。頗有新義。唐重
書學兼用說文。字林。學徒傳錄。多解混之。李陽冰又
以己意刊正。唐人引說文。已雜呂李說。至南唐徐氏
兄弟。鼎臣。楚金。為說文學。始專家。楚金就書。殿之書
校。定作繫傳。鼎臣入宋。見秘閣書。較廣。承詔校定。自
為一本。後人分述。大小徐本是也。小徐不喜李說。多
辨論。今繫傳。依疑義。其字不當在通釋者。及宋雍熙
時詔附益者。皆有之。蓋宋人合解之。詳氏解義者。

讀二本又互有多少是誠讀說文者不可不兼覽之
書說文存世宙者僅徐氏二本二百年來大徐本學
者能有其書獨小徐繫傳無善刊本道光丁酉壽陽
祁春浦侍郎視學江蘇聞有佳寫本欲刊示學者余
以有益小學之書多一本即得一本之用約共成之
己亥秋刊畢其郵借芟補之勤及作校勘記侍郎序
武進李中耆前輩跋己詳其事故惟述小徐之有裨
說文當為流布者為之序道光十有九年十月

承恩... 承恩... 承恩...

承恩... 承恩... 承恩...

承恩... 承恩... 承恩...

承恩... 承恩... 承恩...

西遊記

今所行孫行者西遊記山陽吳承恩撰...

法降者陳慈王休...

古卷中...

相敬情与...

有旨詞本...

求長生福...

我後是...

吳仁傑...

定祥...

大...

引真...

秘惜...

墨三



俞理初先生年譜跋

余自十餘歲時得讀俞先生之癸巳類稿及存稿而深好之歷五十年而好之如故欲爲俞先生作年譜苦無四養齋詩集吾友程君演生爲於王君立中處覓得一冊王君且以所藏之俞先生劄記一冊見借又貽我以俞先生遺像之印片程君又爲我覓得俞先生及其弟正禧之鄉試朱卷於是參考之材料稍稍具矣乃寫年譜初稿然尙以爲未備欲再有所輯補經年未脫稿王君不及待乃自爲之數月而成以示余余以余之初稿對勘之王君之稿較爲詳贍余稿中有若干條可爲王君補充者徑補之以致

程君附印於安徽叢書二集中俞先生手訂本癸巳類稿之前賴王君之精進成此年譜何快如之

抑余猶有不能已於言者余之崇拜俞先生有最重要者二點分述於左

一認識人權 男女皆人也而我國習慣寢牀寢地之詩從夫從子之禮男子不禁再娶而寡婦以再醮爲恥種種不平從未有出而糾正之者俞先生從各方面爲下公平之判斷有說明善意者如類一（卽癸巳類稿卷一下倣此）大象傳后義說泰傳復傳姤傳之后皆周之王后類十二並配義以繼室宜並配存四（卽癸巳存稿卷四下

倣此）女子稱謂貴重以娘子爲一家尊稱託意至高同
卷姬媵謂「姬者美女之稱貴妾呼媵若以爲主母之姊
妹也者卽古之娣媵又以明女君不妒忌」類三娣媵義
謂「嫂婦其位娣媵其年禮本人情必各遂之其義始備」
類十三妒非女人惡德論謂「夫買妾而妻不妒是愬也
愬則家道壞矣妒非女人惡德妒而不忘斯上德」存四
女謂「白居易婦人苦詩其言藹然莊子天道篇堯有嘉
孺子而哀婦人之語書梓材成王謂康叔敬寡屬婦合由
以容之語而歎爲聖人言以天方典禮有妻暨僕民之二
弱衣之食之勿命以所不能之語而悟持世之人未有不

計及此者「類七釋小補楚語筭內則總角義謂「可觀古人尊長謙幼之意」存四額黃眉間黃謂「嘗求相法女人妝飾皆是好相」類三女弔壻駁義爲弱女證明無遠弔之責類十三貞女說謂「男兒以忠義自責則可耳婦女貞烈豈是男子榮耀也」存十三亳州志木蘭事書後以木蘭代父爲師都戍而不肯入師都宮爲合於孟子往役禮也往見非禮也之義而歎爲眞女士同卷尼菴議證明女身可受記爲如來可化爲金輪王可轉身爲釋迦文佛爲彌勒佛是皆從理論說明女權者也有爲古人辨誣者如存一廣解謂「棄婦能念其夫愈是賢」存一魯二女

以爲妄人所誣故爲證明之同卷息夫人未言義以未言
爲守心喪禮楚樊姬涼武昭王后尹氏亦然類十二書舊
五代史僭僞列傳三後對花蕊夫人謂「能改齋漫錄之
別護送聞見之頗示寵鑒戒錄之妄詆徐后皆誣釁不成
人美」類十五易安居士事輯謂「素惡易安改嫁張汝
舟之說不甘小人言語使才人下配駟儉」又謂「至後
人貌爲正論碧鷄漫志謂易安詞於婦人中爲最無顧藉
水東日記謂易安詞爲不祥之具此何異直不疑盜嫂亂
倫狄仁傑謀反當誅滅也」有爲無告訟直者如類十三
書舊唐書輿服志後謂「古有丁男丁女裹足則失丁女

又出古舞屣賤服女賤則男賤」類十二除樂戶丐戶籍
及女樂考附古事謂「除樂戶之事誠可云舒憤懣者」存
十四家妓官妓舊事以楊誠齋鯨妓面孟之經文妓鬢爲
「虐無告」無一非以男女平等之立場發言者

二認識時代 人類之推理與想像無不隨時代而進步
後人所認爲常識而古人未之見及者正復不少後人以
崇拜古人之故認古人爲無所不知好以新說爲古人附
會而古人之言反爲之隱晦俞先生認一時代有一時代
之見解與推想分別觀之有證明天算及聲韻者如存三
與程君式金書謂「學嘗知古今之分者天文測算小學

聲韻二家劉向之贍雅且以夏歷不合爲僞劉歆引經以證其術後人又以時法說經經義遂晦依經立義則疇人子弟妄爭之…嘗謂以渾說經則亂經以經子證算則亂算…經自有法鄭以緯說之是也大明自有法劉宋所行者是也算自有法今算學生所用者是也言小學者不知聲音遞變好言古音…又多不問古人作文字之意略有所聞輒欲執古改今又不精密竟成醜謬見人強言字母而自跲於方言欲彼此不相曉是人不須有言矣更何須有音韻又何問音韻之當否乎」類十書開元占經天體渾宗後謂「天部之學與音韻之變或世異地異不能強

同說經者引王蕃注天依廣韻定讀皆所謂無是非之心者也」有專言天算者如類一光被四表格於上下古文說謂「緯書所言與算經事事皆合經緯俱用蓋天也其率周三徑一後世王蕃祖冲之更開密率則虞夏史臣所不及知不得引後證前失其本旨」「今求渾天取蓋天第四衡其外則反之無所謂四表其法今是而古非然古人已非矣不得掩其非而沒其意」「故鄭說經專采緯義不涉渾天正如書之王位不得以漢唐之王當之也」類十蓋天論謂「今求之經傳諸子史記太初憲以前皆蓋天蓋天實疏不勞後人飾之」「蓋天但無南極故與後

人之說全異三國以後矜言渾蓋通憲甚無謂也」同卷
史記用蓋天論謂「渾天之說誠是以之說漢書則不可
况以之說史記又進而說經乎又况以回回西洋所得之
數說經夫知古而不知今與知今而不知古皆疏漏之說
也」存六天門謂「乾位在西北以天門所在蓋天之說
也渾天則不然故說經宜通蓋天……不知蓋天則經子皆
可疑矣」同卷燭龍謂「經緯子及佛書皆蓋說後人治
渾乃好引之非特亂古直自亂其算二千年來術士不悟
也」存六日長短論謂「渾天日月高下里差不可以說
蓋天」類十古憲論謂「減四分求交食定歲差乃後人

推得古人本所不知非其術僞也」——自古經傳皆各用其時憲法雄（揚雄）烏從豫知後世有承天法且承天法後亦不驗自蔡邕以後世法說月令而注與經背久之時術又改展轉相謗其法亦廢是經義終不能明注說又不可用無益於術而有害於經是故說經傳者當知其時布算立度而各申其旨則於天學沿革當明古憲不可不知也」——七政西移自一代之法……說夏書者必宜知之而後儒以概唐虞商周又宜明太祖之漫斥之蓋惟夏憲則可以七政西移言之也」——梁人刻漏經以佛法九十六刻爲古初亦不悟古今各異制妄造故實也」——古憲

不可行於後後世之法亦不可以說經蓋術雖工非經本意也」「事有沿革貴好學深思心知其意循文求義各申厥旨而後進求精密庶亦舉妄破經義詆毀古憲二千年之陋習而空之」同卷天事闕疑說謂「東漢言聖人記日食者以正失朔不悟聖人並不知日食而合朔也」「日食與復三代聖人尙未能知由積測未至後人不知當時之意乃爲聖人展轉諱之則妄矣」「日食定是合朔而古人則定不知也」同卷恆星七曜古義謂「漢人所創之法不可以說三代古書」類三中星鄭義謂「書禮中星不同後人以歲差解之……歲差非作書禮者所能

曉」類十六壬古式考謂「凡術當順天以求合不可爲法以改天古人制法適與其時天行合」存六天九重謂「天以十二重布算其法精密然以說經則經文當改抹矣言九重者則在中古」「古人測候未全非故爲其疏也」同卷歲星謂「鄭言小周服言龍跳天門以後世所推者說古古人實不能知也甘氏所推已有遲伏若緯止言歲行一次與經傳合古法疏故謂之歲後法密當曰木星不當曰歲星矣」類二啓明長庚古義謂「今法作詩者所不曉古法則如此」存六日月古證文答宣城張徵士炯謂「古今名義不相蒙者儒者當知其意知春秋時

吳楚而疑今名江南者非也。知今江南而疑明名直隸者亦非也。日月之說宣城定九梅先生之言是矣。元明人之言是也。然古人測之未詳，就其所見言之亦是也。有說地理者如類一揚田下下說謂「揚州田下下荆田下中梁下上此卽禹作貢時地方言之也……年久土復而揚荆梁三州之田皆後世之最上者，地力不同故也。」有說禮制者如類三周鄉遂田制義謂「遂人匠人一以夫計一以井計，事本不同制無緣合。大司徒助制遂人大司馬貢法，周官貢不爲井，後人欲以己意井之，遂改說周官使不可通……陳祥道鄭樵謂遂人匠人之制無不合者，不識數

矣」類三古命於廟義謂「古者爵命必於祖廟以祖孫同廟故就之王制云爵人於朝秦漢之制祭統云古者明君爵有德必於太祖乃漢時儒生測度之言」類三鄉與賢能論謂「說者引唐事以况宋已爲不達况引周事以繩明選舉經義益荒援據失義矣」類三媒氏民判解謂「此令也非禮也禮不下庶人令言其極不是過以令爲禮則文義不通此經文之晦久矣令各有爲制各有時不可不察也」類二問名義謂「婚禮問名者太古相傳之禮而記云問女爲誰氏則周禮也」有證明古書詞例者如類二兄弟辭解謂「閔元年傳子女子云以春秋爲春秋

今以公羊爲公羊當如此」類二春秋書比月日食義謂「時無推日食之法失在策書（謬複）孔子不能追改以春秋爲春秋」類三君子子解謂「以君子爲貴人周人之語也」同卷食之者寡義謂「聖人必重農然書各有義大學實不曾說重農不必改財貨爲米粟失古人本意」類七書隱三年左傳後謂「貳叛弑古語上下共之秦漢以後始定於一今讀古書多險詞當知古今之所以異」同卷補儀禮篇名義謂「白虎通云王太子亦稱士何……是東漢人不知古言之證……古人愛之則曰士惡之則曰夫夫也美之則曰如處女譏之則曰婦人也古言茫

昧意則可知吳越春秋云貞明執操其丈夫女哉出辭倍
矣且此女三十未嫁子胥何得呼爲夫人尤作書者東漢
人不明古語之證「類十一百里奚事異同論謂「奚實
賢者後人喜稱說之增加事蹟不能強同」「商君傳自
是趙良之言史載其言不得改之困學紀聞引范太史謂
遷言自爲違異此范亦可謂不違史體矣」同卷秦漢亥
正記事記言說謂「封禪書於是秦以冬十月爲年首又
云高祖以十月至霸上因以十月爲年首此記事之詞以
作者時所謂十月追名之則易曉也封禪書又云高祖十
年春有司請令縣常以春三月及時臘此記言之詞依其

言記之不失實也」類十二書五代史馬縞傳後謂「讀者不察古今語言文同義異之致乃疑古事矣」類三鄉射堂義謂「敖繼公集說云記言出東房是必有西房有室此本於朱子儀禮釋宮注乃宋元人作室法周公所不曉」同卷旁三義謂「宋元諸儒所言左右旋乃僧義淨法與東西南北經緯之改自西法者誠各有意然必不可牽之以證三代舊書也」其於引後證前執古改今兩方面之謬誤言之重詞之複可謂詳盡而透澈矣

右二點外尚有可附記之一點張石州序癸巳存稿稱「理初足跡半天下得書卽讀讀卽有所疏記每一事爲一

題巨冊數十鱗比行篋中積歲月證據周徧斷以己事一文遂立一可以見俞先生準備成立之方法然此等一事爲一題之稿冊尙未得見而所見者有一劄記卽王立中君所藏者其體例於讀書時隨筆疏記標題之有無不同而以聯想所及之材料附之其他時所得則書於別紙而簽誌之蓋此爲最初之疏記而張先生所舉之巨冊數十則第二級之疏記也附記於此以覘俞先生工作之一例焉

中華民國二十三年五月五日蔡元培

序

吾邑俞理初先生引江戴之緒學貫九流口敝百家性介
家貧手成官私弘巨著述等於傭力不自署名其癸巳兩
稿甄錄繁衍又或視同補苴裨績之業故李元度氏國朝
先正事略并其名而無之數年來擬輯先生年譜顧山居
徵集羣書極感困難去年春蔡子民先生介吾友程演生
兄徵予所藏俞先生手寫劄記謂方編訂年譜私幸鄉先
正學術得通人以張之則急郵致所藏供其甄采願遲至
年餘音息寂然則不自揣鈎稽各書年月件繫費三月之
勤草稿粗就鄙意尤所屬目者則凡不自署名之書必細

細稽討指出證據蓋先生年二十餘卽饑驅南北旅店篝
燈蓬窗安硯船唇馬足不廢著述畢生勞苦倘并此後世
之名而亦湮沒之旣短後賢之望尤不足以瞭解先生學
術之全山中藏書旣極儉陋而月躊躇幾中輟者再稍引
其耑集證尙猶有待倘子民先生不斥其譏劣指正之補
充之俾俞先生思想學歷顯白於學者後世豈僅區區之
私幸已哉

民國二十二年歲次癸酉冬月叔平王立中書於城南草
堂

例言

癸巳類稿二百四十九篇存稿五百五十六篇類稿爲先生手自編訂存稿亦一本前例雖未分類實以類相次然署年月者不過十之二三其重要撰著旣無法證其歲月除錄程侍郎序外輒就譾陋所及摘錄原文稍加案語爲叙錄若干條其單詞片語之有關眞性者亦甄錄一二以概其餘冀爲讀先生書者先導焉

凡不署名之官私著述必鈎稽博考一一指陳其歲月如五代史記補注續行水金鑑等一經抉剔則鑿然無復疑義寒士辛苦著述并此後世之名猶復湮沒之是亦予輯


先生年譜動機之一惜山中徵集圖書極感困難海內鴻學尙希不吝指示

先生著述分現存不自署名亡逸三類列目而草稿批校本確然知其歸宿者與書爲某人校者亦一一詳列其目庶有以攷信焉遺逸詩文或墨跡或見於他籍另爲補遺一卷附之譜末予藏先生手寫劄記一冊因字過多擬另輯出別印單行名曰俞理初先生丁酉劄記

先生之沒去今已百年文獻凋零立中雖生同里衍而蒐羅材料乃極感枯窘如可亭先生何時到官句容元配王氏繼配萬氏娶在何年卒在何年中秀才之選又何年二

子懋瑩懋穎生卒年月譜例必一一詳載竟付闕如據竹
瑞堂詩鈔哭先生詩曾爲劉金門入幕之賓事在何時又
據癸巳類稿嘉慶二十年曾客休寧縣汪氏一年所纂何
書近在隣縣傳自同時鄉人之口竟不能詳諸如此類待
補尙多是則有待於吾鄉好學喜讀先生書者隨時訂補
也

編纂此譜胡敬庵先生慇勉最力並介俞氏族助其蒐
討材料例應誌謝



敘錄

清儒考證學對於學術界貢獻最多其治訓詁也往往一字音義列證至百餘精確無以復易先生生當乾隆末葉經學方面諸老宿已有至優成績似無發展餘地輒利用前輩治經歸納方法向多方面發展對於歷史糾誤辯誣疏證用力尤勤如韓文靖公專輯易安居士事輯篇各五六千言引書至數十百種爬梳排比鈎稽年月無一字無來歷非淹博強記有十百人之力何能一氣呵成較之治訓詁由懷疑而懸一鵠的遇同此鵠的者輒疏記之積年累月證具義定此則散在羣書正史野錄故書雅記方志

目錄詩詞小說書非一類事非同時非胸蘊羣籍無由標其鵠的非定一鵠的又不足以貫串之綜合歸納而情實昭然詳與誣不待駕詞雄辨梁啓超氏謂先生之學長於局部考證予謂此種歸納方法用之於史清儒僅先生一人全部著述均以此法治之如百里奚事異同論書宋史梁顥傳後關內侯說漢南北軍義等篇皆史學方面重要論著也

不獨偏於考古也卽近代史料如駐劄大臣原始總河近事考喀爾喀伊犁阿拉善書西域見聞錄後險樂戶丐戶籍及樂女考附古事書舊唐書輿服志後木棉考均旁推

互證證無贖義爲後人治政治風俗經濟史者省無限精力而少吏篇上下數千言條舉其制有五善「以知閭閻善惡以徵調軍旅以知戶口賦稅以察奸弭盜用爲官役」疏明歷代利弊之跡十八九猶可行之於今日也

戴東原著孟子字義疏證醞釀故訓而出予朱子以重大攻擊承其風者至毛舉纖細卒之有漢宋門戶之爭癸巳兩稿對於宋人性理極少討論惟皇極篇引朱子云「天卽理也又云性卽理也此粹然儒言」對於朱子從未顯攻其短如書古文尙書冤詞後「枚書固宋以來言精言微言心性者之資糧也而朱子獨以爲疑嗚呼卓矣」卦

變篇「古今言易者鄭虞之外惟朱子耳」惟對於宋人惑經誣古則必辯「五代宋時有陳搏關朗种放邵雍劉牧之圖一爲九圈一爲十圈陳以十圈爲洛書關以九圈爲洛書蓋道士見聖人受命紀年則亦有延康龍漢之號見聖人設官分職則亦有金闕上相之名見僧徒撰有蘇由闕澤誑主之言陳搏終南太乙碑亦撰漢武帝詔問有司奏案道藏三洞要典云太乙元君作九天之祖母其諸太乙則居衆辰之首萬曜之先爲天皇上相見儒家易經有云太極河圖洛書陳搏亦言秘傳有太極圖又別有河圖洛書今世通人謂宋洛書是太乙下行九宮不知彼所

謂洛書者本十圈也宋人以八卦九疇爲妖妄而反用九
圈十圈之圖請得質之古所謂圖五代宋所謂畫也古所
謂書五代宋所謂字也今九圈十圈之圖中無一字止應
名爲河圖洛圖何以謂之河圖洛書乎此道士無智之論
雖蘇張復生不能爲之解也（存稿卷一洪範洛書義）
大學本漢時詩書博士所雜集後人誦之不熟乃始有紛
紛之論至塗竄其文深滅其誠意之義宋人改之謂是曾
子撰明人改之謂是子思居衛撰又謂其說出於賈逵使
曾子子思賈逵沒世後又增一篇文字爲尤妄也（存稿
卷二致知在格物）不寧惟是凡魏晉儒誣古亦必辯如

「魏王肅何晏王弼晉皇甫謐唐啖助趙匡陸質宋孫復
王安石此九人者蔑棄典文幽沈仁義游辭浮說波蕩後
生使易書禮春秋論語舊說盡亂而王肅最爲精悍」謂
之異端（存稿卷十四異端）而白席篇謂「通鑑綱目有
書法發明等書續綱目又有發明廣義等雜于事實之中
卑情諂態甚可厭惡容齋五筆云楊愿佞秦檜檜食間噴
嚏失笑愿倉卒間亦隨之噴嚏失笑此等書頗似之」
嘉道之間國力漸卽削弱留心邊務具遠見者外人制器
之精知非從前隣疆小國可比先生同時之友如張炯澳
門紀略汪文臺英吉利考略魏源海國圖志癸巳兩稿中

俄羅斯左領考俄羅斯事輯荷蘭篇及海國紀聞等皆不
外審敵自鏡之言而臺灣事輯引清聖祖五十五年十月
上諭海外如西洋等國千百年後中國恐受其慮此朕逆
料之言尤具遠識

主張男女平等喜爲古才婦訟寃如疏證魯季姬子叔姬
二女被誣書舊五代史僭偽列傳之後及李易安事輯均
發千載之覆詩集中更有題昭君圖詩序云「予於古之
美人獨念昭君及兩莫愁以爲洛陽豐麗石城閒曠昭君
則人才多智謀足明艷寡雙而恬淡無營母儀行國閱十
三載然而中土人士方且抒忱追慕嗟失其所競飾文詞

爭加事實亦可喜矣」蓋先生賦性嚴毅短書誣古必辯
事既供麗筆鋒所至文采爛然三節婦說「男子無再娶
之儀聖人所以不定此儀者如禮不下士庶人刑不上大
夫非謂庶人不行禮大夫不懷刑也自禮意不明苛求婦
人遂爲偏義古禮夫婦合體同尊卑乃或卑其妻古言終
身不改身則男女同也七事出妻乃七改矣妻死再娶乃
八改矣男子禮義無涯涘而深文以罔婦人是無恥之論
也」自程子餓死事小失節事大之說興寡婦再嫁士大
夫羞言之方望溪說禮對於婦人尤多不近情理之論存
稿卷四出夫篇「古人稱名必其義委曲可通出兼男女

則寡與獨亦兼男女……左傳齊崔杼生成及疆而寡則兼
男女也詩鴻雁傳云偏喪曰寡本是達詁「蓋先醞釀古
義最深持卓見不沿襲後起繆說也貞女說「後世女子
不肯受再聘者謂之貞女其義實有難安未同衾而同穴
謂之無害則又何必親迎何必廟見何必爲酒食以召鄉
黨朋友世亦何必有男女之分乎此蓋賢者未思之過」
精醫學持素三篇謂「拊翁以來至於小生匝月寤思庶
幾神明」則爬梳靈素整理羣籍先生亦頗自負矣談玄
莠書篇「宋蘇軾言每日胸中出少許議論積久便成一
書此宋時習派不問是非甚害事也石林燕語云晁迥晚

年耳中聞聲如簧如雷如鈴如潮如磬如蟬如泉爲學佛
仙之驗按此衰年腎枯之病也耳脈在腎骨之本在腎腎
枯則骨之相接處不潤故精澀神疲喜按摩欠伸頭骨不
動腎枯則頭昏矢志骨之湊理磨響耳根自聞之乃以爲
妙此種議論雖少許然不如不出也

先生信鬼神有非無鬼篇一聖人能饗帝孝子能養親獺
亦祭魚豺亦祭獸自人以至禽獸皆明鬼也娶妻如之何
曰共事宗廟軍旅曰社稷之事田獵曰宗廟之豆聘曰不
腆先君之器幣和好曰徼福於先君征伐曰先王之鐘鼓
自絕地天通以至每飯必祭古今明鬼也自四郊迎氣以

至大難逐疫善惡皆明鬼也」而駱君小傳明明見鬼繪形繪聲嘗云「自蓋天學隱儒者習於游詞始不足與知鬼神之情狀矣」言黃大王傳「過兩壩三閘得兩神佑」誦佛經上下篇」或曰誦經以求來世之福則真妄矣以愚度之此說又可信古之取士射中者爲諸侯後之作人文高者得美仕於治民平訟蓋無預焉而不費顯達佛於鬼神爲近端誠誦經者自當留勝因矣」則筆端尤挾憤懣之氣下至六壬占經相術推命無不探本窮源辨列雅僞嘗謂「通人不專家專家無通人」真確論也

--	--	--	--	--	--	--	--	--	--	--	--



1

俞理初先生所著書目錄

癸巳類稿十五卷

道光十三年求日益齋刻其板今猶存俞氏家祠聞頗有蟲損

癸巳存稿十五卷

靈石楊氏刻入連筠籥叢書光緒甲申謫縣李氏刻今其版猶存李氏

四養齋詩稿三卷

咸豐二年姪懋麟刻板佚

不自署名編纂之書

御纂春秋左傳

道光六年為程恩澤祁寯藻纂

五代史記補注七十四卷

嘉慶九年輯署彭元瑞劉鳳誥同撰

續行水金鑑一百五十六卷

道光十年十一年為張井纂

湖北通志

道光十五年林則徐聘纂未見原書不知署何人纂姑列于此

大清會典

嘉慶十年為葉廷斐纂

俞理初先生年譜

所著書目

已佚之書

說文部緯各一卷

校補海國記聞二卷

宋會要輯本五卷

俞理初先生稿本及批校本目錄

癸巳贖稿一卷 見藝風藏書續記卷二惟繆氏書已散
出今不知歸宿何地原跋並錄於下

俞氏手跋曰潤臣與其兄崑臣爲正燮理癸巳類稿已
付刊丙申夏潤臣索此贖稿欲寫存之笑與之約得清
本卽以與正燮而以此草與潤臣其與否想必肯也丙
申六月初九日正燮記

癸巳存稿三冊竟留尊處弟攜另寫本去冀有所增益
以謬承誨愛乃不知其醜瑣瑣奉瀆耳日來無事忙語
無條理事無頭緒此其所短也慮此卽問近好祝頌不

宣正燮頓首七月十六日

胡氏手跋曰黜俞理初先生所著癸巳類稿十五卷南通州王氏爲之刊行世多有之未刻者曰存稿張石州明經亦編爲十五卷靈石楊氏刻入連筠簃叢書而流傳甚少昨歲獲一刻本因借趙撫叔同年得諸葉氏所藏稿本三冊對勘知張明經所刪不止積精一篇尙有魏新字等十五篇實共刪去十六篇內除板開喻及時憲書後葉兩篇與類稿所刻大數不同乃別錄存之冠以原目而刻本增多四十三篇之目附焉於是先生之稿咸完具無遺失同治八年己巳二月郡後學胡澍書於京都大吉巷寓齋

手寫劄記一冊 現藏立中處壬申春蔡子民先生曾借
去影印數頁立中嘗跋其後茲錄如下其未刻者擬繕
寫另印

去年冬書友來談謂荒攤上有殘書內有寫本一冊索
價昂予亟偕往觀之審爲鄉先正俞理初稿本亟收之
頃細細翻閱係道光十七年五月至八月讀書隨手劄
記之本凡經義史例朝章雅故下至藥方雜碎詩稿律
例無所不記其墨筆鈎勒者已刻入存稿爲用紙條一
一標出詩則上加珠圍者已刻入四養齋詩稿餘均未
刊因此而悟治學之法則凡讀一書須眼銳筆勤觸處

二
旁通由單詞片義多積而歸納之立一說則上下古今
言必有佐證證必辨真偽雖以俞先生之目下十行設
不如此勤學勤寫恐亦不能成其宏通博雅之造述也
予讀書半生無一手抄之本對此能無愧死

稿中標年月凡三處一右讀元詩在漢上偶錄之丁酉

五月初五二丁酉七月初四日讀青箱雜記抄此數行

三道光丁酉八月二日丁未記此三語可爲佩

時在夏
江夜未

涼按丁酉爲道光十七年先生年已六十三矣而猶勤

學銳思細書潤密如此丙寅

批校本書集傳 書爲崇道堂刻本朱筆批校藏立中處

跋如下古文眞僞爲六經中一大案至閩若璩尙書古文疏證歷指枚本剽竊所自出本成信讞俞先生謂閩百詩說古文醇疵相半（見存稿卷十二篋園日札序）此批本更廣引羣書證枚本割裂雜湊疏比指實強辨如毛西河亦當關其口矣文繁不徵茲摘錄禹貢篇糾正宋儒說若干條蔡傳案桑欽云周定王五年河徙磔磔校云無磔地此本河徙注云今磔耳（按此或宋本經注相混未經董理以前實如此）蔡傳蓋禹河自澶相以北云云批云此言誠通人之論但宋人南渡後不知河北地理澶相東去西山甚遠無山麓也其時河

行今真定地耳大陸在真定無疑集傳漢王橫言云云
批云此言可信青州之遼東中斷處是也集傳遂有味
別之說批云此等言險而無理聖人寧不知味乎但蘇
說本不足取蔡駁尤不似儒者之言集傳錫者必待錫
命而後貢批云史記集解鄭曰此州有錫則貢之錫所
以柔金也考工記攻金之工執金錫之齊集傳今詳漢
九江郡之潯陽云云批曰此等議論由不詳古今地勢
耳史記河渠書云余登廬山觀禹疏九江則爲今鄱陽
上流審矣東陵地志云在廬江金蘭縣西北在今河南
固始地豈得以宋時水流言之反謂古人非乎其誤由

鄭樵地名不同山川不異二言耳集傳地志水經云在安豐者非是批云在安豐自是確義乃云非是何異閉目而談黑白集傳山甚小而卑云云批曰此義又非矣禹貢不必皆取大山自言岷山所盡處耳與廬山何涉集傳西北皆以黑水爲界云云批云黑水出南廣縣可入南海又烏鼠山西有三危山近岷山見漢書相如傳注張楫說集傳既非從東折北之高地批云須知禹貢黃河由此北折載之高地鄭氏不得誤也渠傳今廬江之北云云批曰此言正確以北江證之朱子之才智過人遠矣但後多轉折耳集傳孔氏曰烏鼠共爲雌雄云

云批曰確是二山亦確有此事亦確見於經確可信今人或亦詆蔡注謂是一山今山東人呼華不注爲鵲花山土人名同一例不足據也華不注去鵲山三里而武成篇批云枚本之意自惟一月至弗服是言武功成也自丁未至承厥志是以武成告神告天下也自底商之罪至大定是告成言終更序其事也自乃反商政至天下治是言所以大定之德政無所謂錯簡正義云旣戊午之上失其本經史叙戰事當承于征代商之下而此句次之言甚妄誕宋人好言錯簡遂從而大改之不知此經此傳皆一人所作並非古書更無錯簡之理且各

段字數參差不合一簡如何致錯程朱於此亦千慮之一失而蔡氏和之可愧矣此本攜往江西遭匪遺失見城南草堂曝書記前跋今竟尋獲豈鄉先生精神所寄真有神物呵護之歟擬影印以廣其傳庶永無後悔也
甲戌

校本六臣注文選 書藏立中處予有跋載本譜道光六年下

校禮記集說 書爲崇道堂刻本藏立中處有校正置算兩條依樣逐錄於下 王制古者以周尺八尺爲步一節注校云此疏置算誤所謂愚案者誠愚案也鄭注云

當百五十六畝二十五步其數至確疏何解而不依之
陳澧又刪之可怪也

古步積六千四百寸 今步積四千零九十六寸

畝六十四萬寸 畝四十萬零九千六百寸

百畝六千四百萬寸 百畝四千零九十六萬寸

五十畝二千零四十八萬寸

六畝言四十五萬零六百寸

二十五步十萬零三百寸

恰合古百畝積寸之數卽依疏又八折計之亦合不知
陳孔何處尋有畸零也

此里數亦經誤不得有分數也

古步八尺里二百步二百四十丈百里二萬四千丈
今步六尺四寸里二百步一百九十二丈百里一萬九千二百丈

今百里 一萬九千二百丈

二十里 三千八百四十丈

五里 九百六十丈此係鄭注其數至精

孔疏悖注且其數尤謬冷依其說推之亦與其數不合

古步六尺四寸里二百步一百九十二丈百里一萬九千二百丈
今步五尺二寸里二百步一百五十六丈百里一萬五千六百丈

今百里 一萬五千六百丈

二十里 三千一百二十丈

三里 四百六十八丈

二十步 一十丈零四尺

三步 一丈五尺六寸 又四寸合古百里

又王制方一百里者爲田九百畝上卅字朱筆圈去

爲田九萬億畝萬圈去旁書千字 爲田八十萬億一

萬億畝兩萬字均圈去旁書千字按癸巳類稿卷三有

鄭數學證義編可參驗

晚年校改本癸巳類稿 現藏黟縣杏墩胡敬庵先生處

安徽叢書編印處近據影印

永懷堂十三經古注

漢學師承記

杜預春秋左傳注

惠棟禮說

張中法正字要說

以上五種均經先生批校見黟縣王以寬氏靜怡山房書目後被焚有恆心齋竹瑞堂文抄均有序目藏立中處

校宋本說文繫傳道光十七年爲祁寯藻校

校顧氏方輿紀要道光十二年爲陳用光校

校六壬書嘉慶十一年爲楊芳校

校三古六朝文目道光十八年爲祁寯藻校

俞理初先生年譜

稿本及批校書目

七

This image shows a blank ledger page with 11 vertical columns and a header row. The columns are of varying widths, with the rightmost column being the narrowest. A small tab is visible on the right edge of the page, and a rectangular box is present at the bottom right corner.

俞理初先生年譜

山陰蔡元培參訂

黟縣王立中纂輯

先生姓俞氏名正燮字理初安徽徽州府黟縣人其先世概略見先生在嘉慶二十五年所作俞氏世譜序其文如左

俞姓本出俞跗或言周伯牙亦姓俞檢呂氏春秋本味篇高誘注則伯氏牙名其姓俞之說無所出其後吳俞韶賜姓孫梁俞藥改姓喻而俞姓益單今所知者宋柱國諫臣公墓誌銘言晉永嘉之亂俞氏自河南徙居黟歙見劉公是集而咸和三年蘇峻祖約屬賊韓晃攻今

涇縣之蘭石宣城內史桓彝遣將軍俞縱守之力戰死
或云宣城人以先籍河間故今河間爲俞氏望柱國致
仕居杭州慶歷六年返葬歛云從先人居也是則河間
俞氏徙居黟歛可攷者其姪孫康直字彥之檢鎮江府
志人物孝義云從其父希言自黟來居潤州用從祖柱
國恩爲太廟齋郎潮陽主簿後通判睦州其先世有田
在錢唐讓而不有則宋時黟邑有俞姓而僑居於杭至
彥之公則父子出遷今丹陽而彥直公仍祀黟學鄉賢
祠中我族在黟者祠譜言由婺來居自明中葉時玄泗
公始有世系可攷初居東門外俞家園天啓時始建北

街家祠云（此序從其族人抄出）

曾祖啓侯祖成溶父獻字可亭乾隆四十二年拔貢生
工駢體隸事尤熟於掌故曾主講河南聞政書院（見
抄本俞氏家譜）官句容縣訓導署望江縣教諭著有
星巖集（未有傳本）母程氏黟城中桂林人弟正禧字
鼎初道光十七年舉人著有薌林堂文集二卷（未見
傳本）正馥字見初經商於江西正祺字介初正樞正
佺（見黟縣志及家譜）

乾隆四十年乙未九月初七日先生生

先生之父可亭先生二十六歲（据家譜父母同庚）

包世臣生 李兆洛生 嚴可均十三歲 阮元十一歲

乾隆四十一年丙申二歲

五月戴震卒年五十五歲

乾隆四十二年丁酉三歲

先生父可亭先生中拔貢生

乾隆四十三年戊戌四歲

乾隆四十四年己亥五歲

乾隆四十五年庚子六歲

乾隆四十六年辛丑七歲

朱筠卒於京師年五十三

乾隆四十七年壬寅八歲

清編纂四庫全書成 胡培翬生

乾隆四十八年癸卯九歲

清修續通典成

乾隆四十九年甲辰十歲

王筠生 程晉芳卒年六十七

乾隆五十年乙巳十一歲

清修一統志成 程恩澤生 林則徐生

乾隆五十一年丙午十二歲

俞理初先生年譜

乾隆五十二年丁未十三歲

乾隆五十三年戊申十四歲

乾隆五十四年己酉十五歲

乾隆五十五年庚戌十六歲

乾隆五十六年辛亥十七歲

先生少時從師何人徧攷無徵惟序汪子秀千文音義
彙略（此書僅有抄本原四卷止存一二兩卷現藏立
中處）云「正燮少與共硯席」豈可亭先生亦嘗授
徒歟

乾隆五十七年壬子十八歲

侍父可亭先生在句容學署讀書案存稿卷十五駱君小傳云「時乾隆五十七年五月也黟縣俞正燮在句容聞之」按可亭先生何年到句容因無書查攷則姑系於此年其實駱君小傳述曰「念小時一字一句駱君皆奇賞之」則先生初到句容之年似非十八歲且甚久又存稿卷十四賊書條「少時見句容名捕居明者」又句容詩「城南遊釣處久客認爲家」（見詩稿卷一）與句容王喬年同撰陰律疑（見存稿卷十二頤正堂文序）是爲先生試行著述之始

乾隆五十八年癸丑十九歲

祁寯藻生 姚瑩生

乾隆五十九年甲寅二十歲

乾隆六十年乙卯二十一歲

嘉慶元年丙戌二十二歲

先生之友同邑汪文臺南士生（據程鴻詔氏有恆心齋集黟兩先生傳「道光二十四年十二月壬寅汪先生卒年四十九」由此上推實生於本年

嘉慶二年丁巳二十三歲

撰唐律疏義跋（類稿卷十二）其後孫淵如刻唐律疏義雖由顧千里任校勘或由先生發之 十月作史記

十二諸侯年表索隱書後（存稿卷七） 讀明人所刊
管韓子（類稿卷十四書管子後文中）會通河水道
記（存稿卷五）中云「嘉慶丁巳秋自汶上汎舟至
臨清檢書記之時九月七日也」

嘉慶三年戊午二十四歲

戊午元旦詩（詩稿卷二）句云「身無一藝名栖栖亦
所惡」先生此時已往來京師求學書難字後（存稿
卷三）末署嘉慶戊午重陽日書於鷓兒胡同慎德堂
北軒中有云「今略就所集者正之」則先生治學引
申歸納之方法少年時已適用之 九月書五禮通攷

後（存稿卷十二）據魏晉以後禮制多本王肅皇甫謐其說不可不采然宜附所引史志後不宜附經後引經止存漢傳注本義魏晉以後野文皆削之宋元人平話帖括兩體文尤不當載而制度則案年次之通考之體應如是此書體例非也按五禮通考號稱精博先生譏其體例不是真通識也少年時已具此學力宜有不朽之業 十一月先生之友句容王喬年卒（存稿十二頤正堂文序）句容王喬年字崧鶴與正燮同歲少相好也頤正堂者其所居正燮錄其詩四十二首詞一首駢體文十四首爲一卷一又云正燮少時嘗與崧鶴作

陰律疑裁書滿屋朱墨爛然崧鶴之力爲多」

嘉慶四年己未二十五歲

居京師存稿卷十五汪先生事輯逸云「嘉慶己未旌德劉君成書入都先生寄文集屬正燮校定」(按此時汪先生年已七十一矣)三月三日作頤正堂文序(稿

卷十二)

嘉慶五年庚申二十六歲

居京師「庚申前四月一日出永定門自石頭莊回車感舊述懷一首」(詩稿卷一)句云「納粟成均始國子與觀禮」是先生捐國子監生必在二十五歲以前

七月十八送歙胡先生梧實樞十七夜同績溪胡容怡
堂石頭莊看月達旦（詩稿卷一）撰胡先生事迹（存
稿卷十五）詩稿卷二次韻送友人南還詩「誰絆村
夫子長安住五年」由此推測是先生到京求學之年
當屬嘉慶元年東昌作（詩稿卷二）「我已征衣逾五
年」亦可證也然送友人南還詩究未署年月則定嘉
慶二年爲入都之始因有會通河水道記年月可按則
千碣萬碣矣

嘉慶六年辛酉二十七歲

先生之父可亭先生於是年十一月十九日卒於望江

縣學署年五十三歲（見先生手題五弟見初行看子
及俞氏家祠本主抄本家譜）歙縣金榜卒年六十
七 十月書煙波釣叟歌後（類稿卷十）同卷六壬
古式考或亦同時作其後先生爲楊芳校刻六壬書想
正醞蓄於此時 此年奔父喪以前必不在黟六月十
三日睡起詩（詩稿卷二）句云「貧又故鄉違」
嘉慶七年壬戌二十八歲

春過曲阜見公府建初銅尺（類稿卷十二書舊五代
史樂志下文內）五月在滋陽縣撰古本大學石刻
記「某公循吏達官好刊古本大學自述曰乾隆丙申

補五臺令讀陽明全集乃取古本大學朝夕尋繹身體力行遂於歷任所至刊龕門壁不忍聖賢真種子遂亡……乃所刊於五臺保德潁州開封濟寧者皆明萬歷十二年南京戶部員外郎唐伯元所上豐道生書當時號爲魏政和石經此又署王羲之書……程朱改大學後有志道學者多效之明正德十三年七月王守仁從禮記寫出大學本文其識甚高時有張夏者輯洛閩淵源錄反極詆守仁倒置經文蓋張夏言道學不暇料檢五經又所傳陳澹禮記中無大學疑是守仁僞造然朱子章句現在爲朱學者多以朱墨塗抹其章句之語夏欲自

附朱子亦不全覽其章句致不知有舊本可云奇怪今
欲宗陽明者亦不審覽王書窺尋禮記直以豐道生書
誣之……此數人者慷慨下筆殆有異人之稟其書初行
毛奇齡云止有宋體楷字書五葉道生死忽有篆及分
書本時已誤正始爲正和蓋不檢魏時年號以古刻石
者皆當號政和此本則以政和刻石當時羲之妙墨不
謂爲陽明學者上下四方往古來今亦信之而不疑也
(存稿卷十四)此篇箴朱王學末流可謂婉而虐矣
夏在泰安作木槿不應在釋草說(存稿卷十一)
書左傳精舍誌後(類稿卷十四)有嘉慶壬戌冬過濟

南之語 十月泰安旅舍撰木桃木李釋 書埤雅後

(類稿卷二) 小除日撰省堂寺碑跋(存稿卷九)

冬始識成篊園(見存稿十二成君瓘篊園日札序)

嘉慶八年癸亥二十九歲

與成篊園徧游山東一計其年夏在惠民冬在曲阜(同見存稿卷十二成君篊園日札序「夏在掖縣」)(類稿卷十四書左傳精舍誌後文中)存稿卷八書五代史纂誤後「癸亥夏在濟南見朱氏彝尊注手稿卽南監板本夾手書籤千七百餘條多碑拓文字 魯道篇(詩稿卷一)中有「我行值大暑不願逢曦馭」以年

月推之必作於此年 七月歸里 八月復出游（見
存稿十四汪先生事輯逸）觀世音菩薩傳略跋（類稿
卷十五）末署嘉慶癸亥八月二日甲子跋於縣東門
賃舍然則赴山東必八月二日以後就道 九月十三
日過順河集（詩稿卷一）短歌五章癸亥九月十三
順河集作 冬泛張秋決河存稿卷十五駱君小傳「
追憶去年冬（按小傳係嘉慶甲子年作）平度于君重
輝鄒平成君瑾新城何君承壯同泛張秋決河四人在
船篷上說鬼風霜淒緊潰爛攢擊真有神物魚龍來竊
聽也」書蘆城平話後（存稿卷十四）末署「嘉慶癸

亥重過句容住葛仙庵中借平話及舊報爲比附之幾以爲字字可據過宣和遺事遠矣」按此篇當在七八月間來往山東道經句容時所作先生「生平喜人稱說故事」(見存稿卷十五何端簡父子事迹)又眼銳筆勤頭緒紛錯一經排比便羅羅清疏可誦不但富史識并擅史筆也

嘉慶九年甲子三十歲

正月在歷城(存稿卷十二籌園日札序)二月十日赴濟寧(存稿卷十五駱君小傳)「重到荷澤」(駱君小傳)作左山考(類稿卷九)原文雖未署年月有云

案驗左山方位其爲重到荷澤作無疑張穆癸巳存稿
序「理初年方二十餘負其所業北謁孫淵如觀察於
兗州時觀察旣爲伏生建立博士復求左氏後裔理初
因作左邱明子孫姓氏論左山攷左墓攷申雜難篇觀
察多採其文以折衷衆論」雖不足以息多口之爭而
先生博覽求是之學已爲人所矜式 按先生二十八
歲已在山東又因張氏有年方二十餘一言不知見孫
淵如果在何年繼續讀書左傳精舍誌後（類稿卷十四）
有一甲子夏山東頗采申雜難文答部駁「顯證也而
在德州糧道署見宋本文選」（存稿卷十二校文選李

注識語)在德州得劉績校房注足本管子(類稿十四
書管子後)又旁證之佳者 七月在德州記僞笑篇
(存稿卷十四)輯太乙十神事(類稿卷十二宋會要
輯本跋)書管子後(類稿卷十四)按孫淵如矜賞先
生之學不能如程春海祁春甫兩公故書伏墓攷證後
稱爲貴官後辛未孫氏解組卜居白門冶城山館招顧
千里氏校刻各書(見思適齋集卷十一嚴小秋詞序)
門無先生轍跡而顧氏校勘之業先生亦有微詞「近
人刻書喜仿舊本存其誤字而後載校勘語以爲古雅
而舊本不誤之字仿本多轉寫致誤是未能仿舊而反

誣舊本也自漢至唐校書者蓋不如是難與迂拘而囁
訟者道也（存稿卷十一校文選李注識語）又類稿卷
七引書字說「何焯校文選刪庶士有揭胡克家刻文
選疑王府有則以此悟注書當有法校書當深思也」
則尤明白規正顧氏矣冬輯新五代史記補注七十四
卷「讀朱氏曝書亭集知朱氏亦有注亦用裴例嘉慶
癸亥夏在濟南見其手稿卽南監本夾手書籤千七百
餘條多碑拓文字……甲子秋見彭文勤注名五代史記
傳注十六卷亦用裴例其冬爲此學依姚朱彭例采書
裁貼成篇不能校寫也朱籤存者已前全采惜姚書未

見而子盡蜀之書已錄爲可喜」(存稿卷八書五代史纂
誤後)未署嘉慶甲子小除夜書於拜斗殿寓舍「今五
代史記及序目彭春農知其詳(元瑞子名邦疇)姚
石甫不知其事謂劉官保延蘇州王姓王姓不可向邇
云云實則官保在浙日以正燮稿本廣延詁經精舍人
校對皆茫然及罷官寓蘇州又延王君渭校之王君日
醉不看書丙子秋仍以稿還正燮正燮日食不給不能
看書仍還之官保而阿鹽使爲寫清本未校也越十年
丙戌夏正燮仍以還官保而刻於廣東竟無有爲校者
其未審處惟自知之他人未能察也辛卯正月過揚州

宮保病亟矣仍以此書爲言壬辰夏春農商改訂談何容易是可歎矣癸巳九月天津舟中（同篇低一格）按上記輯刻此書始末詳悉今五代史記補注七十四卷畧彭元瑞劉鳳誥合撰書目答問且列劉氏於史家不知爲先生所輯也 先生表弟程友石尋親至京（見存稿十五程友石說文類求序）

嘉慶十年乙丑三十一歲

正月在北京書舊五代史樂志下後（類稿卷十二）末暑時正月燈節寓於拜斗殿 二月與成翳園會於京師（見存稿卷十二翳園日札序） 四月十三日

作成君瓘籌園日札序（存稿卷十二） 十月書孫
馮翼禹貢地理古注考後（存稿卷一）王勃滕王閣序
書後（存稿十二）末署嘉慶乙丑二月與程君式金夜
語卽其舊集滕王閣序爲改其題又改南昌故都爲豫
章故都 四月二十四日答葛君宗昶書（存稿卷八）
論明人創會典義例云制異典墳宜於今而不泥於古
法殊紀傳叙其事而不錄其名此會典之異於會要典
章爲明人創例也……推原其意事瑣時近策之得者爭
欲附名其失策當載者又競求隱諱不書名誠善法爲
元以前人思慮所不及然論旨與叙事人名何可刪乎

倘執筆者心知其意無改成書之大例則書完可存異義亦息矣」似葛氏亦在會典館惜無書詳證也 十月讀京報（存稿卷六俄羅斯長篇稿後） 爲葉繼雯給諫襄纂大清會典按有恆心齋文集卷八黜兩先生傳「漢陽葉給事繼雯得先生稿盡三晝夜讀之……起來際貴與於今日亟與之角而力不敢暇他何論焉 曩承修會典丐理初庀其事文案山積披閱一再遂已了然州居部分源流井井」又卷九葉給諫事述「嘉慶六年充會典館總纂修官兼提調先後在館二十年專司其事成千有百卷……十二年毋憂去職」會典四次

一三二

敕撰成於嘉慶二十三年先生究以何年襄其事按存稿卷六丙寅八月撰俄羅斯長篇稿跋中云「問之館中寫書者」再則曰「問之寫書者云見在國史館」此所謂館中其爲會典館無疑然則先生爲葉襄纂必在丙寅以前而乙丑又居京師未他往更有答葛君會典義例書鈎稽參驗系於本年似不爲無據 詩稿卷一更有漢陽葉先生繼燮栽竹圖或亦是年所題 荒政（存稿卷九）中有云「乾隆時修會典凡涉民事刪去虛文歸於實惠俱高宗純皇帝丹毫改定…乾隆二十年會典進呈將先農壇齋宮改爲成慶宮此改定

之見於記載者且丹毫牽絲鈎勒及單雙圈擡寫式樣
尤爲使歸劃一」此亦在會典館時所見外間無由知
其詳故亦系於本年 先生之友平定張穆生

嘉慶十一年丙寅三十二歲

正月十六日書左傳精舍誌後（類稿卷十四）書
武城家乘後（類稿卷十四）此文雖未署年月按書
左傳精舍誌後云「左傳精舍誌武城家乘建立伏氏
博士始末是三書者皆無所謂是非之心也」則此文
爲同時所作無疑 三月作俄羅斯左領考（類稿卷
九）俄羅斯長編稿跋（存稿卷六） 五月在德

州學舍書唐書與服志後（類稿卷十三）言婦人弓
足徧考經史故書雅記詩詞小說纒纒數千言爲後人
作風俗史者省無限精力眞所謂非以歷證談者之短
亦庶爲讀古史好學深思者之一助焉 六月在德州
撰亳州志木蘭事書後（存稿卷十三）證木蘭爲亳
人葬於完縣 七月丁沽落水五言古一首（詩稿卷
一）句云「脚踏兩舷開魂飛人在水拍浮我安能有
人挽之起楚語短後衣方面亦大耳」十一月作張
炯澳門紀略跋（類稿卷九）十二月望作六壬書跋
（類稿卷十）此先生爲楊芳校刻六壬書時跋予未見

其書大致不誤

嘉慶十二年丁卯三十三歲

書開元占經目錄後（類稿卷十四）二月二日作書
開元占經天道渾宗後（類稿卷十）二月既望書易緯
是類謀後（存稿卷十二）書開元占經九勢法後（
類稿卷十）同卷內如五行傳用亥正論占憲論九宮
應九星攷九宮紀年論想均同時研討星算占經時所
撰 四月書武經總要後（類稿卷十）有云「淘金
歌吾邑前輩所作（按宋邱濬撰）欲爲校之而行路
無休息爲牽連記於此」「冬至汲城西北三十里太

公泉碑乃魏定八年穆子容書入廟讀其碑云齊太公
呂尙者此縣人也（存稿卷十太公碑）十二月朔在
汲縣望京臺寓舍致成君瓘書（類稿卷十一）中云「
推石鼓爲太武時物其地合其人合其事合其日合其
字合閣下一言勝馬生萬餘言矣」按石鼓究爲何時
物至今猶是聚訟惟先生謂「韋韓詩與會議論乃仰
椽虛構」或不然乎又云「此去輝縣有蘇門百泉之勝
日對佳山水披覽講章語錄閣下時時念我當爲撫掌
也」按蘇門山在輝縣西北七里宋邵雍元姚樞嘗隱
居於此先生不滿於邵氏之學故有語錄撫掌語也」

冬在衛輝」(存稿卷十五阮宮保六十壽引集香山文句注)駐劄大臣原始(類稿卷八)此篇計萬數千言乾隆繼康熙未竟之業西定準噶爾一定回部兩定廓爾喀鈞稽敘述真良史筆也

嘉慶十三年戊辰三十四歲

二月在百泉書朝野僉載後(類稿卷十二)「戊辰春登蘇門山憶同鄒平成瓘肅中新城何承壯履正蓬萊之游得二十字墨於泉亭」(詩稿卷一)輝縣看新婚者二首(詩稿卷三)句云記取榴花影正長是五月間事 秋得明藏優字函唐不空譯文殊師利菩薩及

諸仙所說吉凶時日善惡宿曜經二冊因撰時日宿曜
經篇（存稿卷十二）除夕撰科舉之學不壞人才論
（存稿卷十二）

嘉慶十四年己巳三十五歲

凌廷堪卒年五十五歲

嘉慶十五年庚午三十六歲

九月在宣城舟中（存稿卷十四僞笑篇）十月十六
日作尼菴議（存稿卷十三）「駭迎靄門外建書院
當碧山之陽十里曰碧陽書院舊有尼菴直書院西南
邑人欲爲遷之難其地不果則爲議以告尼」十二月

書河南府施志後（存稿卷十二）右志於乾隆五十年後奉畢撫部檄修撫部又薦名士入局宜盡善矣乃其例云前志多抄賦役全書展卷目迷况良法隨時更定亦無事重衍云云人讀書有分量本難苛求而空談古人格調者比戶皆是遂謂此乃施君妙論……自單行古人格調興惟韓愈歐陽修曾鞏咨於故實而又不失格調他或不顧也吾黟方修志檢此書詳書其後以告志局諸君子之不空談古人格調者一按此篇及尼菴議必十月回黟後所作嘉慶黟縣志藝文云「庚午冬俞子理初自北還」可證吾鄉乾隆歙縣志黟縣志劉

海峯時爲學官參與纂修先生深惡空談古文格調或不滿於兩志故發其旨趣如此先生文綿密其所撰著徵引繁博端緒明晰嘗謂「古作者賞論文字專重謀篇」(見頤正堂文序)此實稽古有得之言非怯薄空談者所及知也

嘉慶十六年辛未三十七歲

「所著文裒然成二冊凡百篇」(嘉慶黟縣志辛未吳甸華俞理初文序)按卽後來所刻癸巳類稿并無別有所謂文集者

嘉慶十七年壬申三十八歲

冬至日作臺灣府屬渡口考（類稿卷八）

嘉慶十八年癸酉三十九歲

嘉慶十九年甲戌四十歲

三月在北京拜斗殿寓舍撰注輦方向程途書讀史方

輿紀要後（存稿卷六）歙縣程瑤田卒年九十

鮑以文卒年八十五

嘉慶二十年乙亥四十一歲

二月初吉書人身圖說後時在休甯縣北門汪氏書館

（類稿卷十四）昏禮攝視議（存稿卷二）云「休

甯有雲南人作令者士人家借官轎迎新婿令遇於街

答婿二十（存稿卷二）文末未署年月此年先生在
休甯縣意必目擊其事而作此篇 十月二日書釋文
後未署書於休甯榮荆堂東窗（存稿卷三）「左傳
民之多辟無自立辟見一處辟重曰辟傳見一處辟女
子辟司徒之妻見一處各加反切承學苦不易曉多辟
當云同僻立辟當云音壁辟重當云同僻辟傳當云同
避辟女子當云同闢辟司徒當云同壁以此推之辟王
曰同僻詩之辟王則曰音壁辟雖曰同壁如此則音義
俱了承學又得假借通用古法是聞一知二也陸氏偶
未深思耳」此雖無甚深義而先生文句組織透切中

邊亦何可及 是年冬先生在黟度歲 題積翠軒圖
云「洗桐栽竹日扶疎積翠園林好著書手把一篇風
慢捲清光澄澈滿衣裾」跋曰「嘉慶乙亥秋立人先
生病中作懷人詩二首此其一也原注御題有積翠軒
圖多名人題詠予跼蹉未題愧負良友是年臘盡正燮
爲錄其詩於圖後日月不居形體遂遠每過古築輒有
山陽鄰笛之感御題大兄殷殷懷舊之意念孝標重答
劉侯書今日之情正當奚啻也理初俞正燮識程君恩
紱亦集御題兄所程亦立人先生戚好也」(墨跡藏
胡敬庵先生處)立中按孫學道字立人黟縣人存稿

卷十五有古築兩孫君傳立人其一也 此一年先生

均客休甯汪氏意爲汪承霈延校其先人松泉詩文集
未得顯證姑懸此說如是 姚鼐卒年八十五

嘉慶二十一年丙子四十二歲

「在上元皇甫巷歸安嚴鐵橋可均亦以夜郎傳爲言」
存稿卷七後漢書夜郎傳後）

嘉慶二十二年丁丑四十三歲

嘉慶二十三年戊寅四十四歲

在阜陽聞人言棺以槿木爲上往視之乃槠木（存稿
卷十一木槿不應在釋草說）書儀禮集說少宰二篇

後末署冬初阜陽書（類稿卷三）晤嚴鐵橋於上元
皇甫巷（見存稿十二全三古至隋文目錄不全本識
語）孫星衍卒年六十六

嘉慶二十四年己卯四十五歲

嘉慶二十五年庚辰四十六歲

撰俞氏世譜序（見譜前從俞氏族入抄出）輯宋會
要五卷（類稿卷十二）按此書似未輯成其手寫之
稿不知尙在人間否大抵因徐松言從永樂大典輯出
數百卷遂爲之擱筆徐氏書今日有刻本 夏歸自昭

文縣（按民國廢入常熟縣）撰汪秀巖千文音義彙

略序（見遺文汪名夢桂黜三都黃陂人歲貢生原書
四卷僅存一二兩卷抄本現藏立中處）

道光元年辛巳四十七歲

由附監生中式第一百十五名舉人典試者湯金釗熊
遇泰（見崇祀鄉賢事迹） 撰孫山江印譜序（見

遺文）中云「道光辛巳五月夏雨初晴正燮坐山江
齋中言之」然則此年江南試前先生固在黜山江名
廷冕字冠賢黜古築村人也 九月十五日書廣韻後

（存稿卷三）「唐書藝文志始有陸慈切韻五卷今
提要引唐志云陸法言廣韻五卷唐志實無此文…切

韻實用吳音或孫恂等依沈約改之……法言家法極美
劉蕭大唐世說新語云陸大同爲雍州司田爲河東令
爲雍州司倉大同闔門雍睦四從同居法言卽大同伯
祖也……李涪刊誤云陸法言切韻吳言乖舛上聲爲去
去聲爲上趙璘因話錄云人檢陸法言切韻謂吳人翻
字太僻乃不悉名賢事實法言是河南陸非吳郡人也
……或實望出吳郡然祖居臨漳仕居長安考與兄弟同
居臨漳何能作吳兒語言也一案清儒於廣韻多有糾
正且刻不一刻惟其家世則鮮有鈎稽攷訂者

道光二年壬午四十八歲

入都會試謁副主考（熊過泰）則曰「爾與我朱卷刻本我未見爾文也」疑正考取中副未寓目謁正主考（湯金釗）則又曰「爾與我朱卷刻本我未見爾文也」駭問故曰「爾卷監臨屬副主考宜細閱此卷副疑且怒置不閱揭曉日先拆爾卷見黟縣人問曰此徽商耶子曰若是黟縣俞某則今之通人也副主考愾然曰然則中矣其實我兩人均未見爾文故欲一讀耳」（見戴熙習苦齋筆記惟誤記先生之名爲廷燮而又誤科目爲壬辰）京邸題程畹芬舅氏月舫圖卽送令子尹耕南歸五古一首（詩稿卷二）先生舅氏昆季凡

七（見有恆心齋文集卷八軒羽府君傳）四見詩稿
一畹芬月舫圖二舅氏振羽小照成問答體七截二首
（卷同上）三透循陔舅氏之任卽題其囊琴圖五古
一首（卷同上）四奉題舅氏雲翔小照五律二首（
卷同上）句云鄴架曹倉外卽指其藏書也（此詩墨
稿藏立中處見影印）雲翔字軒羽其孫名錫書字松
韻有敦和堂書目著錄七萬卷（見黟縣三志藝文李
文森敦和堂書目序）先生歿後二子懋瑩懋穎相繼
下世楹書數萬卷半歸敦和堂故著其淵源如此 三
月二十日書後漢書夜郎傳後（存稿卷七）因蔡補梅

嚴可均兩人言更證明許慎非卒於建光元年辛酉清
儒於說文研討至精則許君生卒年月亦不可不論定
也 九月初七日撰地丁原始（類稿卷十二）按康
熙五十一年納丁於地確爲清初一大盛事而先生陳
古證今之學亦不偏於訂正古義誠通儒之識也 同
日作關帝事輯後識語（存稿卷九）九月十六日加
書鈿尺等語於書舊唐書輿服志後 冬十二月廣督
阮宮保六十壽引集香山文句（存稿卷十五）低一
格案語云「道光壬午冬十二月京都多作壽文寄廣
東者因看正定李寶巨碑有王士則名檢香山集見白

公以正月二十日生亦宮保生日也旅邸夜坐因集此文宮保爲余座師之師適未出淨本亦以語有狷激漢陽葉年丈取去塗改用之乃極和平韓愈月蝕詩鄭亞會昌一品集序盧仝李商隱集均存之見文章異同有法也小除日記於黟縣會館

道光三年癸未四十九歲

道光四年甲申五十歲

道光五年乙酉五十一歲

道光六年丙戌五十二歲

在京師爲程春海祁春甫校御纂春秋左傳阮元程公

春海墓志「次年（按前文屬道光六年）調湖南學
政回京詔充春秋左傳纂修官……及奉詔刻春秋左氏
傳與祁公共議推本賈服不專守一家之學」又存稿
卷首附刻崇祀鄉賢事實「手成官私巨書如欽定左
傳讀本云云」而黟縣人黃德華爲先生同時後輩所
著竹瑞堂詩抄十八卷同治三年刻本卷一哭俞理初
先生詩句云「經受春秋動至尊」原注「道光二年
欽定春秋左傳讀本係先生恭校」記年似誤 七月
二十五日通州舟中作文選注引書字識語（存稿卷
十二）九月朔夏鎮舟中作文選自校本跋（卷同上）

「舟中讀文選所記爛然於眉上行間四十日始畢」此是出京由通州坐船經山東至皖北之夏鎮該鎮爲南北衝道七月二十五日至九月朔爲三十五日云四十日者舉成數也原校文選爲汲古閣六臣注本現藏立中處茲將余跋遙錄於後「吾邑俞理初先生所校文選其跋見癸巳存稿卷十二予十餘年前在一舊家買得汲古閣六臣注本文選一部有朱筆點勘一至十八卷眉上行間爛然殆遍餘卷亦始終不懶校補奪文誤字甚多心知必通人所爲但書法端謹鈎點跨勒無縱筆疾書之跡且當時見俞先生手書不多疑爲過

錄本頃韓俞先生年譜列批校本書目取舊藏此書反復審驗則躍然熹曰「十餘年夢寐縈懷者固在吾篋衍中」擁米啼饑挾纊號寒予之愚昧不學抑何可笑輒摘錄存稿中涉文選詞句者比而觀之文選自校本跋（存稿卷十二）「西都賦視漢書多衆流之隈汧流其西」校本「本傳無衆流之隈兩句此注亦不言汧」又薛綜東京賦注曰高昌建城二觀名也有注而賦文無此觀……則賦文昭明刪之「校本」今東京賦無此可知選有刪句「文選相沿誤字」（存稿卷十二）「顏延年赭白馬賦序軍馱趨迅注云庾中丞昭

君詞曰……冰原斯代馱顏庾同時未詳所見今按此隋以前相傳兩誤字也顏賦是軍駢言副馬多字亦作馱而誤爲馱庾詞是駮」校本「此馱字疑是駢字言儲趨迅之馬隋唐時此文誤作馱耳庾詞是駮」又賦序疇德瑞聖之苻注云疇昔也今案疇通疇解爲上天報享之報也」校本「疇非昔也與疇通言報之也」文賦注書後（存稿卷十二）「他日殆可謂曲盡其妙注云他日觀之近謂委曲盡文之妙理其說難通蓋本文係謂他日殆可曲盡其妙謂字傳寫者倒之耳」校本「當是謂他日殆可注非言他日或能之謂字隋唐本

誤衍」其他相同者甚多若一一錄出可以案紙至校正文注奪誤描補字畫俗繆又非淹博宏通深於說文者卽依樣過錄亦必錯妙百出然則爲俞先生道光六年九月朔夏鎮舟中所校之本鑿然無絲毫疑義書無題跋印記每冊首頁有松韻所藏白文方印松韻氏藏書淵源詳見道光二年題舅氏雲翔小照詩下插架七萬卷大半俞氏巾箱流傳有緒尤佳證也或謂書無姓氏圖記亦可疑蓋俞先生治學校勘亦爲集證工作之一等於劄記屬草予所藏批本書蔡傳禮記集說及胡氏藏晚年校改本癸巳類稿均未署姓氏年月以彼例

此可以釋然矣 是年黜縣建考棚先生勸捐鉅款旋
游京師不居其功知縣呂子珏稱其忘名雅量（見崇
祀鄉賢事實）

道光七年丁亥五十三歲

作門客正義（存稿卷四）先生年二十餘卽出遊以所
學客達官貴人傭書爲活介乎門客之間故集證古今
門客賢不肖與禍來之無端用以自警而詔人 除樂
戶丐戶籍及女樂考附古事（類稿卷十二）此亦清
之善政「自三代至明惟宇文周武帝後晉高帝金元
及明景帝於法寬假之而尙存其舊餘皆視爲固然本

朝盡去其籍而天地爲之擴清矣」按存稿卷十二野
獲編目錄書後「野獲編向覓其書甚難今得刊印本
」此書姚氏校刊於道光丁亥年上兩篇文中徵引此
書甚多故系於此年雖不中不遠矣 詩韻辨字略跋
未署云「此板刻於紫陽書院今無賣者忽得一本於
長沙市上歸繙閱因述其所見如此丁亥六月」然則
此年先生又在湖南矣 先生之表弟程友石以是年
卒於黟（存稿十五程友石說文類求序）

道光八年戊子五十四歲

道光九年己丑五十五歲

九月在黟蘿摩別墅詩抄附錄云己丑重陽莫階屬正
變校訂至半癡贈畫詩止律詩多秀逸七言長篇直似
北宋大家朱滄湄先生謂其風格出塵得之天授不虛
也是日半癡約登高因事不果并記（蘿摩別墅詩抄
黟人汪承恩莫階著道光二十四年刻）

道光十年庚寅五十六歲

河帥張侍郎自黃河出海夜泊開山詩次韻五古一首
句云「庚寅夏五月海壩親鼓汰」又和張河帥送
銅鼓焦山歌句云「是時焦山秋正爽江干初落芙蓉
花」是送銅鼓必屬九月又云「我共銅鼓住五月」

是先生到張督署必在五月既有前次韻詩可證由五
月至九月恰五個月也又云「公肯放我早歸去先訪
公鼓江之涯」南歸必過大江經焦山也 又張河帥
喜雪元韻庚寅臘月立春前三日也七律一首（三詩
均見詩稿卷一）第二首無年月以前後事年月參證
得之 蘿摩別墅詩抄「俞理初孝廉歸自河帥張芥
航先生幕中過訪陽羨作此錢之中有句云應聘情難
已」原註「時張公聘修行水金鑑」真佳證也原詩
未署年月亦未及時景意是年歲暮自張署回黟省親
道過宜興先生母程氏時年七十二矣

道光十一年辛卯五十七歲

「辛卯正月過揚州」(見存稿卷八書五代史纂誤後)是去臘回黟度歲正月復由黟過揚州赴河督署四月二十七日張河帥惠紗葛七律一首(詩稿卷一)冬彭家馬頭舟中作黃大王傳(存稿卷十三)按自庚寅五月至山東除歲暮過宜興回黟本年正月復出此兩年均任河帥張署為偏纂續行水金鑑一百五十六卷子未見其書頃見一北平舊書店書目標此書為俞正燮著喜先生勤劬纂輯之勞猶未湮沒而余鈞稽年月又得顯證彌足樂也

道光十二年壬辰五十八歲

二月十六日東平作七律一首（詩稿卷二）意自山
東河署入京應陳碩士侍郎之約故句云「橐筆仰瞻
雲彩煥」四月二十五日史記孔子世家後識語（
存稿卷九）計六千餘言分別甄錄作專史者當取法
焉 冬館新城陳碩士侍郎所為校顧氏方輿紀要（
癸巳存稿張穆序）

道光十三年癸巳五十九歲

春闈下第王藻商諸及門孔繼勳邱景湘吳林光釀金
為刻癸巳類稿十五卷（見癸巳類稿王藻菽原氏序

歙程侍郎恩澤爲定其篇第序之「右癸巳類稿十五卷吾友黜俞君理初所著也理初負絕人之資篤好讀書自識字積髮素寢饋凡四五十年其善於始也能入其眇於終也能出叢籍城擁手繙繙不輟輟輒大半成誦地人名稱事回穴數載極見某冊某卷某篇行語卽中是謂能入萃昔賢往事判黑白搖筆纏纏千萬言某可据某可勘某不可憑某宜斟也一篇中計疊簡不勝舉使起昔賢議往事亦領是謂能出出入之際無精心卓識果力則徇博而支徇斷而歧宋後逮有明豈乏博見強識則絢虛車紕實用恆若斯也惟識足以徹千古

之部辯足以息萬喙之爭富足以會古今之通明足以
察真僞之溷然後縱橫勃窣底於是乃已故治經貴一
也纏牽於注疏則隘畔離於訓詁則野援證典確孳甲
新意皆陶鑄於秦諸書漢諸儒斯得之治史貴紛也讀
未終卷遂持論則陋讀一史未他及遂持論則塞正窮
乃稗稗窮乃注注窮乃金石全史醞釀歧說旁溢斯得
之尤善言天象暨日官法以爲泰西法積精然豈三代
秦漢人所豫解以某時法衡某時象是非犁然則三代
秦漢人不能委其過尤善言地輿說方域以爲中外同
軌不道險今昔異履不詳憲惟殊方遐國人所忽必當

察乃至掌故之巨名物之細聲詰之雅七緯三式釋典
道藏素靈之冊景教之碑諸儒橋舌方皇者引稱首首
如肉貫弗絲在櫛則又非常量所測識者也加以受性
方直僞書誣古必辨魏晉儒改故訓蔑先儒必力辨邪
醜正否嫉賢必覩縷辨於戲古心哉古人哉凡理初手
成宏鉅書不自名者甚夥年過六十而聰強審密不憊
其著作未可涯此冊斷自癸巳歲故曰癸巳類稿余爲
定其篇第覆讀之甚愜也爰就所窺及者述之其諸廣
邃以俟大雅道光十六年秋日「按癸巳類稿程侍郎
有兩序一作於十三年所謂「今年春王菽原館文分

校禮闈得一卷以爲必有著述出闈識理初卽索其文梓之」此序係十六年俞先生入京覆讀補作（見程侍郎遺集棗花寺賞牡丹分韻賦詩）以其詳述學術範圍功力最爲洞澈故遂錄之 癸巳題陳登之罷讀圖原稿珍字下雙行注「君祖凝齋公集有記平糶事」甘時人寶應宋塲詩原稿師字下雙行注「畸人尊甫刻本詩稿不應刪監江寧府都酒務記天禧二年八月少府監鑄甘氏藏詩以上三詩原稿在劄記中二三首先先生自加密圈與罷讀圖詩隔一葉又同見刻本詩稿卷二 九月望天津舟中補記輯五代史記注始末

（存稿卷八）是出京回黟矣 十一月十九日看定
盒文集（立中藏古今體詩初開樣版尙未列卷數）
題護葉內「詩文能接連難接連後能斷更難余苦詩
文綿密以是喜定篆手筆謂之文場毅士癸巳十一月
十九日理初記定篆他日自覽之必謂理初譏其不通
也奈何」下鈐出入大吉白文方印并一似存字押案
出入大吉係漢銅印見高鳳翰印譜手寫劄記中有三
處亦鈐此印又集中僞鼎行詩批眉上「此詩不可存」
然則先生與龔定菴文字之交似非泛泛矣 十二月
二十九日毋程氏卒年七十五以目眚不肯留遺容（

見道光十七年題五弟見初行看子及俞氏家祠中木
主)

道光十四年甲午六十歲

是年嚴鐵橋與徐星伯書云「去冬及今夏屢見理初」
又存稿卷十二全三古至隋文目錄不全本識語「春
夏間兩見其本於嚴州鐵橋官舍」是先生春夏間在
嚴州也

道光十五年乙未六十一歲

兩湖總督林則徐聘纂湖北通志書成典博詳明（見
存稿附刻事實）十二月在駮爲孫茂之題畫冊五言

七言古各一首（畫藏立中處見補遺詩）

道光十六年丙申六十二歲

三月在京師程侍郎遺集卷五丙申三月下浣邀陳雪
龔先生俞理初黃鐵香温如心孫柳君集棗花寺看牡
丹分韻得寺字詩 書黃大王傳後（存稿卷十三）

丙申十月十日與新城陳淮生行臨清堰上謁神像像
用唐衣冠似宜改依禮制又謁天后祠有睡像以爲當
用火居道士住持道士婦承值則人神均安過兩壩三
間得兩神佑余於辛卯冬作大王傳今六年始至其祠
因記所見於此

道光十七年丁酉六十三歲

正月十八日撰程友石說文類求序（存稿卷十五）

客兩湖總督林則徐幕爲參訂其先人舊稿校訂海國紀聞（見林則徐海國紀聞序） 祁寯藻侍郎視學

江蘇爲校宋本說文繫傳（見予所藏劄記原序稿）

五月初五讀元詩在漢上 七月初四讀青箱雜記抄數行 八月二日丁未在江夏（同見手稿劄記）

道光十八年戊戌六十四歲

修涿學記代潘侍郎作（原稿見手寫劄記錄爲遺文）
張石州龜硯七古一首 道光戊戌吳紅生舍人

以乾隆丙子閏重九尊祖畫筵詩冊屬和七律一首

憶家園梅樹戊戌五月京城作五古一首 喜王棗友

至黟縣會館閒話五古一首 何子貞分冊索書作此

五古一首 捉蝨七古一首 補鞋七古一首 代李

雲舫壽座師潘中堂五律四首（按以上詩均依手寫

劄記次序又見詩稿卷二其代李雲舫詩未刻見遺詩

）此年「公車在都……至十月碩士侍郎之公子淮生

假以資斧乃得南歸……因與偕謁祁淳甫學使學使厚

飲之約其春初復來」（張穆癸巳存稿序）

道光十九年己亥六十五歲

正月訪祁學使於江陰……爲學使校寫三古六朝文目
及存稿副本七月學使邀赴金陵言於制府聘掌惜陰
書舍教（見張穆癸巳存稿序） 全三古至隋文目
錄不全本識語（存稿卷十二）此嘉慶乙亥以前全
三古周秦八代文目錄也實陽湖孫淵如觀察之力時
歙鮑氏欲爲刊於揚州而不果……歸安嚴鐵橋廣文同
人籤寫裁貼成之丙子及戊寅兩晤鐵橋於上元皇甫
巷相與檢文及目因言文已大備然文選顏延年侍宴
曲阿後湖詩注七命注均引越絕書伍子胥水戰兵法
內經有大翼艘中翼艘小翼艘廣長丈尺之文應補入

周伍子胥文又多引莊子爲今書所無應彙尋莊子逸語補入周莊周文太平廣記載異文記任升之藏鍾山壙銘見唐書儒學郭欽悅傳言大同四年七月十二日己巳任昉得銘爲東漢建武四年三月十日庚寅葬閱五百十二年六千三百十二月十八萬六千四百二十日而墮其文奇譎似左傳絳老人應補入東漢闕名文抱朴子有內外篇成書此例不收其自序則收之文選江文通詣建平王上書注引抱朴子軍術有大將軍用九宮三五之法文及篇目皆本書所無應補入晉葛洪文同人以爲然丙子後鐵橋復搜校古書及金石稗官

其文真實可據者乃能補至十分之一……日照許印林
司馬出所攜金石拓本彼此相勘或改補一兩字相視
大樂……己亥春於江陰李申耆山長處見此目錄爲乙
亥以前目又無三古及秦自然卽此本所類聚能得其
時朝制大典章山川形勢沿革風俗及古人衣物舟車
飲食好惡之真已可爲有用之書矣……因錄存此既可
以自成一書他日挾此過湖州城東驥村謁鐵橋乞其
書以補此目尤易爲力此目經數寫如漢中山靖王聞
樂對人人能誦者當時實已入編而此目遺漏如此類
俟他日從鐵橋目補此時多留淨紙以爲他日快意縱

筆地也己亥十三日」按讀此可知吳山尊謂爲孫淵如所纂未爲無因（楊守敬跋全上古三代秦漢三國六朝文跋）十月撰校刊宋本說文繫傳序（原稿藏立中處見影印在譜前墨跡）

道光二十年庚子六十六歲

四月十二日卒於江寧惜陰書舍（有恆心齋駢文卷四及俞氏家祠木主張穆序以爲卒於五月誤）葬一都深坑 長子懋瑩字慈方有恆心齋集卷十云「懋瑩篤學有父風……甲辰春在京師兄叔父來始知昨秋卒於杭州」然則當是卒於道光二十三年癸卯

次子懋穎字懷方生卒年月不詳 元配王氏諱發弟
繼配萬氏諱嬌生卒年月不詳均與先生合葬

譜餘

先生東門賃舍迤北沿溪而上有一書店先生在籍時輒往店中買書厚訂整齊今其後人猶藏韻書一種極普通之本內缺一頁手書端楷補入并鈐名印其所藏數萬卷半歸程氏敦和堂憶予幼時在程氏見舊刻大學中庸一

厚冊朱墨爛然殆無隙地爲先生所批校者

據老書友汪殿榮所說及

予目

證

先生精占經及天宮書黟城北門外跨溪有一石礮往往徘徊其上仰觀乾象一歲豐歉喜爲鄉人預告

據故老傳說

所撰黟縣山水記每出遊回籍時輒偕葉有廣程驥等分

日往遊非一時所作其文如水經每每點綴一二短句而

山脈水流映帶生動輒成絕妙之文葉程兩氏又長於輿

地故尤徵精確

雜采山水記原文及葉氏後人所傳說

元和朱駿聲氏為黟學博喜與先生商討舊聞予藏答朱

氏撰文名柬一紙足見兩先生過往論學之密黟為窮山

小邑同時竟有兩通儒佳話流傳真足為山川增色

据予所藏

俞先生手書名

柬及各家傳記

先生家貧性介縞紵之入僅敷買書浙江王蔭槐令黟時

除日就先生商略舊學索債者躑踟戶外王令密使從者

至縣署取償不令先生知

據黟縣志

吾鄉雖僻陋當日風氣家道殷富者喜購書延攬通人涉覽古築孫氏居敬堂客先生時尤多予所藏畫冊先生稱爲茂之六弟者卽其後人也

據題畫冊及先抑齋師所述

黟同時學力與先生相等者僅有汪南士先生所輯七家後漢書英吉利攷略十三經校勘識語有刻本外餘稿恐已散失今杏墩胡氏藏先生晚年校改癸巳類稿內有南士先生批注多條皆當時面相質證者相傳兩先生同舟赴江南試以背誦經史或時憲書爲笑樂

據校改本癸巳類稿及黟兩先生

生傳

從遊之士同邑如湯球氏輯有十六國春秋晉書輯本程

式金氏有說文類求再傳弟子程鴻詔氏著有恆心齋集
其所著均流傳甚廣而黃德華王以寬一以詩鳴一以雜
著稱均嘗奉先生教者

卷采卷已二篇稿及各
人傳各所述淵源

譜餘補二條見說苑作實先生見聞信筆

遼縣俞理初先生正變應禮部試總裁為歙曹文正公振
鐙儀徵阮文遠公元文遠夙慕先生名必欲得之每遇三
場五策詳贍者必以為理初也及榜發不見名遍搜落卷
亦不得甚訝之文正徐取一卷曰此殆君所謂佳士乎言
平生最惡此瑣瑣者已擯之矣撒彌封驗之果然

先生生平酷嗜言駮有富人築宅於鄉名曰居敬堂蓄書

萬卷先生歸輒詣觀孫為授餐焉一日入城見衙役新葺一宅供張清雅詢之則曰孫某富家今兄弟析產失和將訟於官設以待之先生聞言心戚即回孫氏以狀告之且陳不和之害事竟得罷

--	--	--	--	--	--	--	--	--	--	--	--	--



111

詩文補遺

四養齋詩稿據程鴻詔氏跋「夫子之詩散佚多矣此僅有存者」檢程侍郎集卷五丙申三月下浣邀雪齷先生俞理初黃鐵香温如心孫柳君諸君棗花寺看牡丹分韻得寺字則先生亦應有詩顧未見今僅據予藏畫冊爲先生所題五七古各一首遂錄之又代李雲舫壽詩四首從手寫劄記中錄出文六篇一一注其采自何處輯佚補遺固後學之責也癸酉冬王立中識

題畫詩一

題畫詩二

壽座師潘中堂代

汪子秀千文音義彙略序

孫函江印譜序

俞氏家譜序

見譜前

重刊宋本說文繫傳序

見影印墨跡

涿學記

墨臼銘

遺詩

題畫

乙未十二月爲
茂之題畫冊

一石如象鼻橫枕大江濱
踞石誰氏子無乃太古民
磴道穿石腹上與塔院鄰
下聞瀕洞聲波磔起鱗鱗
問渡人多暇意與蘆葦親
我知風起處此地杳無塵
端坐任談諧何勞遠知津
布帆祝無恙不問越與秦
從知心太平耽翫及良辰

題畫

乙未十二月題
奉茂之六弟

碧梧新洗新筠脫松枝
短短穎見末知道春深萬
昌榮醜石呈嬌綠苔活此
圖風格近百年細意尙物
色新鮮寒冬

披幘硯方涼忽覺生意滿眼前尋芳近識家山好那忽悠
悠涉長道捲卷佇息一遠然天涯何處無芳草

代李雲訪壽座師潘中堂

錄自手
寫劄記

瑞靄澄霄演榮光壽宇敷三天嫺禮樂一德協唐虞霖雨
蒼生祝篇章衆士模清名從及第慰望在都俞

蘇臺非養望愛敬願難勝聖許雲山暇天教福祿膺崢嶸
文八柱壽愷作三朋寵錫符羣望都由瑞氣凝

內省樞庭重平章素望優帝嘗褻密勿巨不耀謀猷肅穆
風行遠寬和德舉翰卽今休養意公惠足千秋

小草蓬萊植會承兩澤偏爲郎慚落拓著錄記周旋北闕

龍光溥南門壽曜躔併蒙同忭頌德廣及垓埏

俞理初先生年譜

遺詩

The image shows a table with 12 empty columns. On the right side, there is a small tab-like structure. Below the table, there is a small rectangular box containing the number 11.

--	--	--	--	--	--	--	--	--	--	--	--	--

11

遺文

千文音義彙略序抄本

子秀先生素通法家醫家言其排類精審由天性然也正
燮少與共席硯獨知其詩文以爲隱秀幽折時入逸品嘗
戲語曰吾能屈詘自世閒安能從汝巢神山先生弗以爲
忤也庚辰夏正燮自昭文歸昭文有周君少霞者以知音
名雍正間辨文字於舌齟唇喉持之甚堅吾邑孫君蒙葉
君有廣亦持此義若共一喉舌者予欲以質之孫君蓋葉
君已歿而子秀素攻此學則吾不知也適子秀病予省視
之亦未一言及此及先生歿始見此書以音相從而叶之

附之字音皆從其類予審覽之始知此爲有用之學此書行而小學聲音可以一歸雅正子秀眞可謂愛素好古之士哉惜向者與語之淺也子秀病時猶懇懇於是書字蹟倚邪參錯若不勝目力者且云所收未全此眞實語也然非經始之人則無從補之顧其例顯白覽者得其意或偶有所觸日益一字或月益一字此則邢劭日思誤書之意而子秀此譔留於人間不失爲完書也已嘉慶庚辰九月同里俞正燮拜手書

孫山江印譜序

見嘉慶黟縣志

刻印用繆篆謂官印也其法或以疊文或彼此糾結使茂

美私印則用小篆亦有參以繆篆者西漢官印多五字東漢始不用土德之說今所傳得官印多東漢以後章也大約鑄字端重肅穆可用爲篆法近人得漢魏瓦當其篆文增減出入似亦繆法而悉佳妙過漢碑頭篆文遠甚山江愛素好古輯所得公私銅印二百餘方自漢時似繆非繆以迄元時畏吾兒文糾繆奇怪以石臨之盡其妙於方寸分矩之中至剗漫處亦畢肖可謂奇作矣吾郡刻印者向宗程穆倩與浙分派程握刀意思圓厚似岐山石鼓自巴君子藉孫君雨茗互獎勵以漢法遂融浙派雨茗令子濬川尤善鈎廓篆隸能逼真今墓有宿草矣雨茗爲山江族

兄濬川則從子也道光辛巳五月夏雨初晴正燮在函江
齋中言之輒慨然撫此卷不無前不見古人後不見來者
之思耳

涿學記

代潘侍郎從手
寫劄記錄出

某某視學畿甸之三年

丙申至
戊戌

涿人士喜學宮工成以熙

起之情請于州牧刻事樂石屬其文於督學使者使者以
爲涿于京府其衝繁州民樂儒風士通時務其固然也溯
儒澤之盛源于先儒漢九江太守盧君子幹今以戴禮王
制文王世子學記儒行大學古人立教承學規制其留遺
至今得以因革損益各臻明備者康成鄭君實從盧君所

叙略行世所謂禮記者注之然則官于涿土及涿人士景
仰先哲皆能深思古人所以立學之意敬愛保護之埽除
修葺墳冢無使傾圯涿于學視他州縣宜爲易官于涿者
以儒爲治生于涿者文章根經訓制行以古人爲則其於
修學之舉衆視爲當然又非徒爲好義而已國家制度美
備立學溥而遠學田學祿爲費多矣工程不賦于民學宮
輪奐之後若無須橐鼓也者涿牧趙君庭椿久于其任政
成民和師儒亦勉率厥職士民故能敬業樂羣于其所當
爲者樂爲之如此也君子學以致其道涿士之游于學居
于學者內本鄉先輩大儒盧君傳經之意以端其志業上

體朝廷教士敦本務實以善其身修飭其行昌大其文學
豈非涿俗之美而賢牧及爲師儒于此者之所屬望歟先
是學宮將議修前兩廣制府盧宮保坤輸白金千兩涿人
士皆以爲當因而輸錢赴工集事甚易此鄉先生懿行宜
爲表著者宮保故九江太守之系裔於此益見涿人士不
忘彝訓而先儒有後祿如涿盧氏之比尤可使務學者知
所觀感興起矣

墨臼銘

原器藏黟縣
碧山汪氏

啓賢汪翁墨臼永保無斁翁生萬曆時卒于康熙庚戌孫
曾守彝訓保門戶敬藏遺器道光三年邑後學俞正燮謹

爲題識且作銘

潘谷采烟自我作故膠麝之融投以萬杵有隱君子碧山
搆宇抄藉巾箱琢形璜琥積墨能馨遺經克序式念勤勞
鼎來簪組惟白有朋孟峯當戶

